

BIBLIOTHECA  
SCRIPTORVM GRAECORVM ET ROMANORVM  
TEUBNERIANA

---

CORNELIVS NEPOS

EDIDIT

P.K. MARSHALL

**FX**

175000

.977

**78**

8

17035



LEIPZIG

TEUBNER VERLAGSGESELLSCHAFT


1977



FX 175000.972

P

UNIVERSITÄTSBIBLIOTHEK 0005068508  
LEIPZIG



Jahr	Ifd. Nummer	Band	Untertelle
788	170352		
Format	PZ		Staffel





ACADEMIAE LIPSICENSIS  
INSTITUTIONUM  
HISTORIAE ET ANTIQVITATIS

STINTIUM

BIBLIOTHECA

SCRIPTORVM ANTIQVORVM ET  
RECENTIORVM

1811

IN  
LIPSIA

AKADEMIE DER WISSENSCHAFTEN DER DDR  
ZENTRALINSTITUT  
FÜR ALTE GESCHICHTE UND ARCHÄOLOGIE

---

BIBLIOTHECA  
SCRIPTORVM GRAECORVM ET ROMANORVM  
TEUBNERIANA



BSB B. G. TEUBNER VERLAGSGESELLSCHAFT  
1977

CORNELII NEPOTIS  
VITAE  
CVM FRAGMENTIS

EDIDIT

PETER K. MARSHALL



BSB B. G. TEUBNER VERLAGSGESELLSCHAFT  
1977

BIBLIOTHECAE TEUBNERIANAE  
HVIVS TEMPORIS  
REDACTOR: GÜNTHER CHRISTIAN HANSEN



78-8-17035

<sup>D</sup>  
Tit. 37.5.78

Li 250

L

© BSB B. G. Teubner Verlagsgesellschaft, Leipzig, 1977

1. Auflage

VLN 294/375/4/77 · LSV 0886

Lektor: Dr. phil. Elisabeth Schuhmann

Printed in the German Democratic Republic

Gesamtherstellung: INTERDRUCK Graphischer Großbetrieb

Leipzig—III/18/97

Bestell-Nr. 665 813 1

DDR 29, — M



CORNELII NEPOTIS  
LIBER DE EXCELLENTIBVS DVCIBVS  
EXTERARVM GENTIVM

PROLOGVS

5 Non dubito fore plerosque, Attice, qui hoc genus scripturae leue et 1  
non satis dignum summorum uirorum personis iudicent, cum relatum  
legent, quis musicam docuerit Epaminondam, aut in eius uirtutibus  
commemorari, saltasse eum commode scienterque tibiis cantasse. sed 2  
ii erunt fere, qui expertes litterarum Graecarum nihil rectum, nisi  
10 quod ipsorum moribus conueniat, putabunt. hi si didicerint non eadem 3  
omnibus esse honesta atque turpia, sed omnia maiorum institutis iudi-  
cari, non admirabuntur nos in Graiorum uirtutibus exponendis mores  
eorum secutos. neque enim Cimoni fuit turpe, Atheniensium summo 4  
uiro, sororem germanam habere in matrimonio, quippe cum ciues eius  
15 eodem uterentur instituto. at id quidem nostris moribus nefas habe-  
tur. laudi in Creta ducitur adulescentulis quam plurimos habuisse  
amatores. nulla Lacedaemoni uidua tam est nobilis, quae non ad ce-  
nam eat mercede conducta. magnis in laudibus tota fere fuit Graecia 5  
uictorem Olympiae citari, in scaenam uero prodire ac populo esse spec-  
20 taculo nemini in eisdem gentibus fuit turpitudini. quae omnia apud  
nos partim infamia, partim humilia atque ab honestate remota po-

6 nuntur. contra ea pleraque nostris moribus sunt decora, quae apud  
 illos turpia putantur. quem enim Romanorum pudet uxorem ducere  
 in conuiuium? aut cuius non mater familias primum locum tenet  
 7 aedium atque in celebritate uersatur? quod multo fit aliter in Graecia.  
 nam neque in conuiuium adhibetur nisi propinquorum, neque sedet 5  
 nisi in interiore parte aedium, quae gynaeconitis appellatur, quo nemo  
 8 accedit nisi propinqua cognatione coniunctus. sed hic plura persequi  
 cum magnitudo uoluminis prohibet, tum festinatio, ut ea explicem,  
 quae exorsus sum. quare ad propositum ueniamus et in hoc exponemus  
 libro de uita excellentium imperatorum. 10

## MILTIADES

1 Miltiades, Cimonis filius, Atheniensis, cum et antiquitate generis et  
 gloria maiorum et sua modestia unus omnium maxime floreret eaque  
 esset aetate, ut non iam solum de eo bene sperare, sed etiam confidere  
 ciues possent sui, talem eum futurum, qualem cognitum iudicarunt, ac- 15  
 2 cidit ut Athenienses Chersonesum colonos uellent mittere. cuius generis  
 cum magnus numerus esset et multi eius demigrationis peterent socie-  
 tatem, ex his delecti Delphos deliberatum missi sunt qui consulerent  
 Apollinem, quo potissimum duce uterentur. namque tum Thraeces eas  
 3 regiones tenebant cum quibus armis erat dimicandum. his consulenti- 20  
 bus nominatim Pythia praecepit, ut Miltiadem imperatorem sibi sume-  
 4 rent: id si fecissent, incepta prospera futura. hoc oraculi responso Mil-  
 tiades cum delecta manu classe Chersonesum profectus cum accessisset  
 Lemnum et incolas eius insulae sub potestatem redigere uellet Athe-  
 5 niensium, idque Lemnii sua sponte facerent postulasset, illi irridentes 25  
 responderunt tum id se facturos, cum ille domo nauibus proficiscens  
 uento aquilone uenisset Lemnum. hic enim uentus ab septentrionibus  
 6 oriens aduersum tenet Athenis proficiscentibus. Miltiades morandi

tempus non habens cursum direxit, quo tendebat, peruenitque Chersonesum.

Ibi breui tempore barbarum copiis disiectis, tota regione, quam 2  
petierat, potitus, loca castellis idonea communiit, multitudinem, quam  
5 secum duxerat, in agris collocauit crebrisque excursionibus locuple-  
tauit. neque minus in ea re prudentia quam felicitate adiutus est. 2  
nam cum uirtute militum deuicisset hostium exercitus, summa aequi-  
tate res constituit atque ipse ibidem manere decreuit. erat enim inter 3  
eos dignitate regia, quamuis carebat nomine, neque id magis imperio  
10 quam iustitia consecutus. neque eo setius Atheniensibus, a quibus  
erat profectus, officia praestabat. quibus rebus fiebat ut non minus  
eorum uoluntate perpetuo imperium obtineret, qui miserant, quam  
illorum, cum quibus erat profectus. Chersoneso tali modo constituta 4  
Lemnum reuertitur et ex pacto postulat ut sibi urbem tradant. illi  
15 enim dixerant, cum uento borea domo profectus eo peruenisset, sese  
dedituros: se autem domum Chersonesi habere. Cares, qui tum Lem- 5  
num incolebant, etsi praeter opinionem res ceciderat, tamen non dicto,  
sed secunda fortuna aduersariorum capti resistere ausi non sunt atque  
ex insula demigrarunt. pari felicitate ceteras insulas, quae Cyclades  
20 nominantur, sub Atheniensium redegit potestatem.

Eisdem temporibus Persarum rex Darius ex Asia in Europam exer- 3  
citu traiecto Scythis bellum inferre decreuit. pontem fecit in Histro  
flumine, qua copias traduceret. eius pontis, dum ipse abesset, custodes  
reliquit principes, quos secum ex Ionia et Aeolide duxerat, quibus  
25 singulis ipsarum urbium perpetua dederat imperia. sic enim facillime 2  
putauit se Graeca lingua loquentes, qui Asiam incolerent, sub sua  
retenturum potestate, si amicis suis oppida tuenda tradidisset, quibus  
se oppresso nulla spes salutis relinqueretur. in hoc fuit tum numero  
Miltiades cui illa custodia crederetur. hic cum crebri afferrent nuntii 3  
30 male rem gerere Darium premique a Scythis, Miltiades hortatus est  
pontis custodes, ne a fortuna datam occasionem liberandae Graeciae

- 4 dimitterent. nam si cum iis copiis, quas secum transportarat, interiisset  
Darius, non solum Europam fore tutam, sed etiam eos, qui Asiam  
incolerent Graeci genere, liberos a Persarum futuros dominatione et  
periculo: id facile effici posse. ponte enim rescisso regem uel hostium  
5 ferro uel inopia paucis diebus interiturum. ad hoc consilium cum ple- 5  
rique accederent, Histiaeus Milesius, ne res conficeretur, obstitit, di-  
cens non idem ipsis, qui summas imperii tenerent, expedire et multi-  
tudini, quod Darii regno ipsorum niteretur dominatio: quo extincto  
ipsum potestate expulsos ciuibus suis poenas daturus. itaque adeo se  
abhorrere a ceterorum consilio, ut nihil putet ipsis utilius quam confir- 10  
6 mari regnum Persarum. huius cum sententiam plurimi essent secuti,  
Miltiades non dubitans tam multis consciis ad regis aures consilia sua  
peruentura, Chersonesum reliquit ac rursus Athenas demigrauit. cuius  
ratio etsi non ualuit, tamen magnopere est laudanda, cum amicior  
omnium libertati quam suae fuerit dominationi. 15
- 4 Darius autem, cum ex Europa in Asiam redisset, hortantibus ami-  
cis, ut Graeciam redigeret in suam potestatem, classem quingentarum  
nauium comparauit eique Datim praefecit et Artaphernem hisque du-  
centa peditum, decem milia equitum dedit, causam interserens se  
hostem esse Atheniensibus, quod eorum auxilio Iones Sardis expugnas- 20  
2 sent suaque praesidia interfecissent. illi praefecti regii classe ad Euboe-  
am appulsa celeriter Eretriam ceperunt omnesque eius gentis ciues  
abreptos in Asiam ad regem miserunt. inde ad Atticam accesserunt ac  
suas copias in campum Marathona deduxerunt. is est ab oppido cir-  
3 citer milia passuum decem. hoc tumultu Athenienses tam propinquo 25  
tamque magno permoti auxilium nusquam nisi a Lacedaemoniis peti-  
uerunt Phidippumque cursorem eius generis, qui hemerodromoe uocantur,  
Lacedaemonem miserunt, ut nuntiaret quam celeri opus esset  
4 auxilio. domi autem creant decem praetores, qui exercitui praeesent,  
in eis Miltiadem. inter quos magna fuit contentio, utrum moenibus 30

<se> defenderent an obuiam irent hostibus acieque decernerent. unus 5  
 Miltiades maxime nitebatur, ut primo quoque tempore castra fierent:  
 id si factum esset, et ciuibus animum accessurum, cum uiderent de  
 eorum uirtute non desperari, et hostes eadem re fore tardiores, si anim-  
 5 aduerterent auderi aduersus se tam exiguis copiis dimicari.

Hoc in tempore nulla ciuitas Atheniensibus auxilio fuit praeter Pla- 5  
 taeenses. ea mille misit militum. itaque horum aduentu decem milia  
 armatorum completa sunt, quae manus mirabili flagrabat pugnandi  
 cupiditate. quo factum est ut plus quam collegae Miltiades ualeret. 2  
 10 eius ergo auctoritate impulsus Athenienses copias ex urbe eduxerunt  
 locoque idoneo castra fecerunt. deinde postero die sub montis radi- 3  
 cibus acie regione instructa non apertissima proelium commiserunt  
 (namque arbores multis locis erant raras) hoc consilio, ut et montium  
 altitudine tegerentur et arborum tractu equitatus hostium impediretur  
 15 ne multitudine clauderentur. Datis etsi non aequum locum uidebat 4  
 suis, tamen fretus numero copiarum suarum configere cupiebat, eoque  
 magis, quod, priusquam Lacedaemonii subsidio uenirent, dimicare  
 utile arbitrabatur. itaque in aciem peditum centum, equitum decem  
 milia produxit proeliumque commisit. in quo tanto plus uirtute ualue- 5  
 20 runt Athenienses, ut decemplicem numerum hostium profligarint  
 adeoque perterruerint, ut Persae non castra, sed naues petierint. qua  
 pugna nihil adhuc exstitit nobilius: nulla enim umquam tam exigua  
 manus tantas opes prostrauit.

Cuius uictoriae non alienum uidetur quale praemium Miltiadi sit 6  
 25 tributum, docere, quo facilius intellegi possit eandem omnium ciuita-  
 tum esse naturam. ut enim populi Romani honores quondam fuerunt 2  
 rari et tenues ob eamque causam gloriosi, nunc autem effusi atque  
 obsoleti, sic olim apud Athenienses fuisse reperimus. namque huic 3

- Miltiadi, qui Athenas totamque Graeciam liberarat, talis honos tributus est, in porticu, quae Poecile uocatur, cum pugna depingeretur Marathonia, ut in decem praetorum numero prima eius imago poneretur isque hortaretur milites proeliumque committeret. idem ille populus, posteaquam maius imperium est nactus et largitione magistratum corruptus est, trecentas statuas Demetrio Phalereo decreuit.
- 7 Post hoc proelium classem septuaginta nauium Athenienses eidem Miltiadi dederunt, ut insulas, quae barbaros adiuuerant, bello persequeretur. quo <in> imperio plerasque ad officium redire coegit, nonnullas ui expugnauit. ex his Parum insulam opibus elatam cum oratione reconciliare non posset, copias e nauibus eduxit, urbem operibus clausit omnique commeatu priuauit, dein uineis ac testudinibus constitutis propius muros accessit. cum iam in eo esset, ut oppido peteretur, procul in continenti lucus, qui ex insula conspiciebatur, nescio quo casu nocturno tempore incensus est. cuius flamma ut ab oppidanis et oppugnatoribus est uisa, utrisque uenit in opinionem signum a classiariis regiis datum. quo factum est ut et Parii a deditioe deterrentur et Miltiades, timens ne classis regia aduentaret, incensis operibus, quae statuerat, cum totidem nauibus atque erat profectus Athenas magna cum offensione ciuium suorum rediret. accusatus ergo est proditionis, quod, cum Parum expugnare posset, a rege corruptus infectis rebus discessisset. eo tempore aeger erat uulneribus, quae in oppugnando oppido acceperat. itaque cum ipse pro se dicere non posset, uerba fecit frater eius Stesagoras. causa cognita capitis absolutus pecunia multatus est, eaque lis quinquaginta talentis aestimata est, quantus in classem sumptus factus erat. hanc pecuniam quod soluere in praesentia non poterat, in uincla publica coniectus est ibique diem obiit supremum.
- 8 Hic etsi crimine Pario est accusatus, tamen alia causa fuit damnationis. namque Athenienses propter Pisistrati tyrannidem, quae paucis annis ante fuerat, omnium ciuium suorum potentiam extimescebant. Miltiades, multum in imperiis magistratibusque uersatus, non uide-

batur posse esse priuatus, praesertim cum consuetudine ad imperii  
 cupiditatem trahi uideretur. nam Chersonesi omnes illos quos habi- 3  
 tarat annos perpetuam obtinuerat dominationem tyrannusque fuerat  
 appellatus, sed iustus. non erat enim ui consecutus, sed suorum uolun-  
 a 5 tate, eamque potestatem bonitate retinebat. omnes autem et dicuntur  
 et habentur tyranni, qui potestate sunt perpetua in ea ciuitate, quae  
 libertate usa est. sed in Miltiade erat cum summa humanitas tum mira 4  
 communitas, ut nemo tam humilis esset, cui non ad eum aditus  
 pateret; magna auctoritas apud omnes ciuitates, nobile nomen, laus  
 or 10 rei militaris maxima. haec populus respiciens maluit illum innoxium  
 plecti quam se diutius esse in timore.

## THEMISTOCLES

Themistocles, Neocli filius, Atheniensis. huius uitia ineuntis adules- 1  
 centiae magnis sunt emendata uirtutibus, adeo ut anteferatur huic  
 ar 15 nemo, pauci pares putentur. sed ab initio est ordiendus. pater eius 2  
 Neocles generosus fuit. is uxorem Acarnanam ciuem duxit, ex qua  
 natus est Themistocles. qui cum minus esset probatus parentibus,  
 quod et liberius uiuebat et rem familiarem neglegebat, a patre ex-  
 heredatus est. quae contumelia non fregit eum, sed erexit. nam cum 3  
 or 20 iudicasset sine summa industria non posse eam exstingui, totum se  
 dedidit rei publicae, diligentius amicis famaеque seruiens. multum in  
 iudiciis priuatis uersabatur, saepe in contionem populi prodibat; nulla  
 res maior sine eo gerebatur; celeriter quae opus erant reperiēbat, facile 4  
 ar 25 eadem oratione explicabat, neque minus in rebus gerendis promptus  
 quam excogitandis erat, quod et de instantibus, ut ait Thucydides,  
 uerissime iudicabat et de futuris callidissime coniciebat. quo factum  
 est ut breui tempore illustraretur.

- 2 Primus autem gradus fuit capessendae rei publicae bello Corcyraeo; ad quod gerendum praetor a populo factus non solum praesenti bello, 2 sed etiam reliquo tempore ferociorem reddidit ciuitatem. nam cum pecunia publica, quae ex metallis redibat, largitione magistratum quotannis interiret, ille persuasit populo ut ea pecunia classis centum 5 nauium aedificaretur. qua celeriter effecta primum Corcyraeos fregit, deinde maritimos praedones consectando mare tutum reddidit. in quo cum diuitiis ornauit, tum etiam peritissimos belli naualis fecit 4 Athenienses. id quantae saluti fuerit uniuersae Graeciae, bello cognitum est Persico. nam cum Xerxes et mari et terra bellum uniuersae 10 inferret Europae cum tantis copiis, quantas neque ante nec postea habuit quisquam (huius enim classis mille et ducentarum nauium 5 longarum fuit, quam duo milia onerariarum sequebantur, terrestris autem exercitus septingenta peditum, equitum quadringenta milia 6 fuerunt), huius de aduentu cum fama in Graeciam esset perlata et maxime Athenienses peti dicerentur propter pugnam Marathoniam, miserunt Delphos consultum, quidnam facerent de rebus suis. deli- 7 berantibus Pythia respondit, ut moenibus ligneis se munirent. id responsum quo ualeret cum intellegeret nemo, Themistocles persua- sit consilium esse Apollinis, ut in naues se suaque conferrent: eum 20 enim a deo significari murum ligneum. tali consilio probato addunt ad superiores totidem naues triremes suaque omnia, quae moueri poterant, partim Salamina partim Troezena deportant: arcem sacerdotibus paucisque maioribus natu ac sacra procuranda tradunt, reli- 25 quum oppidum relinquunt.
- 3 Huius consilium plerisque ciuitatibus displicebat et in terra dimicari magis placebat. itaque missi sunt delecti cum Leonida, Lacedaemoniorum rege, qui Thermopylas occuparent longiusque barbaros progredi non paterentur. hi uim hostium non sustinuerunt eoque loco



omnes interierunt. at classis communis Graeciae trecentarum nauium, 2  
 in qua ducentae erant Atheniensium, primum apud Artemisium inter  
 Euboeam continentemque terram cum classiariis regiis confligit. angu-  
 stias enim Themistocles quaerebat, ne multitudine circumiretur. hic etsi 3  
 5 pari proelio discesserant, tamen eodem loco non sunt ausi manere,  
 quod erat periculum, ne, si pars nauium aduersariorum Euboeam  
 superasset, ancipiti premerentur periculo. quo factum est ut ab Arte- 4  
 misio discederent et exaduersum Athenas apud Salamina classem suam  
 constituerent.

10 At Xerxes Thermopylis expugnatis protinus accessit astu idque 4  
 nullis defendentibus interfectis sacerdotibus, quos in arce inuenerat,  
 incendio deleuit. cuius flamma perterriti classiarii cum manere non 2  
 auderent et plurimi hortarentur, ut domos suas discederent moeni-  
 busque se defenderent, Themistocles unus restitit et uniuersos pares  
 15 esse posse aiebat, dispersos testabatur perituros, idque Eurybiadi, regi  
 Lacedaemoniorum, qui tum summae imperii praeerat, fore affirma-  
 bat. quem cum minus quam uellet moueret, noctu de seruis suis quem 3  
 habuit fidelissimum ad regem misit, ut ei nuntiaret suis uerbis, aduer-  
 sarios eius in fuga esse: qui si discessissent, maiore cum labore et 4  
 20 longinquiore tempore bellum confecturum, cum singulos consectari  
 cogeretur: quos si statim aggrederetur, breui uniuersos oppressurum.  
 hoc eo ualebat, ut ingratis ad depugnandum omnes cogerentur. hac 5  
 re audita barbarus, nihil doli subesse credens, postridie alienissimo  
 sibi loco, contra opportunissimo hostibus adeo angusto mari confligit,  
 25 ut eius multitudo nauium explicari non potuerit. uictus ergo est magis  
 etiam consilio Themistocli quam armis Graeciae.

Hic etsi male rem gesserat, tamen tantas habebat reliquias copia- 5  
 rum, ut etiam tum iis opprimere posset hostes: iterum ab eodem gradu  
 depulsus est. nam Themistocles, uerens ne bellare perseueraret, certio-  
 30 rem eum fecit id agi, ut pons, quem ille in Hellesponto fecerat, dissol-  
 ueretur ac reditu in Asiam excluderetur, idque ei persuasit. itaque 2  
 qua sex mensibus iter fecerat, eadem minus diebus triginta in Asiam  
 reuersus est seque a Themistocle non superatum, sed conseruatum  
 iudicauit. sic unius uiri prudentia Graecia liberata est Europaeque 3

succubuit Asia. haec altera uictoria, quae cum Marathonio possit comparari tropaeo. nam pari modo apud Salamina paruo numero nauium maxima post hominum memoriam classis est deuicta.

- 6 Magnus hoc bellō Themistocles fuit neque minor in pace. cum enim Phalerico portu neque magno neque bono Athenienses uterentur, 5 huius consilio triplex Piraei portus constitutus est isque moenibus circumdatus, ut ipsam urbem dignitate aequiperaret, utilitate supe-  
2 raret. idem muros Atheniensium restituit praecipuo suo periculo. namque Lacedaemonii causam idoneam nacti propter barbarorum excursionses, qua negarent oportere extra Peloponnesum ullam urbem 10 <moenia> habere, ne essent loca munita, quae hostes possiderent, Athenienses aedificantes prohibere sunt conati. hoc longe alio specta-  
3 bat atque uideri uolebant. Athenienses enim duabus uictoriis, Marathonia et Salamina, tantam gloriam apud omnes gentis erant consecuti, ut intellegerent Lacedaemonii de principatu sibi cum iis certa- 15  
4 men fore. quare eos quam infirmissimos esse uolebant. postquam autem audierunt muros instrui, legatos Athenas miserunt, qui id fieri uetarent. his praesentibus desierunt ac se de ea re legatos ad eos mis-  
5 suros dixerunt. hanc legationem suscepit Themistocles et solus primo profectus est: reliqui legati ut tum exirent, cum satis altitudo muri 20 exstructa uideretur, praecepit: interim omnes, serui atque liberi, opus facerent neque ulli loco parcerent, siue sacer siue priuatus esset siue publicus, et undique, quod idoneum ad muniendum putarent, congererent. quo factum est ut Atheniensium muri ex sacellis sepulcrisque 25 constarent.
- 7 Themistocles autem, ut Lacedaemonem uenit, adire ad magistratus noluit et dedit operam, ut quam longissime tempus duceret, causam 2 interponens se collegas exspectare. cum Lacedaemonii quererentur opus nihilo minus fieri eumque in ea re conari fallere, interim reliqui legati sunt consecuti. a quibus cum audisset non multum superesse 30

munitionis, ad ephoros Lacedaemoniorum accessit, penes quos summum erat imperium, atque apud eos contendit falsa iis esse delata: quare aequum esse illos uiros bonos nobilesque mittere quibus fides haberetur, qui rem explorarent: interea se obsidem retinerent. gestus 3  
 5 est ei mos, tresque legati functi summis honoribus Athenas missi sunt. cum his collegas suos Themistocles iussit proficisci iisque praedixit, ut ne prius Lacedaemoniorum legatos dimitterent quam ipse esset remissus. hos postquam Athenas peruenisse ratus est, ad magistra- 4  
 10 tum senatumque Lacedaemoniorum adiit et apud eos liberrime professus est: Atheniensis suo consilio, quod communi iure gentium facere possent, deos publicos suosque patrios ac penates, quo facilius ab hoste possent defendere, muris saepsisse neque in eo quod inutile esset Graeciae fecisse. nam illorum urbem ut propugnaculum oppositum 5  
 esse barbaris, apud quam iam bis classes regias fecisse naufragium. Lacedaemonios autem male et iniuste facere, qui id potius intueren- 6  
 15 tur, quod ipsorum dominationi quam quod uniuersae Graeciae utile esset. quare, si suos legatos recipere uellent, quos Athenas miserant, se remitterent, aliter illos numquam in patriam essent recepturi.

Tamen non effugit ciuium suorum inuidiam. namque ob eundem 8  
 20 timorem, quo damnatus erat Miltiades, testularum suffragiis e ciuitate eiectus Argos habitatum concessit. hic cum propter multas eius uirtutes magna cum dignitate uiueret, Lacedaemonii legatos Athenas miserunt, qui eum absentem accusarent, quod societatem cum rege Perse ad Graeciam opprimendam fecisset. hoc crimine absens prodi- 3  
 25 tionis damnatus est. id ut audiuit, quod non satis tutum se Argis uidebat, Corcyram demigrauit. ibi cum eius principes animaduertisset timere, ne propter se bellum iis Lacedaemonii et Athenienses indicerent, <ad> Admetum, Molossum regem, cum quo ei hospitium erat, confugit. huc cum uenisset et in praesentia rex abesset, quo maiore reli- 4

gione se receptum tueretur, filiam eius paruulam arripuit et cum ea se in sacrarium, quod summa colebatur caerimonia, coniecit. inde non prius egressus est, quam rex eum data dextra in fidem reciperet, quam  
5 praestitit. nam cum ab Atheniensibus et Lacedaemoniis exposceretur publice, supplicem non prodidit monuitque ut consuleret sibi: difficile 5  
enim esse in tam propinquo loco tuto eum uersari. itaque Pydnam  
6 eum deduci iussit et quod satis esset praesidii dedit. hic in nauem omnibus ignotis nautis escendit. quae cum tempestate maxima Naxum ferretur, ubi tum Atheniensium erat exercitus, sensit Themistocles, si eo peruenisset, sibi esse pereundum. hac necessitate coactus domino 10  
7 nauis, qui sit, aperit, multa pollicens, si se conseruasset. at ille clarissimi uiri captus misericordia diem noctemque procul ab insula in salo nauem tenuit in ancoris neque quemquam ex ea exire passus est. inde Ephesum peruenit ibique Themistoclen exponit. cui ille pro meritis postea gratiam rettulit. 15

9 Scio plerosque ita scripsisse, Themistoclen Xerxe regnante in Asiam transisse. sed ego potissimum Thucydidi credo, quod aetate proximus de iis, qui illorum temporum historiam reliquerunt, et eiusdem ciuitatis fuit. is autem ait ad Artaxerxen eum uenisse atque his verbis  
2 epistulam misisse: 'Themistocles ueni ad te, qui plurima mala omnium 20  
Graiorum in domum tuam intuli, quamdiu mihi necesse fuit aduersum  
3 patrem tuum bellare patriamque meam defendere. idem multo plura bona feci, postquam in tuto ipse et ille in periculo esse coepit. nam cum in Asiam reuerti uellet proelio apud Salamina facto, litteris eum certiore feci id agi ut pons, quem in Hellesponto fecerat, dissolueretur 25  
atque ab hostibus circumiretur. quo nuntio ille periculo est liberatus.  
4 nunc autem confugi ad te exagitatus a cuncta Graecia, tuam petens amicitiam: quam si ero adeptus, non minus me bonum amicum habebis, quam fortem inimicum ille expertus est. ea autem rogo, ut de iis rebus, quas tecum colloqui uolo, annum mihi tempus des eoque trans- 30  
acto ad te uenire patiaris.'

Huius rex animi magnitudinem admirans cupiensque talem uirum 10  
 sibi conciliari ueniam dedit. ille omne illud tempus litteris sermonique  
 Persarum se dedit: quibus adeo eruditus est, ut multo commodius  
 dicatur apud regem uerba fecisse, quam ii poterant, qui in Perside  
 5 erant nati. hic cum multa regi esset pollicitus gratissimumque illud, 2  
 si suis uti consiliis uellet, illum Graeciam bello oppressurum, magnis  
 muneribus ab Artaxerxe donatus in Asiam rediit domiciliumque Magne-  
 siae sibi constituit. namque hanc urbem ei rex donarat, his quidem 3  
 uerbis, quae ei panem praeberet (ex qua regione quinquaginta talenta  
 10 quotannis redibant), Lampsacum autem, unde uinum sumeret,  
 Myunta, ex qua obsonium haberet.

Huius ad nostram memoriam monumenta manserunt duo: sepul-  
 crum prope oppidum, in quo est sepultus, statua in foro Magnesiae.  
 de cuius morte multimodis apud plerosque scriptum est, sed nos eun- 4  
 15 dem potissimum Thucydidem auctorem probamus, qui illum ait  
 Magnesiae morbo mortuum neque negat fuisse famam, uenenum sua  
 sponte sumpsisse, cum se, quae regi de Graecia opprimenda pollicitus  
 esset, praestare posse desperaret. idem ossa eius clam in Attica ab 5  
 20 amicis sepulta, quoniam legibus non concederetur, quod prodicionis  
 esset damnatus, memoriae prodidit.

## ARISTIDES

Aristides, Lysimachi filius, Atheniensis, aequalis fere fuit Them- 1  
 stocli itaque cum eo de principatu contendit: namque obtrectarunt  
 inter se. in his autem cognitum est, quanto antestaret eloquentia inno- 2  
 25 centiae. quamquam enim adeo excellebat Aristides abstinentia, ut  
 unus post hominum memoriam, quem quidem nos audierimus, cogno-  
 mine Iustus sit appellatus, tamen a Themistocle collabefactus testula

- 3 illa exilio decem annorum multatus est. qui quidem cum intellegeret reprimi concitatam multitudinem non posse, cedensque animaduertisset quendam scribentem, ut patria pelleretur, quaesisse ab eo dicitur, quare id faceret aut quid Aristides commisisset, cur tanta poena dignus  
 4 duceretur. cui ille respondit se ignorare Aristiden, sed sibi non placere, 5 quod tam cupide elaborasset, ut praeter ceteros Iustus appellaretur.  
 5 hic decem annorum legitimam poenam non pertulit. nam postquam Xerxes in Graeciam descendit, sexto fere anno quam erat expulsus, populi scito in patriam restitutus est.
- 2 Interfuit autem pugnae nauali apud Salamina, quae facta est prius- 10 quam poena liberaretur. idem praetor fuit Atheniensium apud Plataeas in proelio, quo Mardonius fusus barbarorumque exercitus inter-  
 2 fectus est. neque aliud est ullum huius in re militari illustre factum quam huius imperii memoria, iustitiae uero et aequitatis et innocentiae multa, in primis quod eius aequitate factum est, cum in communi 15 classe esset Graeciae simul cum Pausania quo duce Mardonius erat fugatus, ut summa imperii maritimi ab Lacedaemoniis transferretur  
 3 ad Athenienses: namque ante id tempus et mari et terra duces erant Lacedaemonii. tum autem et intemperantia Pausaniae et iustitia factum est Aristidis, ut omnes fere ciuitates Graeciae ad Atheniensium 20 societatem se applicarent et aduersus barbaros hos duces deligerent sibi.
- 3 Quos quo facilius repellerent, si forte bellum renouare conarentur, ad classis aedificandas exercitusque comparandos quantum pecuniae quaeque ciuitas daret, Aristides delectus est qui constitueret, eiusque 25 arbitrio quadringena et sexagena talenta quotannis Delum sunt collata: id enim commune aerarium esse uoluerunt. quae omnis pecunia  
 2 postero tempore Athenas translata est. hic qua fuerit abstinentia, nullum est certius indicium quam <quod>, cum tantis rebus praefuis-  
 3 set, in tanta paupertate decessit, ut qui efferretur uix reliquerit. quo 30 factum est ut filiae eius publice alerentur et de communi aerario dotibus datis collocarentur. decessit autem fere post annum quartum quam Themistocles Athenis erat expulsus.

## PAVSANIAS

Pausanias Lacedaemonius magnus homo, sed uarius in omni genere 1  
 uitae fuit: nam ut uirtutibus eluxit, sic uitiiis est obrutus. huius illu- 2  
 strissimum est proelium apud Plataeas. namque illo duce Mardonius, 2  
 5 satrapes regius, natione Medus, regis gener, in primis omnium Per-  
 sarum et manu fortis et consilii plenus, cum ducentis milibus peditum,  
 quos uiritim legerat, et uiginti milibus equitum haud ita magna manu  
 Graeciae fugatus est, eoque ipse dux cecidit proelio. qua uictoria 3  
 elatus plurima miscere coepit et maiora concupiscere. sed primum in  
 10 eo est reprehensus, quod ex praeda tripodem aureum Delphis posuisset  
 epigrammate inscripto, in quo haec erat sententia: suo ductu bar-  
 baros apud Plataeas esse deletos eiusque uictoriae ergo Apollini donum  
 dedisse. hos uersus Lacedaemonii exsculpserunt neque aliud scripse- 4  
 runt quam nomina earum ciuitatum, quarum auxilio Persae erant uicti.  
 15 Post id proelium eundem Pausaniam cum classe communi Cyprum 2  
 atque Hellespontum miserunt, ut ex iis regionibus barbarorum praesi-  
 dia depelleret. pari felicitate in ea re usus elatius se gerere coepit ma- 2  
 ioresque appetere res. nam cum Byzantio expugnato cepisset com-  
 plures Persarum nobiles atque in his nonnullos regis propinquos, hos  
 20 clam Xerxi remisit, simulans ex uinclis publicis effugisse, et cum his  
 Gongylum Eretriensem, qui litteras regi redderet, in quibus haec fuisse  
 scripta Thucydides memoriae prodidit: 'Pausanias, dux Spartaee, quos 3  
 Byzanti ceperat, postquam propinquos tuos cognouit, tibi muneri  
 misit seque tecum affinitate coniungi cupit: quare, si tibi uidetur,  
 25 des ei filiam tuam nuptum. id si feceris, et Spartam et ceteram Grae- 4  
 ciam sub tuam potestatem se adiuuante <te> redacturum pollicetur.  
 his de rebus si quid geri uolueris, certum hominem ad eum mittas  
 face, cum quo colloquatur.' rex tot hominum salute tam sibi necessa- 5  
 riorum magnopere gauisus confestim cum epistula Artabazum ad  
 30 Pausaniam mittit, in qua eum collaudat; petit, ne cui rei parcat ad  
 ea efficienda, quae pollicetur: si perfecerit, nullius rei a se repulsam

- 6 laturum. huius Pausanias uoluntate cognita alacrior ad rem gerendam factus in suspicionem cecidit Lacedaemoniorum. in quo facto domum reuocatus, accusatus capitis absoluitur, multatur tamen pecunia, quam ob causam ad classem remissus non est.
- 3 At ille post non multo sua sponte ad exercitum rediit et ibi non 5  
callida, sed dementi ratione cogitata patefecit: non enim mores pa-  
2 trios solum, sed etiam cultum uestitumque mutauit. apparatu regio  
utebatur, ueste Medica; satellites Medi et Aegyptii sequebantur; epu-  
labatur more Persarum luxuriosius, quam qui aderant perpeti pos-  
3 sent; aditum petentibus conueniendi non dabat, superbe respondebat, 10  
crudeliter imperabat. Spartam redire nolebat; Colonas, qui locus in  
agro Troade est, se contulerat; ibi consilia cum patriae tum sibi in-  
4 imica capiebat. id postquam Lacedaemonii rescierunt, legatos cum  
claua ad eum miserunt, in qua more illorum erat scriptum: nisi do-  
5 mum reuerteretur, se capitis eum damnaturos. hoc nuntio commotus, 15  
sperans se etiam tum pecunia et potentia instans periculum posse  
depellere, domum rediit. huc ut uenit, ab ephoris in uincla publica  
est coniectus: licet enim legibus eorum cuius ephoro hoc facere regi.  
hinc tamen se expediuit, neque eo magis carebat suspicione: nam  
6 opinio manebat eum cum rege habere societatem. est genus quoddam 20  
hominum, quod Hilotae uocatur, quorum magna multitudo agros  
Lacedaemoniorum colit seruorumque munere fungitur. hos quoque  
7 sollicitare spe libertatis existimabatur. sed quod harum rerum nullum  
erat apertum crimen, quo argui posset, non putabant de tali tamque  
claro uiro suspicionibus oportere iudicari et exspectandum, dum se 25  
ipsa res aperiret.
- 4 Interim Argilius quidam adulescentulus, quem puerum Pausanias  
amore uenerio dilexerat, cum epistulam ab eo ad Artabazum acce-  
pisset eique in suspicionem uenisset aliquid in ea de se esse scriptum,  
quod nemo eorum redisset, qui super tali causa eodem missi erant, 30  
uincla epistulae laxauit signoque detracto cognouit, si pertulisset, sibi  
2 esse pereundum. erant in eadem epistula quae ad ea pertinebant, quae



inter regem Pausaniamque conuenerant. has ille litteras ephoris tradidit. non est praetereunda grauitas Lacedaemoniorum hoc loco. nam 3  
 ne huius quidem indicio impulsus sunt ut Pausaniam comprehenderent, neque prius uim adhibendam putauerunt, quam se ipse indicasset. 4  
 5 itaque huic indici, quid fieri uellent, praeceperunt. fanum Neptuni 4  
 est Taenari, quod uiolari nefas putant Graeci. eo ille index confugit in araque consedit. hanc iuxta locum fecerunt sub terra, ex quo posset audiri, si quis quid loqueretur cum Argilio. huc ex ephoris quidam descenderunt. Pausanias, ut audiuit Argilium confugisse in aram, per- 5  
 10 turbatus uenit eo. quem cum supplicem dei uideret in ara sedentem, quaerit, causae quid sit tam repentini consilii. huic ille, quid ex litteris comperisset, aperit. modo magis Pausanias perturbatus orare coe- 6  
 pit, ne enuntiaret nec se meritum de illo optime proderet: quod si eam ueniam sibi dedisset tantisque implicatum rebus subleuasset, magno  
 15 ei praemio futurum.

His rebus ephori cognitio satius putarunt in urbe eum comprehendi. 5  
 quo cum essent profecti et Pausanias placato Argilio, ut putabat, Lacedaemonem reuerteretur, in itinere, cum iam in eo esset ut comprehenderetur, ex uultu cuiusdam ephori, qui eum admoneri cupiebat, 20  
 insidias sibi fieri intellexit. itaque paucis ante gradibus, quam qui eum 2  
 sequebantur, in aedem Mineruae, quae Chalcioicos uocatur, confugit. hinc ne exire posset, statim ephori ualuas eius aedis obstruxerunt tectumque sunt demoliti, quo celerius sub diuo interiret. dicitur eo 3  
 tempore matrem Pausaniae uixisse eamque iam magno natu, post-  
 25 quam de scelere filii comperit, in primis ad filium claudendum lapidem ad introitum aedis attulisse. sic Pausanias magnam belli gloriam turpi 4  
 morte maculauit. hic cum semianimis de templo elatus esset, confestim animam efflauit. cuius mortui corpus cum eodem nonnulli dicerent 5  
 inferri oportere, quo ii qui ad supplicium essent dati, displicuit plu-  
 30 ribus, et procul ab eo loco infoderunt, quo erat mortuus. inde posterius Delphici responso erutus atque eodem loco sepultus, ubi uitam posuerat.

## CIMON

- 1 Cimon, Miltiadis filius, Atheniensis, duro admodum initio usus est adulescentiae. nam cum pater eius litem aestimatam populo soluere non potuisset ob eamque causam in uinclis publicis decessisset, Cimon eadem custodia tenebatur neque legibus Atheniensibus emitti poterat, 5
- 2 nisi pecuniam, qua pater multatus erat, soluisset. habebat autem in matrimonio sororem germanam suam, nomine Elpinicen, non magis amore quam more ductus: namque Atheniensibus licet eodem patre 3
- 3 natas uxores ducere. huius coniugii cupidus Callias quidam, non tam generosus quam pecuniosus, qui magnas pecunias ex metallis fecerat, 10
- 4 egit cum Cimone ut eam sibi uxorem daret: id si impetrasset, se pro illo pecuniam soluturum. is cum talem condicionem aspernaretur, Elpinice negauit se passuram Miltiadis progeniem in uinclis publicis interire, quoniam prohibere posset, seque Calliae nupturam, si ea 15
- 2 Tali modo custodia liberatus Cimon celeriter ad principatum peruenit. habebat enim satis eloquentiae, summam liberalitatem, magnam prudentiam cum iuris ciuilis tum rei militaris, quod cum patre a puero in exercitibus fuerat uersatus. itaque hic et populum urbanum in sua 20
- 2 tenuit potestate et apud exercitum plurimum ualuit auctoritate. primum imperator apud flumen Strymona magnas copias Thracum fugauit, oppidum Amphipolim constituit eoque decem milia Atheniensium in coloniam misit. idem iterum apud Mycalen Cypriorum et Phoenicum ducentarum nauium classem deuictam cepit eodemque die pari 25
- 3 fortuna in terra usus est. namque hostium nauibus captis statim ex classe copias suas eduxit barbarorumque maximam uim uno concursu 4
- 4 prostrauit. qua uictoria magna praeda potitus cum domum reuertetur, quod iam nonnullae insulae propter acerbitatem imperii defece- rant, bene animatas confirmauit, alienatas ad officium redire coegit. 5
- 5 Scyrum, quam eo tempore Dolopes incolebant, quod contumacius se 30
- gesserant, uacuefecit, sessores ueteres urbe insulaque eiecit, agros ciuibus diuisit. Thasios opulentia fretos suo aduentu fregit. his ex manubiis arx Athenarum, qua ad meridiem uergit, est ornata.

Quibus rebus cum unus in ciuitate maxime floreret, incidit in ean- 3  
dem inuidiam quam pater suus ceterique Atheniensium principes: nam  
testarum suffragiis, quod illi *ὄστρακισμόν* uocant, decem annorum exi-  
lio multatus est. cuius facti celerius Athenienses quam ipsum paeni- 2  
5 tuit. nam cum ille animo forti inuidiae ingratorum ciuium cessisset  
bellumque Lacedaemonii Atheniensibus indixissent, confestim notae  
eius uirtutis desiderium consecutum est. itaque post annum quintum, 3  
quam expulsus erat, in patriam reuocatus est. ille, quod hospitio  
Lacedaemoniorum utebatur, satius existimans contendere Lacedae-  
10 monem, sua sponte est profectus pacemque inter duas potentissimas  
ciuitates conciliauit. post, neque ita multo, Cyprum cum ducentis 4  
nauibus imperator missus, cum eius maiorem partem insulae deuicis-  
set, in morbum implicitus in oppido Citio est mortuus.

Hunc Athenienses non solum in bello, sed etiam in pace diu desi- 4  
15 derauerunt. fuit enim tanta liberalitate, cum compluribus locis prae-  
dia hortosque haberet, ut numquam in eis custodem imposuerit fruc-  
tus seruandi gratia, ne quis impediretur, quominus eius rebus quibus  
quisque uellet frueretur. semper eum pedisequi cum nummis sunt 2  
secuti, ut, si quis opis eius indigeret, haberet quod statim daret, ne  
20 differendo uideretur negare. saepe, cum aliquem offensum fortuna  
uideret minus bene uestitum, suum amiculum dedit. cotidie sic cena 3  
ei coquebatur, ut, quos inuocatos uidisset in foro, omnis deuocaret,  
quod facere nullo die praetermittebat. nulli fides eius, nulli opera,  
nulli res familiaris defuit: multos locupletauit, complures pauperes  
25 mortuos, qui unde efferrentur non reliquissent, suo sumptu extulit.  
sic se gerendo minime est mirandum, si et uita eius fuit segura et mors 4  
acerba.

## LYSANDER

- 1 Lysander Lacedaemonius magnam reliquit sui famam, magis felicitate quam uirtute partam: Atheniensis enim <in> Peloponnesios  
 2 sexto et uicesimo anno bellum gerentes confecisse apparet. id qua ratione consecutus sit <non> latet: non enim uirtute exercitus sui, sed  
 3 immodestia factum est aduersariorum, qui, quod dicto audientes imperatoribus suis non erant, dispalati in agris relictis nauibus in hostium  
 4 uenerunt potestatem. quo facto Athenienses se Lacedaemoniis dederunt. hac uictoriā Lysander elatus, cum antea semper factiosus audaxque  
 5 fuisset, sic sibi indulisit, ut eius opera in maximum odium Graeciae Lacedaemonii  
 6 peruenerint. nam cum hanc causam Lacedaemonii dictitassent sibi esse belli, ut Atheniensium impotentem dominationem refringerent,  
 7 postquam apud Aegos flumen Lysander classis hostium est potitus, nihil aliud molitus est quam ut omnes ciuitates in  
 8 sua teneret potestate, cum id se Lacedaemoniorum causa facere simularet. namque undique, qui Atheniensium rebus studuissent, eiectionem  
 9 decem delegerat in una quaque ciuitate, quibus summum imperium potestatemque omnium rerum committeret. horum in numero nemo  
 10 admittebatur, nisi qui aut eius hospitio contineretur aut se illius fore proprium fide confirmarat.
- 2 Ita decemuirali potestate in omnibus urbibus constituta ipsius nutu omnia gerebantur. cuius de crudelitate ac perfidia satis est unam rem exempli gratia proferre, ne de eodem plura enumerando defatigemus  
 3 lectores. uictor ex Asia cum reuerteretur Thasumque diuertisset, quod ea ciuitas praecipua fide fuerat erga Athenienses, proinde ac si <non>  
 4 idem firmissimi solerent esse amici, qui constantes fuissent inimici, peruertere eam concupiuit. uidit autem, nisi in eo occultasset uoluntatem, futurum ut Thasii dilaberentur consulerentque rebus suis  
 5 <\*\*\*>.

Itaque hi decemviralem illam potestatem ab illo constitutam sustu- 3  
 lerunt. quo dolore incensus iniit consilia reges Lacedaemoniorum tol-  
 lere. sed sentiebat id se sine ope deorum facere non posse, quod Lacedaemonii omnia ad oracula referre consuerant. primum Delphicum 2  
 5 corrumpere est conatus. cum id non potuisset, Dodonam adortus est. hinc quoque repulsus dixit se uota suscepisse, quae Ioui Hammoni solueret, existimans se Afros facilius corrupturum. hac spe cum pro- 3  
 10 miserunt, qui Lysandrum accusarent, quod sacerdotes fani corrumpere conatus esset. accusatus hoc crimine iudicumque absolutus sententiis, Orchomeniis missus subsidio occisus est ab Thebanis apud Haliartum. quam uere de eo foret iudicatum, oratio indicio fuit, quae 5  
 15 ut regia potestate dissoluta ex omnibus dux deligatur ad bellum gerendum, sic scripta, ut deum uideretur congruere sententiae, quam ille se habiturum pecunia fidens non dubitabat. hanc ei scripsisse Cleon Halicarnasius dicitur.

Atque hoc loco non est praetereundum factum Pharnabazi, satrapis 4  
 20 regii. nam cum Lysander praefectus classis in bello multa crudeliter auareque fecisset deque iis rebus suspicaretur ad ciues suos esse perlatum, petiit a Pharnabazo ut ad ephoros sibi testimonium daret, quanta sanctitate bellum gessisset sociosque tractasset, deque ea re accurate scriberet: magnam enim eius auctoritatem in ea re futuram. 2  
 25 huic ille liberaliter pollicetur: librum grandem verbis multis conscripsit, in quibus summis eum fert laudibus. quem cum legisset probassetque, dum signatur, alterum pari magnitudine tanta similitudine, ut discerni non posset, signatum subiecit, in quo accuratissime eius auaritiam perfidiamque accusarat. hinc Lysander domum cum redisset, 3  
 30 postquam de suis rebus gestis apud maximum magistratum quae

uoluerat dixerat, testimonii loco librum a Pharnabazo datum tradidit. hunc summoto Lysandro cum ephori cognoscent, ipsi legendum dederunt. ita ille imprudens ipse suus fuit accusator.

ALCIBIADES

- 1 Alcibiades, Cliniae filius, Atheniensis. in hoc quid 5  
 possit uidetur experta. constat enim inter omnes, qui de eo memoriae  
 prodiderunt, nihil illo fuisse excellentius uel in uitiiis uel in uirtutibus.
- 2 natus in amplissima ciuitate summo genere, omnium aetatis suae multo  
 formosissimus; ad omnes res aptus consiliique plenus (namque im-  
 perator fuit summus et mari et terra); disertus, ut in primis dicendo 10  
 ualeret, quod tanta erat commendatio oris atque orationis, ut nemo  
 3 ei dicendo posset resistere; diues; cum tempus posceret, laboriosus,  
 patiens; liberalis, splendidus non minus in uita quam uictu; affabilis,  
 4 blandus, temporibus callidissime seruiens: idem, simul ac se remiserat  
 neque causa suberat quare animi laborem perferret, luxuriosus, disso- 15  
 lutus, libidinosus, intemperans reperiatur, ut omnes admirarentur in  
 uno homine tantam esse dissimilitudinem tamque diuersam naturam.
- 2 Educatus est in domo Pericli (priuignus enim eius fuisse dicitur),  
 eruditus a Socrate. socerum habuit Hipponicum, omnium Graeca  
 lingua loquentium ditissimum, ut, si ipse fingere uellet, neque plura 20  
 bona eminisci neque maiora posset consequi, quam uel natura uel  
 2 fortuna tribuerat. ineunte adulescentia amatus est a multis more  
 Graecorum, in eis Socrate, de quo mentionem facit Plato in Symposio.  
 namque eum induxit commemorantem se pernoctasse cum Socrate  
 3 neque aliter ab eo surrexisse, ac filius a parente debuerit. posteaquam 25

robustior est factus, non minus multos amauit, in quorum amore, quoad licitum est odiosa, multa delicate iocoseque fecit: quae referremus, nisi maiora potiora haberemus.

Bello Peloponnesio huius consilio atque auctoritate Athenienses 3  
 5 bellum Syracusanis indixerunt: ad quod gerendum ipse dux delectus  
 est, duo praeterea collegae dati Nicias et Lamachus. id cum apparare- 2  
 tur, priusquam classis exiret, accidit ut una nocte omnes Hermae, qui  
 in oppido erant Athenis, deicerentur praeter unum, qui ante ianuam  
 erat Andocidi (itaque ille postea Mercurius Andocidi uocitatus est).  
 10 hoc cum appareret non sine magna multorum consensione esse factum, 3  
 quae non ad priuatam, sed publicam rem pertineret, magnus multitu-  
 dini timor est iniectus, ne qua repentina uis in ciuitate existeret, quae  
 libertatem opprimeret populi. hoc maxime conuenire in Alcibiadem 4  
 uidebatur, quod et potentior et maior quam priuatus existimabatur:  
 15 multos enim liberalitate deuinxerat, plures etiam opera forensi suos  
 reddiderat. qua re fiebat ut omnium oculos, quotienscumque in publi- 5  
 cum prodisset, ad se conuerteret neque ei par quisquam in ciuitate  
 poneretur. itaque non solum spem in eo habebant maximam, sed  
 etiam timorem, quod et obesse plurimum et prodesse poterat. asper- 6  
 20 gebatur etiam infamia, quod in domo sua facere mysteria dicebatur  
 (quod nefas erat more Atheniensium) idque non ad religionem, sed  
 ad coniurationem pertinere existimabatur.

Hoc crimine in contione ab inimicis compellabatur. sed instabat 4  
 tempus ad bellum proficiscendi. id ille intuens neque ignorans ciuium  
 25 suorum consuetudinem postulabat, si quid de se agi uellent, potius  
 de praesente quaestio haberetur, quam absens inuidiae crimine accu-  
 saretur. inimici uero eius quiescendum in praesenti, quia noceri non 2  
 posse intellegebant, et illud tempus expectandum decreuerunt, quo  
 exisset, ut absentem aggrederentur; itaque fecerunt. nam postquam 3  
 30 in Siciliam eum peruenisse crediderunt, absentem, quod sacra uiolasset,  
 reum fecerunt. qua de re cum ei nuntius a magistratu in Siciliam mis-  
 sus esset, ut domum ad causam dicendam rediret, essetque in magna

spe prouinciae bene administrandae, non parere noluit et in trierem,  
 4 quae ad eum deportandum erat missa, ascendit. hac Thurios in Ita-  
 liam peruectus, multa secum reputans de immoderata ciuium suorum  
 licentia crudelitateque erga nobiles, utilissimum ratus impendentem  
 euitare tempestatem, clam se ab custodibus subduxit et inde primum 5  
 5 Elidem, dein Thebas uenit. postquam autem se capitis damnatum  
 bonis publicatis audiuit, et, id quod usu uenerat, Eumolpidas sacer-  
 dotes a populo coactos ut se deuouerent, eiusque deuotionis quo testa-  
 tior esset memoria, exemplum in pila lapidea incisum esse positum  
 6 in publico, Lacedaemonem demigrauit. ibi, ut ipse praedicare con- 10  
 suerat, non aduersus patriam, sed inimicos suos bellum gessit, quod  
 eidem hostes essent ciuitati: nam cum intellegerent se plurimum prod-  
 esse posse rei publicae, ex ea eiecisse plusque irae suae quam utilitati  
 7 communi paruissse. itaque huius consilio Lacedaemonii cum Perse rege  
 amicitiam fecerunt, dein Deceleam in Attica munierunt praesidioque 15  
 ibi perpetuo posito in obsidione Athenas tenuerunt. eiusdem opera  
 Ioniam a societate auerterunt Atheniensium. quo facto multo supe-  
 riores bello esse coeperunt.

5 Neque uero his rebus tam amici Alcibiadi sunt facti quam timore  
 ab eo alienati. nam cum acerrimi uiri praestantem prudentiam in 20  
 omnibus rebus cognoscerent, pertimuerunt ne caritate patriae ductus  
 aliquando ab ipsis descisceret et cum suis in gratiam rediret. itaque  
 2 tempus eius interficiundi quaerere instituerunt. id Alcibiades diutius  
 celari non potuit: erat enim ea sagacitate, ut decipi non posset, prae-  
 sertim cum animum attendisset ad cauendum. itaque ad Tissapher- 25  
 3 nem, praefectum regis Darii, se contulit. cuius cum in intimam ami-  
 citiam peruenisset et Atheniensium male gestis in Sicilia rebus opes  
 senescere, contra Lacedaemoniorum crescere uideret, initio cum Pi-  
 sandro praetore, qui apud Samum exercitum habebat, per inter-  
 nuntios colloquitur et de reditu suo facit mentionem. erat enim eodem 30  
 4 fautor. ab hoc destitutus primum per Thrasybulum, Lyci filium, ab



exercitu recipitur praetorque fit apud Samum, post suffragante Theramene populi scito restituitur parique absens imperio praeficitur simul cum Thrasybulo et Theramene. horum in imperio tanta commu- 5  
tatio rerum facta est, ut Lacedaemonii, qui paulo ante uictores  
5 uiguerant, perterriti pacem peterent. uicti enim erant quinque proe-  
liis terrestribus, tribus naualibus, in quibus ducentas naues triremes  
amiserant, quae captae in hostium uenerant potestatem. Alcibiades 6  
simul cum collegis receperat Ioniam, Hellespontum, multas prae-  
terea urbes Graecas, quae in ora sitae sunt Asiae, quarum expugnarant  
10 complures, in his Byzantium, neque minus multas consilio ad ami-  
citiā adiunxerant, quod in captos clementia fuerant usi. ita praeda 7  
onusti, locupletato exercitu, maximis rebus gestis Athenas uenerunt.

His cum obuiam uniuersa ciuitas in Piraeum descendisset, tanta 6  
fuit omnium expectatio uisendi Alcibiadis, ut ad eius triremem uulgus  
15 conflueret, proinde ac si solus aduenisset. sic enim populo erat persua- 2  
sum, et aduersas superiores et praesentes secundas res accidisse eius  
opera. itaque et Siciliae amissum et Lacedaemoniorum uictorias cul-  
pae suae tribuebant, quod talem uirum e ciuitate expulissent. neque  
id sine causa arbitrari uidebantur. nam postquam exercitui praeesse  
20 coeperat, neque terra neque mari hostes pares esse potuerant. hic ut 3  
e naui egressus est, quamquam Theramenes et Thrasybulus eisdem  
rebus praefuerant simulque uenerant in Piraeum, tamen unum omnes  
illum prosequabantur, et, id quod numquam antea usu uenerat nisi  
Olympiae uictoribus, coronis aureis aeneisque uulgo donabatur. ille  
25 lacrimans talem beniuolentiam ciuium suorum accipiebat, reminiscens  
pristini temporis acerbiter. postquam <in> astu uenit, contione aduo- 4  
cata sic uerba fecit, ut nemo tam ferus fuerit, quin eius casum lacru-  
marit inimicumque iis se ostenderit, quorum opera patria pulsus fuerat,  
proinde ac si alius populus, non ille ipse qui tum flebat, eum sacrilegii  
30 damnasset. restituta ergo huic sunt publice bona, eidemque illi 5  
Eumolpidae sacerdotes rursus resacrare sunt coacti, qui eum deuoue-

rant, pilaeque illae, in quibus deuotio fuerat scripta, in mare praecipitatae.

- 7 Haec Alcibiadi laetitia non nimis fuit diuturna. nam cum ei omnes essent honores decreti totaque res publica domi bellicae tradita, ut unius arbitrio gereretur, et ipse postulasset ut duo sibi collegae darentur, Thrasybulus et Adimantus, neque id negatum esset, classe in Asiam profectus, quod apud Cymen minus ex sententia rem gesserat, in inuidiam recidit: nihil enim eum non efficere posse ducebant. ex quo fiebat ut omnia minus prospere gesta culpae tribuerent, cum aut eum neglegenter aut malitiose fecisse loquerentur, sicut tum accidit: nam corruptum a rege capere Cymen noluisse arguebant. itaque huic maxime putamus malo fuisse nimiam opinionem ingenii atque virtutis: timebatur enim non minus quam diligebatur, ne secunda fortuna magnisque opibus elatus tyrannidem concupisceret. quibus rebus factum est ut absentem magistratum abrogarent et alium in eius locum substituerent. id ille ut audiuit, domum reuerti noluit et se Pactyen contulit ibique tria castella communiit, Ornos, Bizanthen, Neontichos, manuque conlecta primus Graeciae ciuitatis in Threciam introiit, gloriosius existimans barbarum praeda locupletari quam Graiorum. qua ex re creuerat cum fama tum opibus, magnamque amicitiam sibi cum quibusdam regibus Threciae pepererat.
- 8 Neque tamen a caritate patriae potuit recedere. nam cum apud Aegos flumen Philocles, praetor Atheniensium, classem constituisset suam neque longe abesset Lysander, praetor Lacedaemoniorum, qui in eo erat occupatus ut bellum quam diutissime duceret, quod ipsis pecunia a rege suppeditabatur, contra Atheniensibus exhaustis praeter arma et naues nihil erat super, Alcibiades ad exercitum uenit Atheniensium ibique praesente uulgo agere coepit: si uellent, se coacturum Lysandrum dimicare aut pacem petere; Lacedaemonios eo nolle classe configere, quod pedestribus copiis plus quam nauibus ualerent; sibi autem esse facile Seuthem, regem Threcum, deducere ut eum terra

depelleret: quo facto necessario aut classe conflicturum aut bellum  
 compositurum. id etsi uere dictum Philocles animaduvertebat, tamen 4  
 postulata facere noluit, quod sentiebat se Alcibiade recepto nullius  
 momenti apud exercitum futurum et, si quid secundi euenisset, nul-  
 lam in ea re suam partem fore, contra ea, si quid aduersi accidisset,  
 se unum eius delicti futurum reum. ab hoc discedens Alcibiades 'quon- 5  
 iam' inquit 'uictoriae patriae repugnas, illud moneo, <ne> iuxta ho-  
 stem castra habeas nautica: periculum est enim, ne immodestia mili-  
 tum uestrorum occasio detur Lysandro uestri opprimendi exercitus.'  
 10 neque ea res illum fefellit. nam Lysander, cum per speculatores com- 6  
 perisset uulgum Atheniensium in terram praedatum exisse nauesque  
 paene inanes relictas, tempus rei gerendae non dimisit eoque impetu  
 bellum totum deleuit.

At Alcibiades, uictis Atheniensibus non satis tuta eadem loca sibi 9  
 15 arbitrans, penitus in Threciam se supra Propontidem abdidit, sperans  
 ibi facillime suam fortunam oculi posse. falso. nam Threces, post- 2  
 quam eum cum magna pecunia uenisse senserunt, insidias fecerunt:  
 qui ea quae apportarat abstulerunt, ipsum capere non potuerunt. ille 3  
 cernens nullum locum sibi tutum in Graecia propter potentiam Lace-  
 daemoniorum ad Pharnabazum in Asiam transiit, quem quidem adeo  
 20 sua cepit humanitate, ut eum nemo in amicitia antecederet. namque  
 ei Grynium dederat, in Phrygia castrum, ex quo quinquagena talenta  
 uectigalis capiebat. qua fortuna Alcibiades non erat contentus neque 4  
 Athenas uictas Lacedaemoniis seruire poterat pati. itaque ad patriam  
 25 liberandam omni ferebatur cogitatione. sed uidebat id sine rege Perse 5  
 non posse fieri, ideoque eum amicum sibi cupiebat adiungi neque dubi-  
 tabat facile se consecuturum, si modo eius conueniundi habuisset po-  
 testatem. nam Cyrum fratrem ei bellum clam parare Lacedaemoniis  
 adiuuantibus sciebat: id si aperuisset, magnam se initurum gratiam  
 30 uidebat.

- 10 Hoc cum moliretur peteretque a Pharnabazo, ut ad regem mitteretur, eodem tempore Critias ceterique tyranni Atheniensium certos homines ad Lysandrum in Asiam miserant, qui eum certiores facerent, nisi Alcibiadem sustulisset, nihil earum rerum fore ratum, quas ipse Athenis constituisset: quare, si suas res gestas manere uellet, illum 5
- 2 persequeretur. his Laco rebus commotus statuit accuratius sibi agendum cum Pharnabazo. huic ergo renuntiat quae regi cum Lacedaemoniis essent, nisi Alcibiadem uiuum aut mortuum sibi tradidisset. non tulit hunc satrapes et uiolare clementiam quam regis opes minui maluit. itaque misit Susamithren et Bagaeum ad Alcibiadem interficiendum, cum ille esset in Phrygia iterque ad regem compararet. 10
- 4 missi clam uicinitati, in qua tum Alcibiades erat, dant negotium ut eum interficiant. illi cum ferro aggredi non auderent, noctu ligna contulerunt circa casam eam, in qua quiescebat, eamque succenderunt, 15
- 5 ut incendio conficerent, quem manu superari posse diffidebant. ille autem ut sonitu flammae est excitatus, etsi gladius ei erat subductus, familiaris sui subalare telum eripuit. namque erat cum eo quidam ex Arcadia hospes, qui numquam discedere uoluerat. hunc sequi se iubet et id quod in praesentia uestimentorum fuit arripit. his in ignem coniectis flammae vim transiit. quem ut barbari incendium effugisse 20
- 6 uiderunt, telis eminus missis interfecerunt caputque eius ad Pharnabazum rettulerunt. at mulier, quae cum eo uiuere consuerat, muliebri sua ueste contectum aedificii incendio mortuum cremauit, quod ad uiuum interimendum erat comparatum. sic Alcibiades annos circiter quadraginta natus diem obiit supremum. 25
- 11 Hunc infamatum a plerisque tres grauissimi historici summis laudibus extulerunt: Thucydides, qui eiusdem aetatis fuit, Theopompus, post aliquanto natus, et Timaeus: qui quidem duo maledicentissimi

nescio quo modo in illo uno laudando consenserunt. namque ea, quae 2  
 supra scripsimus, de eo praedicarunt atque hoc amplius: cum Athenis,  
 splendidissima ciuitate, natus esset, omnes splendore ac dignitate  
 superasse uitae; postquam inde expulsus Thebas uenerit, adeo stu- 3  
 5 diis eorum inseruisse, ut nemo eum labore corporisque uiribus posset  
 aequiperare (omnes enim Boeotii magis firmitati corporis quam ingenii  
 acumini inseruiunt); eundem apud Lacedaemonios, quorum moribus 4  
 summa uirtus in patientia ponebatur, sic duritiae se dedisse, ut parsi-  
 monia uictus atque cultus omnes Lacedaemonios uinceret; fuisse apud  
 10 Thracas, homines uinolentos rebusque ueneriis deditos: hos quoque  
 in his rebus antecessisse; uenisse ad Persas, apud quos summa laus 5  
 esset fortiter uenari, luxuriose uiuere: horum sic imitatum consuetu-  
 dinem, ut illi ipsi eum in his maxime admirarentur. quibus rebus effe- 6  
 cisse ut, apud quoscumque esset, princeps poneretur habereturque  
 15 carissimus. sed satis de hoc: reliquos ordiamur.

## THRASYBVLVS

Thrasybulus, Lyci filius, Atheniensis. si per se uirtus sine fortuna 1  
 ponderanda est, dubito an hunc primum omnium ponam. illud sine  
 dubio: neminem huic praefero fide, constantia, magnitudine animi,  
 20 in patriam amore. nam quod multi uoluerunt paucique potuerunt, ab 2  
 uno tyranno patriam liberare, huic contigit ut a triginta oppressam  
 tyrannis e seruitute in libertatem uindicaret. sed nescio quo modo, 3  
 cum eum nemo anteiret his uirtutibus, multi nobilitate praecucurre-  
 runt. primum Peloponnesio bello multa hic sine Alcibiade gessit, ille  
 25 nullam rem sine hoc: quae ille uniuersa naturali quodam bono fecit  
 lucri. sed illa tamen omnia communia imperatoribus cum mili- 4  
 tibus et fortuna, quod in proelii concursu abit res a consilio ad uires  
 utrimque pugnantium. itaque iure suo nonnulla ab imperatore miles,  
 plurima uero fortuna uindicat seque hic plus ualuisse quam ducis  
 30 prudentiam uere potest praedicare. quare illud magnificentissimum 5  
 factum proprium est Thrasybuli. nam cum triginta tyranni praepo-

- siti a Lacedaemoniis seruitute oppressas tenerent Athenas, plurimos  
 ciuis, quibus in bello parserat fortuna, partim patria expulissent par-  
 tim interfecissent, plurimorum bona publicata inter se diuisissent, non  
 solum princeps, sed etiam solus initio bellum iis indixit.
- 2 Hic enim cum Phylen confugisset, quod est castellum in Attica 5  
 munitissimum, non plus habuit secum triginta de suis. hoc initium  
 2 fuit salutis Actaeorum, hoc robur libertatis clarissimae ciuitatis. neque  
 uero hic non contemptus est primo a tyrannis atque eius solitudo.  
 quae quidem res et illis contemnentibus pernicii et huic despecto sa-  
 luti fuit: haec enim illos segnes ad persequendum, hos autem tempore 10  
 3 ad comparandum dato fecit robustiores. quo magis praeceptum illud  
 omnium in animis esse debet, nihil in bello oportere contemni, neque  
 4 sine causa dici matrem timidi flere non solere. neque tamen pro opi-  
 nione Thrasybuli auctae sunt opes: nam iam tum illis temporibus  
 5 fortius boni pro libertate loquebantur quam pugnabant. hinc in 15  
 Piraeum transiit Munichiamque muniuit. hanc bis tyranni oppugnare  
 sunt adorti, ab eaque turpiter repulsi protinus in urbem armis impedi-  
 6 mentisque amissis refugerunt. usus est Thrasybulus non minus pru-  
 dentia quam fortitudine. nam cedentes uiolari uetuit (ciues enim  
 ciuibus parcere aequum censebat), neque quisquam est uulneratus 20  
 nisi qui prior impugnare uoluit. neminem iacentem ueste spoliauit,  
 nil attigit nisi arma, quorum indigebat, quaeque ad uictum pertine-  
 7 bant. in secundo proelio cecidit Critias, dux tyrannorum, cum quidem  
 exaduersus Thrasybulum fortissime pugnaret.
- 3 Hoc deiecto Pausanias uenit Atticis auxilio, rex Lacedaemoniorum. 25  
 is inter Thrasybulum et eos, qui urbem tenebant, fecit pacem his con-  
 dicionibus: ne qui praeter triginta tyrannos et decem, qui postea prae-  
 tores creati superioris more crudelitatis erant usi, afficerentur exilio  
 neue bona publicarentur: rei publicae procuratio populo redderetur.  
 2 praeclarum hoc quoque Thrasybuli, quod reconciliata pace, cum pluri- 30  
 mum in ciuitate posset, legem tulit, ne quis ante actarum rerum accu-  
 3 saretur neue multaretur, eamque illi obliuionis appellarunt. neque  
 uero hanc tantum ferendam curauit, sed etiam ut ualeret effecit. nam

cum quidam ex iis, qui simul cum eo in exilio fuerant, caedem facere eorum uellent, cum quibus in gratiam reditum erat publice, prohibuit et id quod pollicitus erat praestitit.

Huic pro tantis meritis honoris <causa> corona a populo data est, 4  
 5 facta duabus uirgulis oleaginis. quam quod amor ciuium et non uis  
 expresserat, nullam habuit inuidiam magnaue fuit gloria. bene ergo 2  
 Pittacus ille, qui <in> septem sapientum numero est habitus, cum  
 Mytilenaei multa milia iugerum ei agri muneri darent, 'nolite, oro  
 uos,' inquit 'id mihi dare, quod multi inuideant, plures etiam concu-  
 10 piscant. quare ex istis nolo amplius quam centum iugera, quae et  
 meam animi aequitatem et uestram uoluntatem indicent. nam parua  
 munera diutina, locupletia non propria esse consuerunt.' illa ergo 3  
 corona contentus Thrasybulus neque amplius requisiiuit neque quem-  
 quam honore se antecessisse existimauit. hic sequenti tempore, cum 4  
 15 praetor classem ad Ciliciam appulisset neque satis diligenter in castris  
 eius agerentur uigiliae, a barbaris ex oppido noctu eruptione facta in  
 tabernaculo interfectus est.

## CONON

Conon Atheniensis Peloponnesio bello accessit ad rem publicam, 1  
 20 in eoque eius opera magni fuit. nam et praetor pedestribus exerciti-  
 bus praefuit et praefectus classis <res> magnas mari gessit. quas ob  
 causas praecipuus ei honos habitus est. namque omnibus unus insulis  
 praefuit, in qua potestate Pheras cepit, coloniam Lacedaemoniorum.  
 fuit etiam extremo Peloponnesio bello praetor, cum apud Aegos flu- 2  
 25 men copiae Atheniensium a Lysandro sunt deuictae. sed tum afuit,  
 eoque peius res administrata est: nam et prudens rei militaris et dili-  
 gens erat imperator. itaque nemini erat iis temporibus dubium, si 3  
 affuisset, illam Atheniensis calamitatem accepturos non fuisse.

- 2 Rebus autem afflictis, cum patriam obsideri audisset, non quaesivit, ubi ipse tuto uiueret, sed unde praesidio posset esse ciuibus suis. itaque contulit se ad Pharnabazum, satrapem Ioniae et Lydiae eundemque generum regis et propinquum: apud quem ut multum gratia ualeret, 2 multo labore multisque effecit periculis. nam cum Lacedaemonii Atheniensibus deuictis in societate non manerent, quam cum Artaxerxe fecerant, Agesilaumque bellatum misissent in Asiam, maxime impulsus a Tissapherne, qui ex intimis regis ab amicitia eius defecerat et cum Lacedaemoniis coierat societatem, hunc aduersus Pharnabazus habitus est imperator, re quidem uera exercitui praefuit Conon eiusque 10 omnia arbitrio gesta sunt. hic multum ducem summum Agesilaum impediuit saepeque eius consiliis obstitit, neque uero non fuit apertum, si ille non fuisset, Agesilaum Asiam Tauro tenus regi fuisse erepturum. qui posteaquam domum a suis ciuibus reuocatus est, quod Boeotii et Athenienses Lacedaemoniis bellum indixerant, Conon nihilo 15 setius apud praefectos regis uersabatur iisque omnibus magno erat usui.
- 3 Defecerat a rege Tissaphernes, neque id tam Artaxerxi quam ceteris erat apertum: multis enim magnisque meritis apud regem, etiam cum in officio non maneret, ualebat. neque id erat mirandum, si non facile ad credendum adducebatur, reminiscens eius se operā Cyrum fratrem 20 superasse. huius accusandi gratia Conon a Pharnabazo ad regem missus posteaquam uenit, primum ex more Persarum ad chiliarchum, qui secundum gradum imperii tenebat, Tithraustem accessit seque ostendit cum rege colloqui uelle. huic ille 'nulla' inquit 'mora est, sed tu delibera, utrum colloqui malis an per litteras agere quae cogitas. 25 necesse est enim, si in conspectum ueneris, uenerari te regem (quod *προσκύνησις* illi uocant). nemo enim sine hoc admittitur. hoc si tibi grave est, per me nihilo setius editis mandatis conficies quod studes.'
- 4 tum Conon 'mihi uero' inquit 'non est graue quemuis honorem habere regi, sed uereor ne ciuitati meae sit opprobrio, si, cum ex ea sim profectus, quae ceteris gentibus imperare consuerit, potius barbarorum quam illius more fungar.' itaque huic quae uolebat scripta tradidit. 30



Quibus cognitis rex tantum auctoritate eius motus est, ut et Tissa- 4  
 phernem hostem iudicaret et Lacedaemonios bello persequi iusserit  
 et ei permiserit quem uellet eligere ad dispensandam pecuniam. id  
 arbitrium Conon negauit sui esse consilii, sed ipsius, qui optime suos  
 5 nosse deberet, sed se suadere Pharnabazo id negotii daret. hinc magnis 2  
 muneribus donatus ad mare est missus, ut Cypriis et Phoenicibus  
 ceterisque maritimis ciuitatibus nauis longas imperaret classemque,  
 qua proxima aestate mare tueri posset, compararet, dato adiutore  
 Pharnabazo, sicut ipse uoluerat. id ut Lacedaemoniis est nuntiatum, 3  
 10 non sine cura rem administrant, quod maius bellum imminere arbi-  
 trabantur, quam si cum barbaro solum contenderent. nam ducem  
 fortem, prudentem regis opibus praefuturum ac secum dimicaturum  
 uidebant, quem neque consilio neque copiis superare possent. hac 4  
 mente magnam contrahunt classem: proficiscuntur Pisandro duce.  
 15 hos Conon apud Cnidum adortus magno proelio fugat, multas nauis  
 capit, complures deprimit. qua uictoria non solum Athenae, sed etiam  
 cuncta Graecia, quae sub Lacedaemoniorum fuerat imperio, liberata  
 est. Conon cum parte nauium in patriam uenit, muros dirutos a Ly- 5  
 sandro utrosque, et Piraei et Athenarum, reficiendos curat pecuniae-  
 20 que quinquaginta talenta, quae a Pharnabazo acceperat, ciuibus suis  
 donat.

Accidit huic, quod ceteris mortalibus, ut inconsideratior in secunda 5  
 quam in aduersa esset fortuna. nam classe Peloponnesiorum deuicta,  
 cum ultum se iniurias patriae putaret, plura concupiuit quam efficere  
 25 potuit. neque tamen ea non pia et probanda fuerunt, quod potius 2  
 patriae opes augeri quam regis maluit. nam cum magnam auctori-  
 tatem sibi pugna illa nauali, quam apud Cnidum fecerat, constituis-  
 set non solum inter barbaros, sed etiam omnes Graeciae ciuitates, clam  
 dare operam coepit, ut Ioniam et Aeoliam restitueret Atheniensibus.  
 30 id cum minus diligenter esset celatum, Tiribazus, qui Sardibus prae- 3  
 erat, Cononem euocauit, simulans ad regem eum se mittere uelle  
 magna de re. huius nuntio parens cum uenisset, in uincla coniectus  
 est, in quibus aliquamdiu fuit. inde nonnulli eum ad regem abductum 4

ibique eum periisse scriptum reliquerunt. contra ea Dinon historicus, cui nos plurimum de Persicis rebus credimus, effugisse scripsit: illud addubitat, utrum Tiribazo sciente an imprudente sit factum.

## DION

- 1 Dion, Hipparini filius, Syracusanus, nobili genere natus, utraque 5  
implicatus tyrannide Dionysiorum. namque ille superior Aristoma-  
chen, sororem Dionis, habuit in matrimonio, ex qua duos filios, Hippar-  
inum et Nisaeum, procreavit totidemque filias, nomine Sophrosynen  
et Areten, quarum priorem Dionysio filio, eidem cui regnum reliquit,  
2 nuptum dedit, alteram, Areten, Dioni. Dion autem praeter nobilem 10  
propinquitatem generosamque maiorum famam multa alia ab natura  
habuit bona, in his ingenium docile, come, aptum ad artes optimas,  
magnam corporis dignitatem, quae non minimum commendat, magnas  
praeterea diuitias a patre relictas, quas ipse tyranni muneribus auxe-  
3 rat. erat intimus Dionysio priori, neque minus propter mores quam 15  
affinitatem. namque etsi Dionysii crudelitas ei displicebat, tamen sal-  
uum propter necessitudinem, magis etiam suorum causa studebat.  
aderat in magnis rebus, eiusque consilio multum mouebatur tyrannus,  
4 nisi qua in re maior ipsius cupiditas intercesserat. legationes uero  
omnes, quae essent illustriores, per Dionem administrabantur: quas 20  
quidem ille diligenter obeundo, fideliter administrando crudelissimum  
5 nomen tyranni sua humanitate tegebat. hunc a Dionysio missum Kar-  
thaginienses < sic > suspexerunt, ut neminem umquam Graeca lingua  
loquentem magis sint admirati.
- 2 Neque uero haec Dionysium fugiebant: nam quanto esset sibi orna- 25  
mento, sentiebat. quo fiebat ut uni huic maxime indulgeret neque eum

secus diligeret ac filium: qui quidem, cum Platonem Tarentum uenisse 2  
 fama in Siciliam esset perlata, adulescenti negare non potuerit, quin  
 eum accerseret, cum Dion eius audiendi cupiditate flagraret. dedit  
 ergo huic ueniam magnaue eum ambitione Syracusas perduxit. quem 3  
 5 Dion adeo admiratus est atque adamauit, ut se ei totum traderet.  
 neque uero minus ipse Plato delectatus est Dione. itaque cum a Dio-  
 nysio crudeliter uiolatus esset, quippe qui eum uenundari iussisset,  
 tamen eodem rediit eiusdem Dionis precibus adductus. interim in 4  
 morbum incidit Dionysius. quo cum graui conflictaretur, quaesiuit a  
 10 medicis Dion, quem ad modum se haberet, simulque ab iis petiit, si  
 forte maiori esset periculo, ut sibi faterentur: nam uelle se cum eo  
 colloqui de partiendo regno, quod sororis suae filios ex illo natos par-  
 tem regni putabat debere habere. id medici non tacuerunt et ad Dio- 5  
 nysium filium sermonem rettulerunt. quo ille commotus, ne agendi  
 15 esset Dioni potestas, patri soporem medicos dare coegit. hoc aeger  
 sumpto ut somno sopitus diem obiit supremum.

Tale initium fuit Dionis et Dionysii simultatis, eaque multis rebus 3  
 aucta est. sed tamen primis temporibus aliquamdiu simulata inter  
 eos amicitia mansit. cum Dion non desisteret obsecrare Dionysium,  
 20 ut Platonem Athenis arcesseret et eius consiliis uteretur, ille, qui in  
 aliqua re uellet patrem imitari, morem ei gessit. eodemque tempore 2  
 Philistum historicum Syracusas reduxit, hominem amicum non magis  
 tyranno quam tyrannis. sed de hoc in eo libro plura sunt exposita,  
 qui de historicis Graecis conscriptus est. Plato autem tantum apud 3  
 25 Dionysium auctoritate potuit ualuitque eloquentia, ut ei persuaserit  
 tyrannidis facere finem libertatemque reddere Syracusanis. a qua  
 uoluntate Philisti consilio deterritus aliquanto crudelior esse coepit.

Qui quidem cum a Dione se superari uideret ingenio, auctoritate, 4  
 amore populi, uerens ne, si eum secum haberet, aliquam occasionem  
 30 sui daret opprimendi, nauem ei triremem dedit, qua Corinthum  
 deueheretur, ostendens se id utriusque facere causa, ne, cum  
 inter se timerent, alteruter alterum praeoccuparet. id cum factum 2  
 multi indignarentur magnaue esset inuidiae tyranno, Dionysius

- omnia, quae moueri poterant Dionis, in nauis imposuit ad eumque misit. sic enim existimari uolebat, id se non odio hominis, sed suae salutis fecisse causa. postea uero quam audiuit eum in Peloponneso manum comparare sibi que bellum facere conari, Areten, Dionis uxorem, alii nuptum dedit filiumque eius sic educari iussit, ut indulgendo 5  
 4 turpissimis imbueretur cupiditatibus. nam puero prius quam pubes esset scorta adducebantur, uino epulisque obruebatur, neque ullum 5  
 5 tempus sobrio relinquebatur. is usque eo uitae statum commutatum ferre non potuit, postquam in patriam rediit pater (namque appositae erant custodes, qui eum a pristino uictu deducerent), ut se de superiore 10  
 5 parte aedium deiecerit atque ita interierit. sed illuc reuertor.
- 5 Postquam Corinthum peruenit Dion et eodem perfugit Heraclides ab eodem expulsus Dionysio, qui praefectus fuerat equitum, omni 2  
 2 ratione bellum comparare coeperunt. sed non multum proficiebant, quod multorum annorum tyrannis magnarum opum putabatur: quam 15  
 3 ob causam pauci ad societatem periculi perducebantur. sed Dion, fretus non tam suis copiis quam odio tyranni, maximo animo duabus onerariis nauibus quinquaginta annorum imperium, munitum quingentis longis nauibus, decem equitum centumque peditum milibus, profectus oppugnatum, quod omnibus gentibus admirabile est uisum, 20  
 adeo facile perculit, ut post diem tertium, quam Siciliam attigerat, Syracusas introierit. ex quo intellegi potest nullum esse imperium 4  
 4 tutum nisi beneuolentia munitum. eo tempore aberat Dionysius et in Italia classem opperiebatur aduersariorum, ratus neminem sine magnis 5  
 5 copiis ad se uenturum. quae res eum fefellit. nam Dion iis ipsis, qui 25  
 sub aduersarii fuerant potestate, regios spiritus repressit totiusque eius partis Siciliae potitus est, quae sub Dionysii fuerat potestate, parique modo urbis Syracusarum praeter arcem et insulam adiunctam 6  
 6 oppido, eoque rem perduxit, ut talibus pactionibus pacem tyrannus facere uellet: Siciliam Dion obtineret, Italiam Dionysius, Syracusas 30  
 Apollocrates, cui maximam fidem uni habebat Dion.
- 6 Has tam prosperas tamque inopinatas res consecuta est subita commutatio, quod fortuna sua mobilitate, quem paulo ante extulerat,

demergere est adorta. primum in filio, de quo commemoravi supra, 2  
 suam uim exercuit. nam cum uxorem reduxisset, quae alii fuerat  
 tradita, filiumque uellet reuocare ad uirtutem a perdita luxuria,  
 accepit grauissimum parens uulnus morte filii. deinde orta dissensio 3  
 5 est inter eum et Heraclidem, qui, quod ei principatum non concedebat,  
 factionem comparauit. neque is minus ualebat apud optimates, quo-  
 rum consensu praeerat classi, cum Dion exercitum pedestrem teneret.  
 non tulit hoc animo aequo Dion, et uersum illum Homeri rettulit ex 4  
 secunda rhapsodia, in quo haec sententia est: non posse bene geri rem  
 10 publicam multorum imperiis. quod dictum magna inuidia consecuta  
 est: namque aperuisse uidebatur omnia in sua potestate esse uelle.  
 hanc ille non lenire obsequio, sed acerbitate opprimere studuit, Hera- 5  
 clidemque, cum Syracusas uenisset, interficiendum curauit.

Quod factum omnibus maximum timorem iniecit; nemo enim illo 7  
 15 interfecto se tutum putabat. ille autem aduersario remoto licentius  
 eorum bona, quos sciebat aduersus se sensisse, militibus dispertiuit.  
 quibus diuisis, cum cotidiani maximi fierent sumptus, celeriter pecu- 2  
 nia deesse coepit, neque, quo manus porrigeret, suppetebat nisi in  
 amicorum possessiones. id eius modi erat, ut, cum milites reconcilias-  
 20 set, amitteret optimates. quarum rerum cura frangebatur et insuetus 3  
 male audiendi non animo aequo ferebat, de se ab iis male existimari,  
 quorum paulo ante in caelum fuerat elatus laudibus. uulgus autem  
 offensa in eum militum uoluntate liberius loquebatur et tyrannum  
 non ferendum dictitabat.

Haec ille intuens cum quem ad modum sedaret nesciret et quorsum 8  
 euaderent timeret, Callicrates quidam, ciuis Atheniensis, qui simul  
 cum eo ex Peloponneso in Siciliam uenerat, homo et callidus et ad  
 fraudem acutus, sine ulla religione ac fide, adit ad Dionem et ait:  
 eum magno in periculo esse propter offensionem populi et odium mili- 2  
 30 tum, quod nullo modo euitare posset, nisi alicui suorum negotium  
 daret, qui se simularet illi inimicum. quem si inuenisset idoneum, facile  
 omnium animos cogniturum aduersariosque sublaturum, quod in-

- 3 imici eius dissidenti suos sensus aperturi forent. tali consilio probato  
 excepit has partes ipse Callicrates et se armat imprudentia Dionis.  
 ad eum interficiendum socios conquirat, aduersarios eius conuenit,  
 4 coniuratione confirmat. res, multis consciis quae gereretur, elata de-  
 fertur ad Aristomachen, sororem Dionis, uxoremque Areten. illae ti- 5  
 more perterritae conueniunt, cuius de periculo timebant. at ille negat  
 a Callicrate fieri sibi insidias, sed illa, quae agerentur, fieri praecepto  
 5 suo. mulieres nihilo setius Callicratem in aedem Proserpinae deducunt  
 ac iurare cogunt, nihil ab illo periculi fore Dioni. ille hac religione non  
 modo non est deterritus, sed ad maturandum concitatus est, uerens ne 10  
 prius consilium aperiretur suum, quam conata perfecisset.
- 9 Hac mente proximo die festo, cum a conuentu se remotum Dion  
 domi teneret atque in conclauis edito recubisset, consciis facinoris loca  
 munitiora oppidi tradit, domum custodiis saepit, a foribus qui non  
 2 discedant, certos praeficit, nauem triremem armatis ornat Philostrato- 15  
 que, fratri suo, tradit eamque in portu agitari iubet, ut si exercere re-  
 miges uellet, cogitans, si forte consiliis obstitisset fortuna, ut haberet,  
 3 qua fugeret ad salutem. suorum autem e numero Zacynthios adules-  
 centes quosdam eligit cum audacissimos tum uiribus maximis, hisque  
 dat negotium, ad Dionem eant inermes, sic ut conueniendi eius gratia 20  
 4 uiderentur uenire. hi propter notitiam sunt intromissi. at illi ut limen  
 eius intrarant, foribus obseratis in lecto cubantem inuadunt, colli-  
 5 gant: fit strepitus, adeo ut exaudiri possit foris. hic, sicut ante saepe  
 dictum est, quam inuisa sit singularis potentia et miseranda uita,  
 6 qui se metui quam amari malunt, cuius facile intellectu fuit. namque 25  
 illi ipsi custodes, si propria fuissent uoluntate, foribus effractis seruare  
 eum potuissent, quod illi inermes telum foris flagitantes uiuum tene-  
 bant. cui cum succurreret nemo, Lyco quidam Syracusanus per fene-  
 stras gladium dedit, quo Dion interfectus est.
- 10 Confecta caede, cum multitudo uisendi gratia introisset, nonnulli ab 30

inseciis pro noxiis conciduntur. nam celeri rumore dilato, Dioni uim  
 allatam, multi concurrerant, quibus tale facinus displicebat. hi falsa  
 suspicione ducti immerentes ut sceleratos occidunt. huius de morte ut 2  
 palam factum est, mirabiliter uulgi mutata est uoluntas. nam qui  
 5 uiuum eum tyrannum uocitarant, eidem liberatorem patriae tyranni-  
 que expulsorem praedicabant. sic subito misericordia odio successerat,  
 ut eum suo sanguine ab Acherunte, si possent, cuperent redimere.  
 itaque in urbe celeberrimo loco, elatus publice, sepulcri monumento 3  
 donatus est. diem obiit circiter annos quinquaginta quinque natus,  
 10 quartum post annum, quam ex Peloponneso in Siciliam redierat.

## IPHICRATES

Iphicrates Atheniensis non tam magnitudine rerum gestarum quam 1  
 disciplina militari nobilitatus est. fuit enim talis dux, ut non solum  
 aetatis suae cum primis compararetur, sed ne de maioribus natu qui-  
 15 dem quisquam anteponeretur. multum uero in bello est uersatus, saepe 2  
 exercitibus praefuit, nusquam culpa male rem gessit, semper consilio  
 uicit tantumque eo ualuit, ut multa in re militari partim noua attu-  
 lerit, partim meliora fecerit. namque ille pedestria arma mutauit. cum 3  
 ante illum imperatorem maximis clipeis, breuibus hastis, minutis gla-  
 20 diis uterentur, ille e contrario peltam pro parma fecit (a quo postea 4  
 peltastae pedites appellabantur), ut ad motus concursusque essent  
 leuiiores, hastae modum duplicauit, gladios longiores fecit. idem genus  
 loricarum <mutauit> et pro sertis atque aeneis linteas dedit. quo facto  
 expeditiores milites reddidit: nam pondere detracto, quod aequae cor-  
 25 pus tegeret et leue esset, curauit.

Bellum cum Thracibus gessit; Seuthen, socium Atheniensium, in 2  
 regnum restituit. apud Corinthum tanta seueritate exercitui praefuit,  
 ut nullae umquam in Graecia neque exercitatiores copiae neque magis  
 dicto audientes fuerint duci, in eamque consuetudinem induxit, ut, 2

cum proelii signum ab imperatore esset datum, sine ducis opera sic ordinatae consisterent, ut singuli ab peritissimo imperatore dispositi uiderentur. hoc exercitu moram Lacedaemoniorum interfecit, quod maxime tota celebratum est Graecia. iterum eodem bello omnes copias eorum fugauit, quo facto magnam adeptus est gloriam. cum Artaxerxes Aegyptio regi bellum inferre uoluit, Iphicraten ab Atheniensibus ducem petiuit, quem praeficeret exercitui conducticio, cuius numerus duodecim milium fuit. quem quidem sic omni disciplina militari erudiuit, ut, quem ad modum quondam Fabiani milites Romani appellati sunt, sic Iphicratenses apud Graecos in summa laude fuerint. idem subsidio Lacedaemoniis profectus Epaminondae retardauit impetus. nam nisi eius aduentus appropinquasset, non prius Thebani Sparta abscessissent, quam captam incendio delessent.

3 Fuit autem et animo magno et corpore imperatoriaque forma, ut  
 2 ipso aspectu cuius iniceret admirationem sui, sed in labore nimis remissus parumque patiens, ut Theopompus memoriae prodidit, bonus uero ciuis fideque magna. quod cum in aliis rebus declarauit, tum maxime in Amyntae Macedonis liberis tuendis. namque Eurydice, mater Perdiccae et Philippi, cum his duobus pueris Amynta mortuo ad Iphicraten confugit eiusque opibus defensa est. uixit ad senectutem placatis in se suorum ciuium animis. causam capitis semel dixit, bello sociali, simul cum Timotheo, eoque iudicio est absolutus. Mene- sthea filium reliquit ex Thressa natum, Coti regis filia. is cum interrogaretur, utrum pluris, patrem matremne, faceret, 'matrem' inquit. id cum omnibus mirum uideretur, at ille 'merito' inquit 'facio: nam pater, quantum in se fuit, Threcem me genuit, contra ea mater Atheniensem.'



## CHABRIAS

Chabrias Atheniensis. hic quoque in summis habitus est ducibus 1  
 resque multas memoria dignas gessit. sed ex his elucet maxime inuen-  
 tum eius in proelio, quod apud Thebas fecit, cum Boeotiis subsidio  
 uenisset. namque in eo uictoria fidentem summum ducem <cernens> 2  
 Agesilaum, fugatis iam ab eo conducticiis cateruis, reliquam phalan-  
 gem loco uetuit cedere obnixoque genu scuto, proiecta hasta impetum  
 excipere hostium docuit. id nouum Agesilaus contuens progredi non  
 est ausus suosque iam incurrentes tuba reuocauit. hoc usque eo tota 3  
 Graecia fama celebratum est, ut illo statu Chabrias sibi statuam fieri  
 uoluerit, quae publice ei ab Atheniensibus in foro constituta est. ex  
 quo factum est ut postea athletae ceterique artifices iis statibus <in>  
 statuis ponendis uterentur, <\*\*\*> cum uictoriam essent adepti.

Chabrias autem multa in Europa bella administrauit, cum dux 2  
 Atheniensium esset; in Aegypto sua sponte gessit: nam Nectenebin  
 adiutum profectus regnum ei constituit. fecit idem Cypri, sed publice 2  
 ab Atheniensibus Euagorae adiutor datus, neque prius inde discessit,  
 quam totam insulam bello deuinceret: qua ex re Athenienses magnam  
 gloriam sunt adepti. interim bellum inter Aegyptios et Persas con- 3  
 flatum est. Athenienses cum Artaxerxe societatem habebant, Lacedae-  
 monii cum Aegyptiis, a quibus magnas praedas Agesilaus, rex eorum,  
 faciebat. id intuens Chabrias, cum in re nulla Agesilao cederet, sua  
 sponte eos adiutum profectus Aegyptiae classi praefuit, pedestribus  
 copiis Agesilaus.

Tum praefecti regis Persae legatos miserunt Athenas questum, quod 3  
 Chabrias aduersum regem bellum gereret cum Aegyptiis. Athenienses  
 diem certam Chabriae praestituerunt, quam ante domum nisi redisset,  
 capitis se illum damnaturos denuntiarunt. hoc ille nuntio Athenas  
 rediit, neque ibi diutius est moratus, quam fuit necesse. non enim 2  
 libenter erat ante oculos suorum ciuium, quod et uiuebat laute et in-

- 3 dulgebat sibi liberalius, quam ut inuidiam uulgi posset effugere. est enim hoc commune uitium magnis liberisque ciuitatibus, ut inuidia gloriae comes sit et libenter de iis detrahant, quos eminere uideant altius, neque animo aequo pauperes alienam intueantur fortunam.
- 4 itaque Chabrias, quoniam ei licebat, plurimum aberat. neque uero 5 solus ille aberat Athenis libenter, sed omnes fere principes fecerunt idem, quod tantum se ab inuidia putabant futuros, quantum a conspectu suorum recesserint. itaque Conon plurimum Cypri uixit, Iphicrates in Thraecia, Timotheus Lesbo, Chares Sigeo, dissimilis quidem Chares horum et factis et moribus, sed tamen Athenis et honoratus 10 et potens.
- 4 Chabrias autem periit bello sociali tali modo. oppugnabant Athenienses Chium. erat in classe Chabrias priuatus, sed omnes, qui in magistratu erant, auctoritate anteibat, eumque magis milites quam 2 qui praeerant aspiciebant. quae res ei maturauit mortem. nam dum 15 primus studet portum intrare gubernatoremque iubet eo dirigere nauem, ipse sibi perniciiei fuit: cum enim eo penetrasset, ceterae non sunt secutae. quo facto circumfusus hostium concursu cum fortissime 3 pugnaret, nauis rostro percussa coepit sidere. hinc refugere cum posset, si se in mare deiecisset, quod suberat classis Atheniensium, quae 20 exciperet natantis, perire maluit quam armis abiectis nauem relinquere, in qua fuerat uectus. id ceteri facere noluerunt, qui nando in tutum peruenerunt. at ille, praestare honestam mortem existimans turpi uitae, comminus pugnans telis hostium interfectus est.

## TIMOTHEVS

25

- 1 Timotheus, Cononis filius, Atheniensis. hic a patre acceptam gloriam multis auxit uirtutibus: fuit enim disertus, impiger, laboriosus, 2 rei militaris peritus neque minus ciuitatis regendae. multa huius sunt praeclare facta, sed haec maxime illustria. Olynthios et Byzantios bello subegit. Samum cepit: in qua oppugnanda superiori bello Athe- 30

nienses mille et ducenta talenta consumpserant, id ille sine ulla publica impensa populo restituit. aduersus Cotum bella gessit ab eoque mille et ducenta talenta praedae in publicum rettulit. Cyzicum obsidione 3 liberauit. Ariobarzani simul cum Agesilao auxilio profectus est, a quo cum Laco pecuniam numeratam accepisset, ille ciuis suos agro atque urbibus augeri maluit quam id sumere, cuius partem domum suam ferre posset. itaque accepit Crithoten et Sestum.

Idem classi praefectus circumuehens Peloponnesum, Laconicen populatus, classem eorum fugauit, Corcyram sub imperium Atheniensium redegit sociosque idem adiunxit Epirotas, Athamanas, Chaonas omnesque eas gentes, quae mare illud adiacent. quo facto Lacedaemonii de diutina contentione destiterunt et sua sponte Atheniensibus imperii maritimi principatum concesserunt, pacemque iis legibus constituerunt, ut Athenienses mari duces essent. quae uictoria tantae fuit Atticis laetitiae, ut tum primum arae Paci publice sint factae eique deae puluinar sit institutum. cuius laudis ut memoria maneret, 3 Timotheo publice statuam in foro posuerunt. qui honos huic uni ante id tempus contigit, ut, cum patri populus statuam posuisset, filio quoque daret. sic iuxta posita recens filii ueterem patris renouauit memoriam.

Hic cum esset magno natu et magistratus gerere desisset, bello 3 Athenienses undique premi sunt coepti. defecerat Samus, descierat Hellespontus, Philippus iam tum ualens, Macedo, multa moliebatur: cui oppositus Chares cum esset, non satis in eo praesidii putabatur. fit Menestheus praetor, filius Iphicratis, gener Timothei, et ut ad bellum proficiscatur decernitur. huic in consilium dantur duo usu sapientiaeque praestantes, pater et socer, quod in his tanta erat auctoritas, ut magna spes esset per eos amissa posse recuperari. hi cum Samum 3 profecti essent et eodem Chares illorum aduentu cognito cum suis copiis proficisceretur, ne quid absente se gestum uideretur, accidit, cum ad insulam appropinquarent, ut magna tempestas oriretur: quam euitare duo ueteres imperatores utile arbitrati suam classem suppresserunt. at ille temeraria usus ratione non cessit maiorum natu auctoritati, 4 uelut in sua manu esset fortuna. quo contenderat, peruenit, eodemque

- ut sequerentur, ad Timotheum et Iphicraten nuntium misit. hinc male re gesta, compluribus amissis nauibus eo, unde erat profectus, se recepit litterasque Athenas publice misit, sibi procliue fuisse Samum
- 5 capere, nisi a Timotheo et Iphicrate desertus esset. populus acer, suspicax ob eamque rem mobilis, aduersarius, inuidus (etiam potentiae in crimen uocabantur) domum reuocat: accusantur proditiōnis. hoc iudicio damnatur Timotheus lisque eius aestimatur centum talentis. ille odio ingratae ciuitatis coactus Chalcidem se contulit.
- 4 Huius post mortem cum populum iudicii sui paeniteret, multae nouem partis detraxit et decem talenta Cononem, filium eius, ad muri 10 quandam partem reficiendam iussit dare. in quo fortunae uarietas est animaduersa. nam quos auus Conon muros ex hostium praeda patriae restituerat, eosdem nepos cum summa ignominia familiae ex sua re
- 2 familiari reficere coactus est. Timothei autem moderatae sapientisque uitae cum pleraque possimus proferre testimonia, uno erimus con- 15 tenti, quod ex eo facile conici poterit, quam carus suis fuerit. cum Athenis adolescentulus causam diceret, non solum amici priuatique hospites ad eum defendendum conuenerunt, sed etiam in eis Iason,
- 3 tyrannus Thessaliae, qui illo tempore fuit omnium potentissimus. hic cum in patria sine satellitibus se tutum non arbitraretur, Athenas sine 20 ullo praesidio uenit tantique hospitem fecit, ut mallet se capitis periculum adire quam Timotheo de fama dimicanti deesse. hunc aduersus tamen Timotheus postea populi iussu bellum gessit: patriae sanctiora iura quam hospitii esse duxit.
- 4 Haec extrema fuit aetas imperatorum Atheniensium, Iphicratis, 25 Chabriae, Timothei, neque post illorum obitum quisquam dux in illa urbe fuit dignus memoria.
- 5 Venio nunc ad fortissimum uirum maximique consilii omnium barbarorum, exceptis duobus Karthaginensibus, Hamilcare et Hanni-
- 6 bale. de quo hoc plura referemus, quod et obscuriora sunt eius gesta 30 pleraque et ea, quae prospere ei cesserunt, non magnitudine copiarum, sed consilii, quo tum omnes superabat, acciderunt: quorum nisi ratio explicata fuerit, res apparere non poterunt.

## DATAMES

Datames, patre Camisare, natione Care, matre Scythissa natus, pri- 1  
 mum <in> militum numero fuit apud Artaxerxen eorum, qui regiam 1  
 tuebantur. pater eius Camisares, quod et manu fortis et bello strenuus 1  
 et regi multis locis fidelis erat repertus, habuit prouinciam partem 5  
 Ciliciae iuxta Cappadociam, quam incolunt Leucosyri. Datames mili- 2  
 tare munus fungens primum, qualis esset, aperuit in bello, quod rex 2  
 aduersus Cadusios gessit. namque hic multis milibus regionum inter-  
 fectis magni fuit eius opera. quo factum est, <ut>, cum in eo bello  
 cecidisset Camisares, paterna ei traderetur prouincia. 10

Pari se uirtute postea praebuit, cum Autophrodates iussu regis bello 2  
 persequeretur eos qui defecerant. namque huius opera hostes, cum 2  
 castra iam intrassent, profligati sunt exercitusque reliquus conserua-  
 tus regis est: qua ex re maioribus rebus praeesse coepit. erat eo tem- 2  
 pore Thuys dynastes Paphlagoniae, antiquo genere, ortus a Pylae-  
 mene illo, quem Homerus Troico bello a Patroclo interfectum ait. is 3  
 regi dicto audiens non erat. quam ob causam bello eum persequi con-  
 stituit eique rei praefecit Datamen, propinquum Paphlagonis: nam-  
 que ex fratre et sorore erant nati. quam ob causam Datames primum  
 experiri uoluit, ut sine armis propinquum ad officium reduceret. ad  
 quem cum uenisset sine praesidio, quod ab amico nullas uereretur  
 insidias, paene interiit: nam Thuys eum clam interficere uoluit. erat 4  
 mater cum Datame, amita Paphlagonis. ea quid ageretur rescit filium-  
 que monuit. ille fuga periculum euitauit bellumque indixit Thuyni. in 5  
 quo cum ab Ariobarzane, praefecto Lydiae et Ioniae totiusque Phry-  
 giae, desertus esset, nihilo segnus perseuerauit uiuumque Thuyn cepit  
 cum uxore et liberis. 25

Cuius facti ne prius fama ad regem quam ipse perueniret, dedit 3  
 operam. itaque omnibus insciis eo, ubi erat rex, uenit posteroque die 30  
 Thuyn, hominem maximi corporis terribilique facie, quod et niger  
 et capillo longo barbaque erat promissa, optima ueste textit, quam  
 satrapae regii gerere consuerant, ornauit etiam torque atque armillis

2 aureis ceteroque regio cultu; ipse agresti duplici amiculo circumdatus  
 hirtaque tunica, gerens in capite galeam uenatoriam, dextra manu  
 clauam, sinistra copulam, qua uinctum ante se Thuynem agebat, ut si  
 3 feram bestiam captam duceret. quem cum omnes conspicerent propter  
 nouitatem ornatus ignotamque formam ob eamque rem magnus esset 5  
 concursus, fuit nonnemo qui agnosceret Thuyn regique nuntiaret.  
 4 primo non accredidit: itaque Pharnabazum misit exploratum. a quo  
 ut rem gestam comperit, statim admitti iussit, magnopere delectatus  
 cum facto tum ornatu, inprimis quod nobilis rex in potestatem in-  
 5 opinanti uenerat. itaque magnifice Datamen donatum ad exercitum 10  
 misit, qui tum contrahebatur duce Pharnabazo et Tithrauste ad bel-  
 lum Aegyptium, parique eum atque illos imperio esse iussit. postea  
 uero quam Pharnabazum rex reuocauit, illi summa imperii tradita est.  
 4 Hic cum maximo studio compararet exercitum Aegyptumque pro-  
 ficisci pararet, subito a rege litterae sunt ei missae, ut Aspim aggre- 15  
 deretur, qui Cataoniam tenebat: quae gens iacet supra Ciliciam, con-  
 2 finis Cappadociae. namque Aspis, saltuosam regionem castellisque  
 munitam incolens, non solum imperio regis non parebat, sed etiam  
 3 finitimas regiones uexabat et quae regi portarentur abripiebat. Da-  
 tames etsi longe aberat ab iis regionibus et a maiore re abstrahebatur, 20  
 tamen regis uoluntati morem gerendum putauit. itaque cum paucis,  
 sed uiris fortibus nauem conscendit, existimans, quod accidit, faci-  
 lius se imprudentem parua manu oppressurum quam paratum quam-  
 4 uis magno exercitu. hac delatus in Ciliciam, egressus inde, dies  
 noctesque iter faciens Taurum transiit eoque quo studuerat uenit. 25  
 quaerit quibus locis sit Aspis: cognoscit haud longe abesse profec-  
 tumque eum uenatum. quem dum speculatur, aduentus eius causa  
 cognoscitur. Pisidas cum iis, quos secum habebat, ad resistendum  
 5 Aspis comparat. id Datames ubi audiuit, arma sumit, suos sequi iubet;  
 ipse equo concitato ad hostem uehitur. quem procul Aspis conspiciens 30  
 ad se ferentem pertimescit atque a conatu resistendi deterritus sese  
 dedidit. hunc Datames uinctum ad regem ducendum tradit Mithri-  
 dati.

Haec dum geruntur, Artaxerxes reminiscens, a quanto bello ad 5  
 quam paruam rem principem ducum misisset, se ipse reprehendit et  
 nuntium ad exercitum Acen misit, quod nondum Datamen profectum  
 putabat, qui diceret, ne ab exercitu discederet. hic priusquam perue-  
 5 niret, quo erat profectus, in itinere conuenit, qui Aspim ducebant. qua 2  
 celeritate cum magnam beniuolentiam regis Datames consecutus esset,  
 non minorem inuidiam aulicorum excepit, quod illum unum pluris  
 quam se omnes fieri uidebant. quo facto cuncti ad eum opprimendum  
 consenserunt. haec Pandantes, gazae custos regiae, amicus Datami, 3  
 10 perscripta ei mittit, in quibus docet eum magno fore periculo, si quid  
 illo imperante aduersi in Aegypto accidisset. namque eam esse con- 4  
 suetudinem regiam, ut casus aduersos hominibus tribuant, secundos  
 fortunae suae: quo fieri ut facile impellantur ad eorum perniciem,  
 quorum ductu res male gestae nuntientur. illum hoc maiore fore in  
 15 discrimine, quod, quibus rex maxime oboediat, eos habeat inimicissi-  
 mos. talibus ille litteris cognitis, cum iam ad exercitum Acen uenisset, 5  
 quod non ignorabat ea uere scripta, desciscere a rege constituit. neque  
 tamen quicquam fecit, quod fide sua esset indignum. nam Mandroclen 6  
 Magnetem exercitui praefecit; ipse cum suis in Cappadociam discedit  
 20 coniunctamque huic Paphlagoniam occupat, celans, qua uoluntate  
 esset in regem. clam cum Ariobarzane facit amicitiam, manum com-  
 parat, urbes munitas suis tuendas tradit.

Sed haec propter hiemale tempus minus prospere procedebant. 6  
 audit Pisidas quasdam copias aduersus se parare. filium eo Arsideum  
 25 cum exercitu mittit; cadit in proelio adulescens. proficiscitur eo pater  
 non ita cum magna manu, celans, quantum uulnus accepisset, quod  
 prius ad hostem peruenire cupiebat, quam de male re gesta fama ad  
 suos perueniret, ne cognita filii morte animi debilitarentur militum.  
 quo contenderat, peruenit iisque locis castra ponit, ut neque circumiri 2  
 30 multitudine aduersariorum posset neque impediri, quominus ipse ad  
 dimicandum manum haberet expeditam. erat cum eo Mithrobarzanes, 3  
 socer eius, praefectus equitum. is desperatis generi rebus ad hostes  
 transfugit. id Datames ut audiuit, sensit, si in turbam exisset ab  
 homine tam necessario se relictum, futurum ut ceteri consilium seque-

4 rentur. in uulgus edit: suo iussu Mithrobarzanem profectum pro per-  
 fuga, quo facilius receptus interficeret hostes: quare relinqui eum par  
 non esse et omnes confestim sequi. quod si animo strenuo fecissent,  
 futurum ut aduersarii non possent resistere, cum et intra uallum et  
 5 foris caederentur. hac re probata exercitum educit, Mithrobarzanem 5  
 persequitur tantum: qui cum ad hostes peruenerat, Datames signa  
 6 inferri iubet. Pisidae noua re commoti in opinionem adducuntur per-  
 fugas mala fide compositoque fecisse, ut recepti maiori essent cala-  
 mitati. primum eos adoriuntur. illi cum, quid ageretur aut quare  
 fieret, ignorarent, coacti sunt cum eis pugnare, ad quos transierant, 10  
 ab iisque stare, quos reliquerant: quibus cum neutri parcerent, cele-  
 7 riter sunt concisi. reliquos Pisidas resistentis Datames inuadit: primo  
 impetu pellit, fugientis persequitur, multos interficit, castra hostium  
 8 capit. tali consilio uno tempore et proditores perculit et hostis proffi-  
 gavit, et, quod ad perniciem suam fuerat cogitatum, id ad salutem 15  
 conuertit. quo neque acutius ullius imperatoris cogitatum neque cele-  
 rius factum usquam legimus.

7 Ab hoc tamen uiro Sysinas, maximo natu filius, desciiit ad regem-  
 que transiit et de defectione patris detulit. quo nuntio Artaxerxes com-  
 motus, quod intellegebat sibi cum uiro forti ac strenuo negotium esse, 20  
 qui cum cogitasset, facere auderet et prius cogitare quam conari con-  
 2 suesset, Autophrodatem in Cappadociam mittit. hic ne intrare posset,  
 saltum, in quo Ciliciae portae sunt sitae, Datames praeoccupare stu-  
 3 duit. sed tam subito copias contrahere non potuit. a qua re depulsus  
 cum ea manu, quam contraxerat, locum delegit talem, ut neque cir- 25  
 cumiretur ab hostibus neque praeteriret aduersarius, quin ancipitibus  
 locis premeretur, et, si dimicare uellet, non multum obesse multitudo  
 hostium suae paucitati posset.

8 Hoc etsi Autophrodates uidebat, tamen statuit congregari quam cum  
 2 tantis copiis refugere aut tam diu uno loco sedere. habebat barbaro- 30



rum equitum uiginti, peditum centum milia, quos illi Cardacas appell-  
 ant, eiusdemque generis tria milia funditorum, praeterea Cappadocum  
 octo milia, Armeniorum decem milia, Paphlagonum quinque milia,  
 Phrygum decem milia, Lydorum quinque milia, Aspendiorum et Pisi-  
 darum circiter tria milia, Cilicum duo milia, Captianorum totidem, ex  
 Graecia conductorum tria milia, leuis armaturae maximum numerum.  
 has aduersus copias spes omnis consistebat Datami in se locique na-  
 tura: namque huius partem non habebat uicesimam militum. quibus  
 fretus confligit aduersariorumque multa milia concidit, cum de ipsius  
 exercitu non amplius hominum mille cecidisset. quam ob causam po-  
 stero die tropaeum posuit, quo loco pridie pugnatum erat. hinc cum  
 castra mouisset semperque inferior copiis superior omnibus proeliis  
 discederet, quod numquam manum consereret, nisi cum aduersarios  
 locorum angustiis clausisset, quod perito regionum callideque cogi-  
 tanti saepe accidebat, Autophrodates, cum bellum duci maiore regis  
 calamitate quam aduersariorum uideret, pacem amicitiamque hor-  
 tatus est, ut cum rege in gratiam rediret. quam ille etsi fidam non  
 fore putabat, tamen condicionem accepit seque ad Artaxerxem lega-  
 tos missurum dixit. sic bellum, quod rex aduersus Datamen susceperat,  
 sedatum est. Autophrodates in Phrygiam se recepit.

At rex, quod implacabile odium in Datamen susceperat, postquam  
 bello eum opprimi non posse animaduertit, insidiis interficere studuit:  
 quas ille plerasque uitauit. sicut, cum ei nuntiatum esset quosdam  
 sibi insidiari, qui in amicorum erant numero (de quibus, quod inimici  
 detulerant, neque credendum neque neglegendum putauit), experiri  
 uoluit, uerum falsumne sibi esset relatum. itaque eo profectus est,  
 in quo itinere futuras insidias dixerant. sed elegit corpore ac statura  
 simillimum sui eique uestitum suum dedit atque eo loco ire, quo ipse  
 consuerat, iussit; ipse autem ornatu uestituque militari inter corporis  
 custodes iter facere coepit. at insidiatores, postquam in eum locum  
 agmen peruenit, decepti ordine atque uestitu impetum in eum faciunt,  
 qui suppositus erat. praedixerat autem iis Datames, cum quibus iter  
 faciebat, ut parati essent facere, quod ipsum uidissent. ipse, ut con-

- 5 currentis insidiatores animum aduertit, tela in eos coniecit. hoc idem cum uniuersi fecissent, priusquam peruenirent ad eum quem aggredi uolebant, confixi conciderunt.
- 10 Hic tamen tam callidus uir extremo tempore captus est Mithridatis, Ariobarzani filii; dolo. namque is pollicitus est regi se eum inter- 5  
fecturum, si ei rex permetteret, ut quodcumque uellet liceret impune  
2 facere, fidemque de ea re more Persarum dextra dedisset. hanc ut accepit a rege missam, copias parat et absens amicitiam cum Datame facit, regis prouincias uexat, castella expugnat, magnas praedas capit, quarum partim suis dispertit, partim ad Datamen mittit; pari modo 10  
3 complura castella ei tradit. haec diu faciendo persuasit homini se infinitum aduersus regem suscepisse bellum, cum nihilo magis, ne quam suspicionem illi praeberet insidiarum, neque colloquium eius petiuit neque in conspectum uenire studuit. sic absens amicitiam gerebat, ut non beneficiis mutuis, sed communi odio, quod erga regem 15  
susceperant, contineri uiderentur.
- 11 Id cum satis se confirmasse arbitratus est, certiolem facit Datamen, tempus esse maiores exercitus parari et bellum cum ipso rege suscipi, deque ea re, si ei uideretur, quo loco uellet, in colloquium ueniret. probata re colloquendi tempus sumitur locusque, quo conueniretur. huc 20  
Mithridates cum uno, cui maxime habebat fidem, ante aliquot dies uenit compluribusque locis separatim gladios obruit eaque loca diligenter notat. ipso autem colloquii die utrique, locum qui explorarent atque  
3 ipsos scrutarentur, mittunt; deinde ipsi sunt congressi. hic cum aliquamdiu in colloquio fuissent et diuerse discessissent iamque procul Datames 25  
abesset, Mithridates, priusquam ad suos perueniret, ne quam suspicionem pareret, in eundem locum reuertitur atque ibi, ubi telum erat infossum, resedit, ut si lassitudine cuperet acquiescere, Datamenque  
4 reuocauit, simulans se quiddam in colloquio esse oblitum. interim telum, quod latebat, protulit nudatumque uagina ueste textit ac Da- 30  
tami uenienti ait, digredientem se animaduertisse locum quendam,  
5 qui erat in conspectu, ad castra ponenda esse idoneum. quem cum

digito demonstraret et ille respiceret, auersum ferro transfixit priusque, quam quisquam posset succurrere, interfecit. ita ille uir, qui multos consilio, neminem perfidia ceperat, simulata captus est amicitia.

## EPAMINONDAS

Epaminondas, Polymnidis filius, Thebanus. de hoc priusquam scri- 1  
bimus, haec praecipienda uidentur lectoribus, ne alienos mores ad 2  
suos referant, neue ea, quae ipsis leuiores sunt, pari modo apud ceteros  
fuisse arbitrentur. scimus enim musicen nostris moribus abesse a 2  
principis persona, saltare uero etiam in uitiis poni: quae omnia apud  
Graecos et grata et laude digna ducuntur. cum autem exprimere 3  
imaginem consuetudinis atque uitae uelimus Epaminondae, nihil uide-  
mur debere praetermittere, quod pertineat ad eam declarandam. quare 4  
dicemus primum de genere eius, deinde quibus disciplinis et a quibus  
sit eruditus, tum de moribus ingenique facultatibus et si qua alia  
memoria digna erunt, postremo de rebus gestis, quae a plurimis animi  
anteponuntur uirtutibus.

Natus ergo patre, quo diximus, genere honesto, pauper iam a maiori- 2  
bus relictus, eruditus autem sic ut nemo Thebanus magis. nam et  
citharizare et cantare ad chordarum sonum doctus est a Dionysio,  
qui non minore fuit in musicis gloria quam Damon aut Lamprus,  
quorum peruulgata sunt nomina, cantare tibiis ab Olympiodoro, sal-  
tare a Calliphrone. at philosophiae praeceptorem habuit Lysim Taren- 2  
tinum, Pythagoreum: cui quidem sic fuit deditus, ut adulescens tri-  
stem ac seuerum senem omnibus aequalibus suis in familiaritate ante-  
posuerit neque prius eum a se dimiserit, quam in doctrinis tanto ante-  
cessit condiscipulos, ut facile intellegi posset pari modo superaturum  
omnes in ceteris artibus. atque haec ad nostram consuetudinem sunt 3  
leuia et potius contemnenda; at in Graecia, utique olim, magnae laudi  
erant. postquam ephebus est factus et palaestrae dare operam coepit, 4  
non tam magnitudini uirium seruiuit quam uelocitati: illam enim ad  
athletarum usum, hanc ad belli existimabat utilitatem pertinere.

- 5 itaque exercebatur plurimum currendo et luctando ad eum finem, quoad stans complecti posset atque contendere. in armis uero plurimum studii consumebat.
- 3 Ad hanc corporis firmitatem plura etiam animi bona accesserant. erat enim modestus, prudens, grauis, temporibus sapienter utens, 5 peritus belli, fortis manu, animo maximo, adeo ueritatis diligens, ut ne ioco quidem mentiretur, idem continens, clemens patiensque admirandum in modum, non solum populi, sed etiam amicorum ferens iniurias, in primis commissa celans, quodque interdum non minus prodest quam diserte dicere, studiosus audiendi: ex hoc enim facillime 10 3 disci arbitrabatur. itaque cum in circulum uenisset, in quo aut de re publica disputaretur aut de philosophia sermo haberetur, numquam 4 inde prius discessit, quam ad finem sermo esset adductus. paupertatem adeo facile perpessus est, ut de re publica nihil praeter gloriam ceperit. amicorum in se tuendo caruit facultatibus, fide ad alios suble- 15 uandos saepe sic usus est, ut iudicari possit omnia ei cum amicis fuisse communia. nam cum aut ciuium suorum aliquis ab hostibus esset 5 captus aut uirgo amici nubilis, quae propter paupertatem collocari non posset, amicorum consilium habebat et, quantum quisque daret, 6 pro facultatibus imperabat. eamque summam cum fecerat, priusquam 20 acciperet pecuniam, adducebat eum, qui quaerebat, ad eos, qui conferebant, eique ut ipsi numerarent faciebat, ut ille, ad quem ea res perueniebat, sciret quantum cuique deberet.
- 4 Tentata autem eius est abstinentia a Diomedonte Cyziceno: nam- que is rogatu Artaxerxis regis Epaminondam pecunia corrumpendum 25 susceperat. hic magno cum pondere auri Thebas uenit et Micythum adulescentulum quinque talentis ad suam perduxit uoluntatem, quem tum Epaminondas plurimum diligebat. Micythus Epaminondam con- 2 uenit et causam aduentus Diomedontis ostendit. at ille Diomedonti coram 'nihil' inquit 'opus est pecunia: nam si rex ea uult, quae The- 30 banis sunt utilia, gratis facere sum paratus, sin autem contraria, non habet auri atque argenti satis. namque orbis terrarum diuitias acci-

pere nolo prae patriae caritate. tu quod me incognitum tentasti tuique 3  
 similem existimasti, non miror tibi que ignosco; sed egredere propere,  
 ne alios corrumpas, cum me non potueris. et tu, Micythe, argentum  
 huic redde, aut, nisi id confestim facis, ego te tradam magistratui.'

5 hunc Diomedon cum rogaret, ut tuto exiret suaque, quae attulerat, 4  
 liceret efferre, 'istud quidem' inquit 'faciam, neque tua causa, sed  
 mea, ne, si tibi sit pecunia adempta, aliquis dicat id ad me ereptum  
 peruenisse, quod delatum accipere noluissem.' a quo cum quaesisset, 5  
 quo se deduci uellet, et ille Athenas dixisset, praesidium dedit, ut  
 10 tuto perueniret. neque uero id satis habuit, sed etiam, ut inuiolatus  
 in nauem escenderet, per Chabriam Atheniensem, de quo supra men-  
 tionem fecimus, effecit. abstinentiae erit hoc satis testimonium. pluri- 6  
 ma quidem proferre possumus, sed modus adhibendus est, quoniam  
 uno hoc uolumine uitam excellentium uirorum complurium conclu-  
 15 dere constituimus, quorum separatim multis milibus uersuum com-  
 plures scriptores ante nos explicarunt.

Fuit etiam disertus, ut nemo ei Thebanus par esset eloquentia, 5  
 neque minus concinnus in breuitate respondendi quam in perpetua  
 oratione ornatus. habuit obtrectatorem Menecliden quendam, indidem 2  
 20 Thebis, et aduersarium in administranda re publica, satis exercitatum  
 in dicendo, ut Thebanum scilicet: namque illi genti plus inest uirium  
 quam ingenii. is quod in re militari florere Epaminondam uidebat, hor- 3  
 tari solebat Thebanos, ut pacem bello anteferrent, ne illius imperato-  
 ris opera desideraretur. huic ille 'fallis' inquit 'uerbo ciuis tuos, quod  
 25 hos a bello auocas: otii enim nomine seruitutem concilias. nam pari- 4  
 tur pax bello. itaque qui ea diutina uolunt frui, bello exercitati esse  
 debent. quare si principes Graeciae uultis esse, castris est uobis uten-  
 dum, non palaestra.' idem ille Meneclides cum huic obiceret, quod libe- 5  
 30 ros non haberet neque uxorem duxisset, maximeque insolentiam, quod  
 sibi Agamemnonis belli gloriam uideretur consecutus: at ille 'desine'  
 inquit, 'Meneclida, de uxore mihi exprobrare: nam nullius in ista re  
 minus uti consilio uolo.' (habebat enim Meneclides suspicionem adul-

- 6 teri.) 'quod autem me Agamemnonem aemulari putas, falleris. nam-  
que ille cum uniuersa Graecia uix decem annis unam cepit urbem, ego  
contra ea una urbe nostra dieque uno totam Graeciam Lacedaemoniis  
fugatis liberaui.'
- 6 Idem cum in conuentum uenisset Arcadum, petens ut societatem 5  
cum Thebanis et Argiuis facerent, contraque Callistratus, Athenien-  
sium legatus, qui eloquentia omnes eo praestabat tempore, postularet  
ut potius amicitiam sequerentur Atticorum, et in oratione sua multa  
2 inuectus esset in Thebanos et Argiuos in eis que hoc posuisset, animum  
aduertere debere Arcadas, qualis utraque ciuitas ciuis procreasset, ex 10  
quibus de ceteris possent iudicare: Argiuos enim fuisse Orestem et  
Alcmaeonem matricidas, Thebis Oedipum natum, qui cum patrem  
3 suum interfecisset, ex matre liberos procreasse: huic in respondendo  
Epaminondas, cum de ceteris perorasset, postquam ad illa duo oppro-  
bria peruenit, admirari se dixit stultitiam rhetoris Attici, qui non 15  
animaduernerit, innocentes illos natos domi, scelere admissio cum  
4 patria essent expulsi, receptos esse ab Atheniensibus. sed maxime eius  
eloquentia eluxit Spartaee legati ante pugnam Leuctricam. quo cum  
omnium sociorum conuenissent legati, coram frequentissimo legatio-  
num conuentu sic Lacedaemoniorum tyrannidem coarguit, ut non 20  
minus illa oratione opes eorum concusserit quam Leuctrica pugna.  
tum enim perfecit, quod post apparuit, ut auxilio sociorum Lacedae-  
monii priuarentur.
- 7 Fuisse patientem suorumque iniurias ferentem ciuium, quod se  
patriae irasci nefas esse duceret, haec sunt testimonia. cum eum prop- 25  
ter inuidiam ciues sui praeficere exercitui nolissent duxque esset de-  
lectus belli imperitus, cuius errore eo esset deducta illa multitudo mili-  
tum, ut omnes de salute pertimescerent, quod locorum angustiis clausi  
ab hostibus obsidebantur, desiderari coepta est Epaminondae dili-  
2 gentia: erat enim ibi priuatus numero militis. a quo cum peterent 30  
opem, nullam adhibuit memoriam contumeliae et exercitum obsidione  
liberatum domum reduxit incolumem. nec uero hoc semel fecit, sed  
3 saepius. maxime autem fuit illustre, <quod>, cum Peloponnesum exer-

citum duxisset aduersus Lacedaemonios haberetque collegas duos, quorum alter erat Pelopidas, uir fortis ac strenuus, hi cum criminibus aduersariorum omnes in inuidiam uenissent ob eamque rem imperium iis esset abrogatum atque in eorum locum alii praetores successissent, 4  
 5 Epaminondas populi scito non paruit idemque ut facerent persuasit 4 collegis et bellum, quod susceperat, gessit. namque animaduertebat, nisi id fecisset, totum exercitum propter praetorum imprudentiam inscitiamque belli periturum. lex erat Thebis, quae morte multabat, 5 si quis diutius imperium retinuisset, quam lege praefinitum foret. 10 hanc Epaminondas cum rei publicae conseruandae causa latam uideret, ad perniciem ciuitatis conferre noluit et quattuor mensibus diutius, quam populus iusserat, gessit imperium.

Postquam domum reditum est collegae eius hoc crimine accusaban- 8 tur. quibus ille permisit, ut omnem causam in se transferrent suaque 15 opera factum contenderent, ut legi non oboedirent. qua defensione illis periculo liberatis nemo Epaminondam responsurum putabat, quod quid diceret non haberet. at ille in iudicium uenit, nihil eorum negauit, 2 quae aduersarii crimini dabant, omniaque, quae collegae dixerant, confessus est neque recusauit quominus legis poenam subiret, sed 20 unum ab iis petiuit, ut in sepulchro suo inscriberent: 'Epaminondas a 3 Thebanis morte multatus est, quod eos coegit apud Leuctra superare Lacedaemonios, quos ante se imperatorem nemo Boeotorum ausus fuit aspicere in acie, quodque uno proelio non solum Thebas ab inter- 4 itu retraxit, sed etiam uniuersam Graeciam in libertatem uindicauit 25 eoque res utrorumque perduxit, ut Thebani Spartam oppugnarent, Lacedaemonii satis haberent, si salui esse possent, neque prius bellare destitit, quam Messene restituta urbem eorum obsidione clausit.' haec 5 cum dixisset, risus omnium cum hilaritate coortus est, neque quisquam iudex ausus est de eo ferre suffragium. sic a iudicio capitis 30 maxima discessit gloria.

Hic extremo tempore imperator apud Mantineam cum acie instructa 9 audacius instaret hostes, cognitus a Lacedaemoniis, quod in unius pernicie eius patriae sitam putabant salutem, uniuersi in unum impetum fecerunt neque prius abscesserunt, quam magna caede multisque occi-

sis fortissime ipsum Epaminondam pugnantem, sparo eminus per-  
 2 cussum, concidere uiderunt. huius casu aliquantum retardati sunt  
 Boeotii, neque tamen prius pugna excesserunt, quam repugnantis pro-  
 3 fligarunt. at Epaminondas, cum animaduerneret mortiferum se uulnus  
 accepisse simulque, si ferrum, quod ex hastili in corpore remanserat, 5  
 extraxisset, animam statim emissurum, usque eo retinuit, quoad re-  
 4 nuntiatum est uicisse Boeotios. id postquam audiuit, 'satis' inquit  
 'uixi: inuictus enim morior.' tum ferro extracto confestim exanimatus  
 est.

10 Hic uxorem numquam duxit. in quo cum reprehenderetur, quod li- 10  
 beros non relinqueret, a Pelopida, qui filium habebat infamem, male-  
 que eum in eo patriae consulere diceret, 'uide' inquit 'ne tu peius con-  
 2 sulas, qui talem ex te natum relicturus sis. neque uero stirps potest  
 mihi deesse: namque ex me natam relinquo pugnam Leutricam, quae  
 3 non modo mihi superstes, sed etiam immortalis sit necesse est.' quo 15  
 tempore duce Pelopida exules Thebas occuparunt et praesidium  
 Lacedaemoniorum ex arce expulerunt, Epaminondas, quamdiu facta  
 est caedes ciuium, domo se tenuit, quod neque defendere malos uole-  
 bat neque impugnare, ne manus suorum sanguine cruentaret: nam-  
 que omnem ciuilem uictoriam funestam putabat. idem, postquam apud 20  
 Cadmeam cum Lacedaemoniis pugnari coeptum est, in primis stetit.

4 Huius de uirtutibus uitaque satis erit dictum, si hoc unum adiun-  
 xero, quod nemo ibit infitias, Thebas et ante Epaminondam natum  
 et post eiusdem interitum perpetuo alieno paruissime imperio, contra  
 ea, quamdiu ille praefuerit rei publicae, caput fuisse totius Graeciae. 25  
 ex quo intellegi potest unum hominem pluris quam ciuitatem fuisse.

## PELOPIDAS

1 Pelopidas Thebanus, magis historicis quam uulgo notus. cuius de  
 uirtutibus dubito quem ad modum exponam, quod uereor, si res ex-  
 plicare incipiam, ne non uitam eius enarrare, sed historiam uidear 30  
 scribere: si tantummodo summas attigero, ne rudibus Graecarum lit-  
 terarum minus dilucide appareat, quantus fuerit ille uir. itaque utri-



que rei occurram, quantum potuero, et medebor cum satietati tum ignorantiae lectorum.

Phoebidas Lacedaemonius cum exercitum Olynthum duceret iter- 2  
que per Thebas faceret, arcem oppidi, quae Cadmea nominatur, occu-  
pauit impulsu paucorum Thebanorum, qui aduersariae factioni quo  
facilius resisterent, Laconum rebus studebant, idque suo priuato, non  
publico fecit consilio. quo facto eum Lacedaemonii ab exercitu re- 3  
mouerunt pecuniaque multarunt, neque eo magis arcem Thebanis  
reddiderunt, quod susceptis inimicitiis satius ducebant eos obsideri  
quam liberari. nam post Peloponnesium bellum Athenasque deuictas  
cum Thebanis sibi rem esse existimabant et eos esse solos, qui aduersus  
resistere auderent. hac mente amicis suis summas potestates dederant 4  
alteriusque factionis principes partim interfecerant, alios in exilium  
eiecerant: in quibus Pelopidas hic, de quo scribere exorsi sumus, pul-  
sus patria carebat.

Hi omnes fere Athenas se contulerant, non quo sequerentur otium, 2  
sed ut, quem ex proximo locum fors obtulisset, eo patriam recuperare  
niterentur. itaque cum tempus est uisum rei gerendae, communiter 2  
cum iis, qui Thebis idem sentiebant, diem delegerunt ad inimicos  
opprimendos ciuitatemque liberandam eum, quo maximi magistrata-  
tus simul consuerant epulari. magnae saepe res non ita magnis copiis 3  
sunt gestae, sed profecto numquam tam ab tenui initio tantae opes  
sunt profligatae. nam duodecim adulescentuli coierunt ex iis, qui exilio  
erant multati, cum omnino non essent amplius centum, qui tanto se  
offerrent periculo. qua paucitate percussa est Lacedaemoniorum po-  
tentia. hi enim non magis aduersariorum factioni quam Spartanis eo 4  
tempore bellum intulerunt, qui principes erant totius Graeciae: quo-  
rum imperii maiestas, neque ita multo post, Leuctrica pugna ab hoc  
initio percussa concidit. illi ergo duodecim, quorum dux erat Pelo- 5  
pidas, cum Athenis interdiu exissent, ut uesperascente caelo Thebas  
possent peruenire, cum canibus uenaticis exierunt, retia ferentes, ue-

stitu agresti, quo minore suspicione facerent iter. qui cum tempore ipso, quo studuerant, peruenissent, domum Charonis deuerterunt, a quo et tempus et dies erat datus.

- 3 Hoc loco libet interponere, etsi seiunctum ab re proposita est, nimia fiducia quantae calamitati soleat esse. nam magistratum Thebanorum 5  
statim ad auris peruenit exules in urbem uenisse. id illi uino epulisque dediti usque eo despexerunt, ut ne quaerere quidem de tanta re labora-  
2 rint. accessit etiam quod magis aperiret eorum dementiam. allata est enim epistula Athenis ab Archino uni ex his Archiae, qui tum maximum magistratum Thebis obtinebat, in qua omnia de profectioe eorum 10  
perscripta erant. quae cum iam accubanti in conuiuio esset data, sic-  
3 ut erat signata, sub puluinum subiciens 'in crastinum' inquit 'differo res seueras'. at illi omnes, cum iam nox processisset, uinolenti ab exulibus duce Pelopida sunt interfecti. quibus rebus confectis, uulgo ad arma libertatemque uocato, non solum qui in urbe erant, sed 15  
etiam undique ex agris concurrerunt, praesidium Lacedaemoniorum ex arce pepulerunt, patriam obsidione liberarunt, auctores Cadmeae occupandae partim occiderunt, partim in exilium eiecerunt.
- 4 Hoc tam turbido tempore, sicut supra docuimus, Epaminondas, quoad cum ciuibus dimicatum est, domi quietus fuit. itaque haec libe- 20  
ratarum Thebarum propria laus est Pelopidae, ceterae fere communes cum Epaminonda. namque Leuctrica pugna imperatore Epaminonda hic fuit dux delectae manus, quae prima phalangem prostrauit Laco-  
2 num. omnibus praeterea periculis adfuit (sicut, Spartam cum oppugnauit, alterum tenuit cornu), quoque Messena celerius restitueretur, 25  
3 legatus in Persas est profectus. denique haec fuit altera persona Thebis, sed tamen secunda ita, ut proxima esset Epaminondae.
- 5 Conflictatus autem est cum aduersa fortuna. nam et initio, sicut ostendimus, exul patria caruit et, cum Thessaliam in potestatem The-

banorum cuperet redigere legationisque iure satis tectum se arbitra-  
 retur, quod apud omnes gentes sanctum esse consuisset, a tyranno  
 Alexandro Pheraeo simul cum Ismenia comprehensus in uincla coniec-  
 tus est. hunc Epaminondas recuperavit, bello persequens Alexandrum. 2  
 5 post id factum numquam animo placari potuit in eum, a quo erat  
 uiolatus. itaque persuasit Thebanis ut subsidio Thessaliae proficisce-  
 rentur tyrannosque eius expellerent. cuius belli cum ei summa esset 3  
 data eoque cum exercitu profectus esset, non dubitavit, simul ac con-  
 spexit hostem, configere. in quo proelio Alexandrum ut animaduertit, 4  
 10 incensus ira equum in eum concitavit proculque digressus a suis con-  
 iectu telorum confossus concidit. atque hoc secunda uictoria accidit:  
 nam iam inclinatae erant tyrannorum copiae. quo facto omnes Thes- 5  
 saliae ciuitates interfectum Pelopidam coronis aureis et statuīs aeneis  
 liberosque eius multo agro donarunt.

## AGESILAVS

15 Agesilaus Lacedaemonius cum a ceteris scriptoribus tum eximie a 1  
 Xenophonte Socratico collaudatus est: eo enim usus est familiarissime.  
 hic primum de regno cum Leotyichide, fratris filio, habuit contentio- 2  
 nem. mos erat enim a maioribus Lacedaemoniis traditus, ut duos habe-  
 20 rent semper reges, nomine magis quam imperio, ex duabus familiis  
 Procli et Eurysthenis, qui principes ex progenie Herculis Spartae  
 reges fuerunt. horum ex altera in alterius familiae locum fieri non 3  
 licebat: ita utraque suum retinebat ordinem. primum ratio habe-  
 batur, qui maximus natu esset ex liberis eius, qui regnans decessisset;  
 25 sin is uirilem sexum non reliquisset, tum deligebatur, qui proximus  
 esset propinquitate. mortuus erat Agis rex, frater Agesilai: filium reli- 4  
 querat Leotyichidem. quem ille natum non agnorat, eundem moriens  
 suum esse dixerat. is de honore regni cum Agesilao, patruo suo, con-  
 tendit neque id quod petiuit consecutus est. nam Lysandro suffra- 5  
 30 gante, homine, ut ostendimus supra, factioso et iis temporibus po-  
 tente, Agesilaus antelatus est.

Hic simul atque imperii potitus est, persuasit Lacedaemoniis ut 2  
 exercitus emitterent in Asiam bellumque regi facerent, docens satius

esse in Asia quam in Europa dimicari. namque fama exierat Artaxer-  
 xen comparare classis pedestrisque exercitus, quos in Graeciam mitte-  
 2 ret. data potestate tanta celeritate usus est, ut prius in Asiam cum  
 copiis peruenerit, quam regii satrapae eum scirent profectum. quo  
 3 factum est ut omnis imparatos imprudentesque offenderet. id ut co- 5  
 gnouit Tissaphernes, qui summum imperium tum inter praefectos  
 habebat regios, indutias a Lacone petiuit, simulans se dare operam,  
 ut Lacedaemoniis cum rege conueniret, re autem uera ad copias com-  
 4 parandas, easque impetrauit trimestris. iurauit autem uterque se  
 sine dolo indutias conseruaturum. in qua pactione summa fide mansit 10  
 Agesilaus, contra ea Tissaphernes nihil aliud quam bellum comparauit.  
 5 id etsi sentiebat Laco, tamen iusiurandum seruabat multumque in eo  
 se consequi dicebat, quod Tissaphernes periurio suo et homines suis  
 rebus abalienaret et deos sibi iratos redderet, se autem conseruata  
 religione confirmare exercitum, cum animaduerneret deum numen 15  
 facere secum, hominesque sibi conciliari amiciores, quod iis studere  
 consuessent, quos conseruare fidem uiderent.

3 Postquam indutiarum praeteriit dies, barbarus non dubitans, quod  
 ipsius erant plurima domicilia in Caria et ea regio iis temporibus multo  
 putabatur locupletissima, eo potissimum hostis impetum facturos, 20  
 2 omnis suas copias eo contraxerat. at Agesilaus in Phrygiam se conuer-  
 tit eamque prius depopulatus est, quam Tissaphernes usquam se  
 moueret. magna praeda militibus locupletatis Ephesum hiematum ex-  
 ercitus reduxit atque ibi officinis armorum institutis magna industria  
 bellum apparauit. et quo studiosius armarentur insigniusque orna- 25  
 rentur, praemia proposuit, quibus donarentur, quorum egregia in ea  
 3 re fuisset industria. fecit idem in exercitationum generibus, ut, qui  
 ceteris praestitissent, eos magnis afficeret muneribus. his ergo rebus  
 4 effecit ut et ornatissimum et exercitatissimum haberet exercitum. huic  
 cum tempus esset uisum copias extrahere ex hibernaculis, uidit, si, 30  
 quo esset iter facturus, palam pronuntiasset, hostis non credituros  
 aliasque regiones praesidiis occupaturos neque dubituros aliud eum

facturum ac pronuntiasset. itaque cum ille Sardis iturum se dixisset, 5  
 Tissaphernes eandem Cariam defendendam putauit. in quo cum eum  
 opinio fefellisset uictumque se uidisset consilio, sero suis praesidio  
 profectus est. nam cum illo uenisset, iam Agesilaus multis locis ex-  
 5 pugnatis magna erat praeda potitus. Laco autem cum uideret hostis 6  
 equitatu superare, numquam in campo sui fecit potestatem et iis locis  
 manum conseruit, quibus plus pedestres copiae ualerent. pepulit ergo,  
 quotienscumque congressus est, multo maiores aduersariorum copias  
 et sic in Asia uersatus est, ut omnium opinione uictor duceretur.

10 Hic cum iam animo meditaretur proficisci in Persas et ipsum regem 4  
 adoriri, nuntius ei domo uenit ephorum missu, bellum Athenienses  
 et Boeotos indixisse Lacedaemoniis: quare uenire ne dubitaret. in hoc 7  
 non minus eius pietas suspicienda est quam uirtus bellica: qui cum  
 uictori praeesset exercitui maximamque haberet fiduciam regni Per-  
 15 sarum potiundi, tanta modestia dicto audiens fuit iussis absentium  
 magistratum, ut si priuatus in comitio esset Spartae. cuius exem-  
 plum utinam imperatores nostri sequi uoluissent! sed illuc redeamus.  
 Agesilaus opulentissimo regno praeposuit bonam existimationem mul- 3  
 toque gloriosius duxit, si institutis patriae paruisset, quam si bello 3  
 20 superasset Asiam. hac ergo mente Hellespontum copias traiecit tan- 4  
 taque usus est celeritate, ut, quod iter Xerxes anno uertente confecerat,  
 hic transierit triginta diebus. cum iam haud ita longe abesset a 5  
 Peloponneso, obsistere ei conati sunt Athenienses et Boeotii ceterique  
 eorum socii apud Coroneam: quos omnes graui proelio uicit. huius 6  
 25 uictoriae uel maxima fuit laus, quod, cum plerique ex fuga se in  
 templum Mineruae coniecissent quaerereturque ab eo, quid iis uellet  
 fieri, etsi aliquot uulnera acceperat eo proelio et iratus uidebatur omni-  
 bus, qui aduersus arma tulerant, tamen antetulit irae religionem et  
 eos uetuit uiolari. neque uero hoc solum in Graecia fecit, ut templa 7  
 30 deorum sancta haberet, sed etiam apud barbaros summa religione  
 omnia simulacra arasque conseruauit. itaque praedicabat mirari se, 8  
 non sacrilegorum numero haberi, qui supplicibus deorum nocuissent,

- aut non grauioribus poenis affici, qui religionem minuerent, quam qui fana spoliarent.
- 5 Post hoc proelium collatum omne bellum est circa Corinthum ideo-  
 2 que Corinthium est appellatum. hic cum una pugna decem milia ho-  
 stium Agesilao duce cecidissent eoque facto opes aduersariorum debi- 5  
 litatae uiderentur, tantum afuit ab insolentia gloriae, ut commiserat-  
 us sit fortunam Graeciae, quod tam multi a se uicti uitio aduersario-  
 rum concidissent: namque illa multitudine, si sana mens esset, Grae-  
 3 ciae supplicium Persas dare potuisse. idem cum aduersarios intra  
 moenia compulisset et ut Corinthum oppugnaret multi hortarentur, 10  
 negauit id suae uirtuti conuenire: se enim eum esse dixit, qui ad offi-  
 cium peccantis redire cogeret, non qui urbes nobilissimas expugnaret  
 4 Graeciae. 'nam si' inquit 'eos extinguere uoluerimus, qui nobiscum  
 aduersus barbaros steterunt, nosmet ipsi nos expugnauerimus illis  
 quiescentibus. quo facto sine negotio, cum uoluerint, nos oppriment.' 15
- 6 Interim accidit illa calamitas apud Leuctra Lacedaemoniis. quo ne  
 proficisceretur, cum a plerisque ad exeundum premeretur, ut si de  
 exitu diuinaret, exire noluit. idem, cum Epaminondas Spartam oppu-  
 gnaret essetque sine muris oppidum, talem se imperatorem praebuit,  
 ut eo tempore omnibus apparuerit, nisi ille fuisset, Spartam futuram 20  
 non fuisse. in quo quidem discrimine celeritas eius consilii saluti fuit  
 uniuersis. nam cum quidam adolescentuli hostium aduentu perterriti  
 ad Thebanos transfugere uellent et locum extra urbem editum cepis-  
 sent, Agesilaus, qui perniciosissimum fore uideret, si animaduersum  
 esset quemquam ad hostis transfugere conari, cum suis eo uenit atque, 25  
 ut si bono animo fecissent, laudauit consilium eorum, quod eum locum  
 3 occupassent: id se quoque fieri debere animaduertisse. sic adolescentis  
 simulata laudatione recuperauit et adiunctis de suis comitibus locum  
 tutum reliquit. namque illi aucti numero eorum, qui expertes erant  
 consilii, commouere se non sunt ausi eoque libentius, quod latere arbi- 30  
 trabantur quae cogitauerant.

Sine dubio post Leuctricam pugnam Lacedaemonii se numquam re- 7  
 fecerunt neque pristinum imperium recuperarunt, cum interim num-  
 quam Agesilaus destitit quibuscumque rebus posset patriam iuuare.  
 nam cum praecipue Lacedaemonii indigerent pecunia, ille omnibus, 2  
 qui a rege defecerant, praesidio fuit: a quibus magna donatus pecunia  
 patriam subleuauit. atque in hoc illud in primis fuit admirabile, cum 3  
 maxima munera ei ab regibus ac dynastis ciuitatibusque conferrentur,  
 quod nihil umquam domum suam contulit, nihil de uictu, nihil de  
 uestitu Laconum mutauit. domo eadem fuit contentus qua Eury- 4  
 sthenes, progenitor maiorum suorum, fuerat usus: quam qui intrarat,  
 nullum signum libidinis, nullum luxuriae uidere poterat, contra ea  
 plurima patientiae atque abstinentiae. sic enim erat instructa, ut in  
 nulla re differret <a> cuiusuis inopis atque priuati.

Atque hic tantus uir ut naturam fautricem habuerat in tribuendis 8  
 animi uirtutibus, sic maleficam nactus est in corpore fingendo: nam  
 et statura fuit humili et corpore exiguo et claudus altero pede. quae  
 res etiam nonnullam afferebat deformitatem, atque ignoti, faciem eius  
 cum intuerentur, contemnebant; qui autem uirtutes nouerant, non  
 poterant admirari satis. quod ei usu uenit, cum annorum octoginta 2  
 subsidio Tacho in Aegyptum iisset et in acta cum suis accubisset  
 sine ullo tecto stratumque haberet tale, ut terra tecta esset stramentis  
 neque huc amplius quam pellis esset iniecta, eodemque comites omnes  
 accubuissent uestitu humili atque obsoleto, ut eorum ornatus non  
 modo in his regem neminem significaret, sed homines <esse> non bea-  
 tissimos suspicionem praeberet. huius de aduentu fama cum ad regio- 3  
 es perlata, celeriter munera eo cuiusque generis sunt allata. his  
 quaerentibus Agesilaum uix fides facta est, unum esse ex iis qui tum  
 accubabant. qui cum regis uerbis quae attulerant dedissent, ille prae- 4  
 ter uitulinam et eius modi genera obsonii, quae praesens tempus desi-  
 derabat, nihil accepit: unguenta, coronas secundamque mensam seruis  
 dispertiit, cetera referri iussit. quo facto eum barbari magis etiam 5

contempserunt, quod eum ignorantia bonarum rerum illa potissimum sumpsisse arbitrabantur.

- 6 Hic cum ex Aegypto reuerteretur, donatus ab rege Nectanabide ducentis uiginti talentis, quae ille muneri populo suo daret, uenissetque in portum, qui Menelai uocatur, iacens inter Cyrenas et Aegyptum, 5  
7 in morbum implicitus decessit. ibi eum amici, quo Spartam facilius perferre possent, quod mel non habebant, cera circumfuderunt atque ita domum rettulerunt.

## EVMENES

- 1 Eumenes Cardianus. huius si uirtuti par data esset fortuna, non ille 10  
quidem maior, sed multo illustrior atque etiam honoratior, quod magnos homines uirtute metimur, non fortuna. nam cum aetas eius incidisset in ea tempora, quibus Macedones florerent, multum ei detraxit inter eos uiuenti, quod alienae erat ciuitatis neque aliud huic defuit  
3 quam generosa stirps. etsi ille domestico summo genere erat, tamen 15  
Macedones eum sibi aliquando anteponi indigne ferebant, neque tamen non patiebantur: uincebat enim omnes cura, uigilantia, patientia, calliditate et celeritate ingenii.  
4 Hic peradulescentulus ad amicitiam accessit Philippi, Amyntae filii, breuique tempore in intimam peruenit familiaritatem: fulgebat enim 20  
5 iam in adulescentulo indoles uirtutis. itaque eum habuit ad manum scribae loco, quod multo apud Graios honorificentius est quam apud Romanos. namque apud nos, re uera sicut sunt, mercennarii scribae existimantur; at apud illos <e> contrario nemo ad id officium admittitur nisi honesto loco, et fide et industria cognita, quod necesse est 25  
6 omnium consiliorum eum esse participem. hunc locum tenuit amicitiae apud Philippum annos septem. illo interfecto eodem gradu fuit apud Alexandrum annos tredecim. nouissimo tempore praefuit etiam alterae equitum alae, quae Hetaerice appellabatur. utrique autem in consilio semper affuit et omnium rerum habitus est particeps. 30



Alexandro Babylone mortuo, cum regna singulis familiaribus dis- 2  
 pertirentur et summa rerum tradita esset tuenda eidem, cui Alexander  
 moriens anulum suum dederat, Perdiccae (ex quo omnes coniecerant 2  
 eum regnum ei commisisse, quoad liberi eius in suam tutelam per-  
 uenissent: aberat enim Crateros et Antipater, qui antecedere hunc uide-  
 bantur, mortuus erat Hephaestio, quem unum Alexander, quod facile  
 intellegi posset, plurimi fecerat), hoc tempore data est Eumeni Cappa-  
 docia siue potius dicta: nam tum in hostium erat potestate. hunc sibi 3  
 Perdiccas adiunxerat magno studio, quod in homine fidem et indu-  
 striam magnam uidebat, non dubitans, si eum pellexisset, magno usui  
 fore sibi in iis rebus quas apparabat. cogitabat enim, quod fere omnes  
 in magnis imperiis concupiscunt, omnium partis corripere atque com-  
 plecti. neque uero hoc ille solus fecit, sed ceteri quoque omnes, qui 4  
 Alexandri fuerant amici. primus Leonnatus Macedoniam praeoccupare  
 destinavit. hic multis magnisque pollicitationibus persuadere Eumeni  
 studuit, ut Perdiccam desereret ac secum faceret societatem. cum per- 5  
 ducere eum non posset, interficere conatus est, et fecisset, nisi ille  
 clam noctu ex praesidiis eius effugisset.

Interim conflata sunt illa bella, quae ad interneccionem post Alexan- 3  
 dri mortem gesta sunt, omnesque concurrerunt ad Perdiccam oppri-  
 mendum. quem etsi infirmum uidebat, quod unus omnibus resistere  
 cogebatur, tamen amicum non deseruit neque salutis quam fidei fuit  
 cupidior. praefecerat hunc Perdiccas ei parti Asiae, quae inter Tau- 2  
 rum montem iacet atque Hellespontum, et illum unum opposuerat  
 Europaeis aduersariis; ipse Aegyptum oppugnatum aduersum Ptole-  
 maeum erat profectus. Eumenes cum neque magnas copias neque 3  
 firmas haberet, quod et inexercitatae et non multo ante erant con-  
 tractae, aduentare autem dicerentur Hellespontumque transisse Anti-  
 pater et Crateros magno cum exercitu Macedonum, uiri cum claritate 4  
 tum usu belli praestantes (Macedones uero milites ea tum erant fama,  
 qua nunc Romani feruntur: etenim semper habiti sunt fortissimi, qui  
 summam imperii potirentur): Eumenes intellegebat, si copiae suae  
 cognosset, aduersus quos ducerentur, non modo non ituras, sed simul

- 5 cum nuntio dilapsuras. itaque hoc eius fuit prudentissimum, ut deuiis  
 itineribus milites duceret, in quibus uera audire non possent, et iis  
 6 persuaderet se contra quosdam barbaros proficisci. itaque tenuit hoc  
 propositum et prius in aciem exercitum eduxit proeliumque commisit,  
 quam milites sui scirent, cum quibus arma conferrent. effecit etiam 5  
 illud locorum praeoccupatione, ut equitatu potius dimicaret, quo plus  
 ualebat, quam peditatu, quo erat deterior.
- 4 Quorum acerrimo concursu cum magnam partem diei esset oppu-  
 gnatum, cadit Crateros dux et Neoptolemus, qui secundum locum  
 2 imperii tenebat. cum hoc concurrat ipse Eumenes. qui cum inter se 10  
 complexi in terram ex equis decidissent, ut facile intellegi possent  
 inimica mente contendisse animoque magis etiam pugnassee quam cor-  
 pore, non prius distracti sunt, quam alterum anima relinqueret. ab  
 hoc aliquot plagis Eumenes uulneratur, neque eo magis ex proelio ex-  
 3 cessit, sed acrius hostis insistit. hic equitibus profligatis, interfecto 15  
 duce Cratero, multis praeterea et maxime nobilibus captis pedester  
 exercitus, quod in ea loca erat deductus, ut inuito Eumene elabi non  
 posset, pacem ab eo petit. quam cum impetrasset, in fide non mansit  
 4 et se, simul ac potuit, ad Antipatrum recepit. Eumenes Craterum ex  
 acie semiuiuum elatum recreare studuit; cum id non posset, pro ho- 20  
 minis dignitate proque pristina amicitia (namque illo usus erat Alex-  
 andro uiuo familiariter) amplo funere extulit ossaque in Macedoniam  
 uxori eius ac liberis remisit.
- 5 Haec dum apud Hellespontum geruntur, Perdiceas apud Nilum  
 flumen interficitur ab Seleuco et Antigene, rerumque summa ad Anti- 25  
 patrum defertur. hic qui deseruerant, exercitu suffragium ferente  
 capitis absentes damnantur, in his Eumenes. hac ille percussus plaga  
 non succubuit neque eo setius bellum administrauit. sed exiles res  
 2 animi magnitudinem, etsi non frangebant, tamen minuebant. hunc  
 persequens Antigonus, cum omni genere copiarum abundaret, saepe 30  
 in itineribus uexabatur, neque umquam ad manum accedere licebat

nisi iis locis, quibus pauci multis possent resistere. sed extremo tem- 3  
 pore, cum consilio capi non posset, multitudine circumitus est. hinc  
 tamen multis suis amissis se expediuit et in castellum Phrygiae, quod  
 Nora appellatur, confugit. in quo cum circumsederetur et uereretur, 4  
 ne uno loco manens equos militares perderet, quod spatium non esset  
 agitandi, callidum fuit eius inuentum, quem ad modum stans iumen-  
 tum concalfieri exerceriue posset, quo libentius et cibo uteretur et  
 a corporis motu non remoueretur. substringebat caput loro altius, 5  
 quam ut prioribus pedibus plane terram posset attingere, dein post  
 uerberibus cogebat exsultare et calces remittere: qui motus non minus  
 sudorem excutiebat, quam si in spatio decurreret. quo factum est, 6  
 quod omnibus mirabile est uisum, ut aequae iumenta nitida ex castello  
 educeret, cum complures menses in obsidione fuisset, ac si in campestri-  
 bus ea locis habuisset. in hac conclusione, quotienscumque uoluit, 7  
 apparatus et munitiones Antigoni alias incendit, alias disiecit. tenuit  
 autem se uno loco, quamdiu hiems fuit, quod castra sub diuo habere  
 non poterat. uer appropinquabat: simulata deditioe, dum de condi-  
 tionibus tractat, praefectis Antigoni imposuit seque ac suos omnis  
 extraxit incolumis.

Ad hunc Olympias, mater quae fuerat Alexandri, cum litteras et 6  
 nuntios misisset in Asiam consultum, utrum <res> repetitum in Mace-  
 doniam ueniret (nam tum in Epiro habitabat) et eas res occuparet,  
 huic ille primum suavit, ne se moueret et exspectaret, quoad Alexan- 2  
 dri filius regnum adipisceretur; sin aliqua cupiditate raperetur in  
 Macedoniam, obliuisceretur omnium iniuriarum et in neminem acer-  
 biore uteretur imperio. horum illa nihil fecit: nam et in Macedoniam 3  
 profecta est et ibi crudelissime se gessit. petit autem ab Eumene ab-  
 sente, ne pateretur Philippi domus ac familiae inimicissimos stirpem  
 quoque interimere, ferretque opem liberis Alexandri. quam ueniam 4  
 si daret, quam primum exercitus pararet, quos sibi subsidio adduceret.  
 id quo facilius faceret, se omnibus praefectis, qui in officio manebant,

- 5 misisse litteras, ut ei parerent eiusque consiliis uterentur. his rebus Eumenes permotus satius duxit, si ita tulisset fortuna, perire bene meritis referentem gratiam quam ingratum uiuere.
- 7 Itaque copias contraxit, bellum aduersus Antigonom comparauit. quod una erant Macedones complures nobiles, in iis Peucestes, qui 5 corporis custos fuerat Alexandri, tum autem obtinebat Persidem, et Antigenes, cuius sub imperio phalanx erat Macedonum, inuidiam uerens (quam tamen effugere non potuit), si potius ipse alienigena summi imperii potiretur quam alii Macedonum, quorum ibi erat multi- 2 tudo, in principiis Alexandri nomine tabernaculum statuit in eoque 10 sellam auream cum sceptro ac diademate iussit poni eoque omnes cottidie conuenire, ut ibi de summis rebus consilia caperentur, credens minore se inuidia fore, si specie imperii nominisque simulatione Alex- 3 andri bellum uideretur administrare. quod effecit. nam cum non ad Eumenis principia, sed ad regia conueniretur atque ibi de rebus deli- 15 beraretur, quodam modo latebat, cum tamen per eum unum gererentur omnia.
- 8 Hic in Paraetacis cum Antigono conflixit, non acie instructa, sed in itinere, eumque male acceptum in Mediam hiematum coegit redire. ipse in finitima regione Persidis hiematum copias diuisit, non ut uoluit, 20 sed ut militum cogebat uoluntas. namque illa phalanx Alexandri Magni, quae Asiam peragrarat deuiceratque Persas, inueterata cum gloria tum etiam licentia, non parere se ducibus, sed imperare postu- labat, ut nunc ueterani faciunt nostri. itaque periculum est ne faciant quod illi fecerunt, sua intemperantia nimiaque licentia ut omnia per- 25 dant neque minus eos, cum quibus steterint, quam aduersus quos fecerint. quod si quis illorum ueteranorum legat facta, paria horum cognoscat neque rem ullam nisi tempus interesse iudicet. sed ad illos reuertar. hiberna sumpserant non ad usum belli, sed ad ipsorum luxu- 4 riam, longeque inter se discesserant. haec Antigonus cum comperisset 30 intellegeretque se parem non esse paratis aduersariis, statuit aliquid sibi consilii noui esse capiendum. duae erant uiae, qua ex Medis, ubi ille hiemabat, ad aduersariorum hibernacula posset perueniri. qua- 5 rum breuior per loca deserta, quae nemo incolebat propter aquae

inopiam, ceterum dierum erat fere decem; illa autem, qua omnes  
 commeabant, altero tanto longiorem habebat anfractum, sed erat  
 copiosa omniumque rerum abundans. hac si proficisceretur, intelle- 6  
 gebat prius aduersarios rescituros de suo aduentu, quam ipse tertiam  
 5 partem confecisset itineris; sin per loca sola contenderet, sperabat se  
 imprudentem hostem oppressurum. ad hanc rem conficiendam impe- 7  
 ravit quam plurimos utris atque etiam culleos comparari, post haec  
 pabulum, praeterea cibaria cocta dierum decem, ut quam minime  
 fieret ignis in castris. iter quo habeat, omnis celat. sic paratus, qua  
 10 constituerat, proficiscitur.

Dimidium fere spatium confecerat, cum ex fumo castrorum eius 9  
 suspicio allata est ad Eumenem hostem appropinquare. conueniunt  
 duces: quaeritur, quid opus sit facto. intellegebant omnes tam cele-  
 riter copias ipsorum contrahi non posse, quam Antigonus adfuturus  
 15 uidebatur. hic omnibus titubantibus et de rebus summis desperanti- 2  
 bus Eumenes ait, si celeritatem uelint adhibere et imperata facere,  
 quod antea non fecerint, se rem expediturum. nam quod diebus quin-  
 que hostis transisse posset, se effecturum ut non minus totidem dierum  
 spatio retardaretur: quare circumirent, suas quisque contraheret co-  
 20 pias. ad Antigoni autem refrenandum impetum tale capit consilium. 3  
 certos mittit homines ad infimos montes, qui obuui erant itineri aduer-  
 sariorum, iisque praecipit ut prima nocte, quam latissime possint,  
 ignis faciant quam maximos atque hos secunda uigilia minuant, ter- 4  
 tia perexiguos reddant, et assimulata castrorum consuetudine suspi-  
 25 cionem iniciant hostibus, iis locis esse castra ac de eorum aduentu  
 esse praenuntiatum; idemque postera nocte faciant. quibus impera- 5  
 tum erat, diligenter praeceptum curant. Antigonus tenebris obortis  
 ignis conspiciatur: credit de suo aduentu esse auditum et aduersarios  
 illuc suas contraxisse copias. mutat consilium et, quoniam impruden- 6  
 30 tes adoriri non possit, flectit iter suum et illum anfractum longiorem  
 copiosae uiae capit ibique diem unum opperitur ad lassitudinem se-  
 dandam militum ac reficienda iumenta, quo integriore exercitu de-  
 cerneret.

- 10 Sic Eumenes callidum imperatorem uicit consilio celeritatemque  
 2 impediuit eius, neque tamen multum profecit. nam inuidia ducum,  
 cum quibus erat, perfidiaque Macedonum ueteranorum, cum supe-  
 rior proelio discessisset, Antigono est deditus, cum exercitus ei ter  
 ante separatis temporibus iurasset se eum defensurum neque um- 5  
 quam deserturum. sed tanta fuit nonnullorum uirtutis obtrectatio,  
 3 ut fidem amittere mallent quam eum non perdere. atque hunc Anti-  
 gonus, cum ei fuisset infestissimus, conseruasset, si per suos esset  
 licitum, quod a nullo se plus adiuuari posse intellegebat in iis rebus,  
 quas impendere iam apparebat omnibus. imminebant enim Seleucus, 10  
 Lysimachus, Ptolemaeus, opibus iam ualentes, cum quibus ei de sum-  
 4 mis rebus erat dimicandum. sed non passi sunt ii qui circa erant, quod  
 uidebant Eumene recepto omnis prae illo parui futuros. ipse autem  
 Antigonus adeo erat incensus, ut nisi magna spe maximarum rerum  
 leniri non posset. 15
- 11 Itaque cum eum in custodiam dedisset et praefectus custodum quae-  
 sisset quem ad modum seruari uellet, 'ut acerrimum' inquit 'leonem  
 aut ferocissimum elephantum': nondum enim statuerat, conseruaret  
 2 eum necne. ueniebat autem ad Eumenem utrumque genus hominum,  
 et qui propter odium fructum oculis ex eius casu capere uellent, et 20  
 qui propter ueterem amicitiam colloqui consolarique cuperent, multi  
 etiam, qui eius formam cognoscere studebant, qualis esset, quem tam  
 diu tamque ualde timuissent, cuius in pernicie positam spem habuis-  
 3 sent uictoriae. at Eumenes, cum diutius in uinclis esset, ait Onomar-  
 cho, penes quem summa imperii erat custodiae, se mirari, quare iam 25  
 tertium diem sic teneretur: non enim hoc conuenire Antigoni pruden-  
 tia, ut sic deuteretur uicto: quin aut interfici aut missum fieri iuberet.  
 4 hic cum ferocius Onomarcho loqui uideretur, 'quid? tu' inquit 'animo  
 si isto eras, cur non in proelio cecidisti potius quam in potestatem in-  
 5 imici uenires?' huic Eumenes 'utinam quidem istuc euenisset! sed eo 30  
 non accidit, quod numquam cum fortiore sum congressus: non enim  
 cum quoquam arma contuli, quin is mihi succubuerit. non enim uirtute  
 hostium, sed amicorum perfidia decidi.' neque id erat falsum <\*\*\*>

nam et dignitate fuit honesta et uiribus ad laborem ferendum firmis neque tam magno corpore quam figura uenusta.

De hoc Antigonus cum solus constituere non auderet, ad consilium 12  
 rettulit. hic cum omnes primo perturbati admirarentur non iam de eo  
 5 sumptum esse supplicium, a quo tot annos adeo essent male habiti, ut  
 saepe ad desperationem forent adducti, quique maximos duces inter- 2  
 fecisset, denique in quo uno tantum esset, ut, quoad ille uiueret, ipsi  
 securi esse non possent, interfecto nihil habituri negotii essent: po-  
 stremo, si illi redderet salutem, quaerebant, quibus amicis esset usus:  
 10 sese enim cum Eumene apud eum non futuros. hic cognita consilii 3  
 uoluntate tamen usque ad septimum diem deliberandi sibi spatium  
 reliquit. tum autem, cum iam uereretur ne qua seditio exercitus orire-  
 tur, uetuit quemquam ad eum admitti et cottidianum uictum re-  
 moueri iussit: nam negabat se ei uim allaturum, qui aliquando fuisset  
 15 amicus. hic tamen non amplius quam triduum fame fatigatus, cum 4  
 castra mouerentur, insciente Antigono iugulatus est a custodibus.

Sic Eumenes annorum quinque et quadraginta, cum ab anno uice- 13  
 simo, uti supra ostendimus, septem annos Philippo apparuisset, tre-  
 decim apud Alexandrum eundem locum obtinuisset, in his unum equi-  
 20 tum alae praefuisset, post autem Alexandri Magni mortem imperator  
 exercitus duxisset summosque duces partim reppulisset, partim inter-  
 fecisset, captus non Antigoni uirtute, sed Macedonum periurio talem  
 habuit exitum uitae. in quo quanta omnium fuerit opinio eorum, qui 2  
 post Alexandrum Magnum reges sunt appellati, ex hoc facillime potest  
 25 iudicari, quod, <quorum> nemo Eumene uiuo rex appellatus est, sed  
 praefectus, eidem post huius occasum statim regium ornatum nomen- 3  
 que sumpserunt neque, quod initio praedicarant, se Alexandri liberis  
 regnum seruare, praestare uoluerunt et uno propugnatore sublato  
 quid sentirent aperuerunt. huius sceleris principes fuerunt Antigonus,  
 30 Ptolemaeus, Seleucus, Lysimachus, Cassandrus. Antigonus autem 4  
 Eumenem mortuum propinquis eius sepeliendum tradidit. hi mili-  
 tari honestoque funere, comitante toto exercitu, humauerunt ossaque  
 eius in Cappadociam ad matrem atque uxorem liberosque eius de-  
 portanda curarunt.

## PHOCION

- 1 Phocion Atheniensis etsi saepe exercitibus praefuit summosque magistratus cepit, tamen multo eius notior integritas uitae quam rei militaris labor. itaque huius memoria est nulla, illius autem magna  
 2 fama, ex quo cognomine Bonus est appellatus. fuit enim perpetuo 5  
 pauper, cum diuitissimus esse posset propter frequentis delatos hono-  
 3 res potestatesque summas, quae ei a populo dabantur. hic cum a rege Philippo munera magnae pecuniae repudiaret legatique hortarentur accipere simulque admonerent, si ipse iis facile careret, liberis tamen suis prospiceret, quibus difficile esset in summa paupertate tantam 10  
 4 paternam tueri gloriam, his ille 'si mei similes erunt, idem hic' inquit 'agellus illos alet, qui me ad hanc dignitatem perduxit; sin dissimiles sunt futuri, nolo meis impensis illorum ali augerique luxuriam.'
- 2 Idem cum prope ad annum octogesimum prospera peruenisset fortuna, extremis temporibus magnum in odium peruenit suorum ciuium, 15  
 2 primo quod cum Demade de urbe tradenda Antipatro consenserat eiusque consilio Demosthenes cum ceteris, qui bene de re publica meriti existimabantur, populi scito in exilium erant expulsi. neque in eo solum offenderat, quod patriae male consuluerat, sed etiam quod  
 3 amicitiae fidem non praestiterat. namque auctus adiutusque a Demo- 20  
 sthene eum, quem tenebat, ascenderat gradum, cum aduersus Charetem eum subornaret: ab eodem in iudiciis, cum capitis causam diceret, defensus aliquotiens, liberatus discesserat. hunc non solum in peri-  
 4 culis non defendit, sed etiam prodidit. concidit autem maxime uno crimine, quod, cum apud eum summum esset imperium populi et 25  
 Nicanorem, Cassandri praefectum, insidiari Piraeo Atheniensium a Dercylo moneretur idemque postularet ut prouideret, ne com meatibus ciuitas priuaretur, huic audiente populo Phocion negauit esse peri-  
 5 culum seque eius rei obsidem fore pollicitus est. neque ita multo post Nicanor Piraeo est potitus, sine quo Athenae omnino esse non possunt. 30



ad quem recuperandum cum populus armatus concurrisset, ille non modo neminem ad arma uocauit, sed ne armatis quidem praeesse uoluit.

Erant eo tempore Athenis duae factiones, quarum una populi cau- 3  
 5 sam agebat, altera optimatum. in hac erat Phocion et Demetrius Phalereus. harum utraque Macedonum patrociniis utebatur: nam populares Polyperchonti fauebant, optimates cum Cassandro sentiebant. interim a Polyperchonte Cassandrus Macedonia pulsus est. quo facto 2  
 10 populus superior factus statim duces aduersariae factionis capitis damnatos patria propulit, in his Phocionem et Demetrium Phalereum, deque ea re legatos ad Polyperchontem misit, qui ab eo peterent ut sua decreta confirmaret. huc eodem profectus est Phocion. quo ut 3  
 uenit, causam apud Philippum regem uerbo, re ipsa quidem apud Polyperchontem iussus est dicere: namque is tum regis rebus praecerat. 15  
 hic ab Agnone accusatus, quod Piraeum Nicanori prodidisset, ex con- 4  
 siliu sententia in custodiam coniectus Athenas deductus est, ut ibi de eo legibus fieret iudicium.

Huc ut peruentum est, cum propter aetatem pedibus iam non uale- 4  
 ret uehiculoque portaretur, magni concursus sunt facti, cum alii, re- 20  
 miniscentes ueteris famae, aetatis misererentur, plurimi uero ira exaceruerentur propter prodicionis suspicionem Piraei maximeque quod aduersus populi commoda in senectute steterat. quare ne perorandi 2  
 quidem ei data est facultas et dicendi causam. inde iudicio legitimis quibusdam confectis damnatus traditus est undecimuiris, quibus ad 25  
 supplicium more Atheniensium publice damnati tradi solent. hic cum 3  
 ad mortem duceretur, obuius ei fuit Euphiletus, quo familiariter fuerat usus. is cum lacrimans dixisset: 'o quam indigna perpeteris, Phocion!', huic ille 'at non inopinata' inquit: 'hunc enim exitum plerique clari uiri habuerunt Athenienses.' in hoc tantum fuit odium multitu- 4  
 30 dinis, ut nemo ausus sit eum liber sepelire. itaque a seruis sepultus est.

## TIMOLEON

- 1 Timoleon Corinthius. sine dubio magnus omnium iudicio hic uir  
 exstitit. namque huic uni contigit, quod nescio an nulli, ut et patriam,  
 in qua erat natus, oppressam a tyranno liberaret, et a Syracusanis,  
 quibus auxilio erat missus, iam inueteratam seruitutem depelleret 5  
 totamque Siciliam, multos annos bello uexatam a barbarisque oppres-  
 2 sam, suo aduentu in pristinum restitueret. sed in his rebus non sim-  
 plici fortuna conflictatus est et, id quod difficilius putatur, multo sa-  
 3 pientius tulit secundam quam aduersam fortunam. nam cum frater  
 eius Timophanes, dux a Corinthiis delectus, tyrannidem per milites 10  
 mercenarios occupasset particepsque regni posset esse, tantum a fuit  
 a societate sceleris, ut antetulerit ciuium suorum libertatem fratris  
 4 saluti et parere legibus quam imperare patriae satius duxerit. hac  
 mente per haruspicem communemque affinem, cui soror ex eisdem  
 parentibus nata nupta erat, fratrem tyrannum interficiendum curauit. 15  
 ipse non modo manus non attulit, sed ne aspicere quidem fraternum  
 sanguinem uoluit. nam dum res conficeretur, procul in praesidio fuit,  
 5 ne quis satelles posset succurrere. hoc praeclarissimum eius factum  
 non pari modo probatum est ab omnibus: nonnulli enim laesam ab eo  
 pietatem putabant et inuidiã laudem uirtutis obterebant. mater uero 20  
 post id factum neque domum ad se filium admisit neque aspexit, quin  
 6 eum fratricidam impiumque detestans compellaret. quibus rebus ille  
 adeo est commotus, ut nonnumquam uitae finem facere uoluerit atque  
 ex ingratorum hominum conspectu morte decedere.
- 2 Interim Dione Syracusis interfecto Dionysius rursus Syracusarum 25  
 potitus est. cuius aduersarii opem a Corinthiis petierunt ducemque,  
 quo in bello uterentur, postularunt. huc Timoleon missus incredibili  
 2 felicitate Dionysium tota Sicilia depulit. cum interficere posset, noluit,  
 tutoque ut Corinthum perueniret effecit, quod utrorumque Dionysio-  
 rum opibus Corinthii saepe adiuti fuerant, cuius benignitatis memoriam 30  
 uolebat exstare, eamque praeclaram uictoriam ducebat, in qua plus  
 esset clementiae quam crudelitatis, postremo ut non solum auribus  
 acciperetur, sed etiam oculis cerneretur, quem ex quanto regno ad

quam fortunam detulisset. post Dionysii decessum cum Hiceta bellauit, 3  
 qui aduersatus erat Dionysio: quem non odio tyrannidis dissensisse,  
 sed cupiditate indicio fuit, quod ipse expulso Dionysio imperium di-  
 mittere noluit. hoc superato Timoleon maximas copias Karthaginien- 4  
 5 sium apud Crinissum flumen fugauit ac satis habere coegit, si liceret  
 Africam obtinere, qui iam complures annos possessionem Siciliae tene-  
 bant. cepit etiam Mamercum, Italicum ducem, hominem bellicosum  
 et potentem, qui tyrannos adiutum in Siciliam uenerat.

Quibus rebus confectis cum propter diuturnitatem belli non solum 3  
 10 regiones, sed etiam urbes desertas uideret, conquisiuit quos potuit,  
 primum Siculos, dein Corintho arcessiuit colonos, quod ab iis initio  
 Syracusae erant conditae. ciuibus ueteribus sua restituit, nouis bello 2  
 uacuefactas possessiones diuisit, urbium moenia disiecta fanaque de-  
 serta refecit, ciuitatibus leges libertatemque reddidit: ex maximo bello  
 15 tantum otium totae insulae conciliauit, ut hic conditor urbium earum,  
 non illi qui initio deduxerant, uideretur. arcem Syracusis, quam muni- 3  
 erat Dionysius ad urbem obsidendam, a fundamentis disiecit, cetera ty-  
 rannidis propugnacula demolitus est deditque operam, ut quam minime  
 multa uestigia seruitutis manerent. cum tantis esset opibus, ut etiam 4  
 20 inuitis imperare posset, tantum autem amorem haberet omnium Sicu-  
 lorum, ut nullo recusante regnum obtinere, maluit se diligi quam me-  
 tui. itaque, cum primum potuit, imperium deposuit ac priuatus Syra-  
 cusis, quod reliquum uitae fuit, uixit. neque uero id imperite fecit: 5  
 nam quod ceteri reges imperio potuerunt, hic beneuolentia tenuit.  
 25 nullus honos huic defuit, neque postea res ulla Syracusis gesta est  
 publice, de qua prius sit decretum quam Timoleontis sententia co-  
 gnita. nullius umquam consilium non modo antelatum, sed ne com- 6  
 paratum quidem est. neque id magis beneuolentia factum est quam  
 prudentia.

30 Hic cum aetate iam prouectus esset, sine ullo morbo lumina oculo- 4  
 rum amisit. quam calamitatem ita moderate tulit, ut neque eum que-  
 rentem quisquam audierit neque eo minus priuatis publicisque rebus  
 interfuerit. ueniebat autem in theatrum, cum ibi concilium populi 2  
 haberetur, propter ualetudinem uectus iumentis iunctis, atque ita de

- uehiculo quae uidebantur dicebat. neque hoc illi quisquam tribuebat  
superbiae: nihil enim umquam neque insolens neque gloriosum ex ore  
3 eius exiit. qui quidem, cum suas laudes audiret praedicari, numquam  
aliud dixit quam se in ea re maxime diis agere gratias atque habere,  
quod, cum Siciliam recreare constituissent, tum se potissimum ducem 5  
4 esse uoluissent. nihil enim rerum humanarum sine deorum numine  
geri putabat; itaque suae domi sacellum Automatias constituerat  
idque sanctissime colebat.
- 5 Ad hanc hominis excellentem bonitatem mirabiles accesserant casus.  
nam proelia maxima natali suo die fecit omnia, quo factum est ut 10  
2 eius diem natalem festum haberet uniuersa Sicilia. huic quidam La-  
phystius, homo petulans et ingratus, uadimonium cum uellet impo-  
nere, quod cum illo se lege agere diceret, et complures concurrissent,  
qui procacitatem hominis manibus coercere conarentur, Timoleon  
orauit omnes, ne id facerent. namque id ut Laphystio et cuiuis liceret, 15  
se maximos labores summaque adiisse pericula. hanc enim speciem  
libertatis esse, si omnibus, quod quisque uellet, legibus experiri lice-  
3 ret. idem, cum quidam Laphystii similis, nomine Demaenetus, in con-  
tione populi de rebus gestis eius detrahare coepisset ac nonnulla inue-  
heretur in Timoleonta, dixit nunc demum se uoti esse damnatum: 20  
namque hoc a diis immortalibus semper precatum, ut talem liber-  
tatem restitueret Syracusanis, in qua cuiuis liceret de quo uellet im-  
pune dicere.
- 4 Hic cum diem supremum obisset, publice a Syracusanis in gymna-  
sio, quod Timoleonteum appellatur, tota celebrante Sicilia sepultus 25  
est.

## REGES

- 1 Hi fere fuerunt Graecae gentis duces, qui memoria digni uideantur,  
praeter reges: namque eos attingere noluimus, quod omnium res  
2 gestae separatim sunt relatae. neque tamen ii admodum sunt multi. 30  
Lacedaemonius autem Agesilaus nomine, non potestate fuit rex, sicut

ceteri Spartani. ex iis uero, qui dominatum imperio tenuerunt, excellentissimi fuerunt, ut nos iudicamus, Persarum Cyrus et Darius, Hystaspi filius, quorum uterque priuatus uirtute regnum est adeptus. prior horum apud Massagetas in proelio cecidit, Darius senectute diem  
 5 obiit supremum. tres sunt praeterea eiusdem gentis: Xerxes et duo 3  
 Artaxerxae, Macrochir cognomine et Mnemon. Xerxi maxime est illustre, quod maximis post hominum memoriam exercitibus terra  
 marique bellum intulit Graeciae. at Macrochir praecipuam habet lau- 4  
 dem amplissimae pulcherrimaeque corporis formae, quam incredi-  
 10 bili ornauit uirtute belli: namque illo Perses nemo manu fuit fortior. Mnemon autem iustitiae fama floruit. nam cum matris suae scelere  
 amisisset uxorem, tantum indulsit dolori, ut eum pietas uinceret. ex 5  
 his duo eodem nomine morbo naturae debitum reddiderunt, tertius  
 ab Artabano praefecto ferro interemptus est.

15 Ex Macedonum autem gente duo multo ceteros antecesserunt rerum 2  
 gestarum gloria: Philippus, Amyntae filius, et Alexander Magnus. horum alter Babylone morbo consumptus est, Philippus Aegiis a Pau-  
 sania, cum spectatum ludos iret, iuxta theatrum occisus est. unus 2  
 Epirotes, Pyrrhus, qui cum populo Romano bellauit. is cum Argos  
 20 oppidum oppugnaret in Peloponneso, lapide ictus interiit. unus item Sículus, Dionysius prior. nam et manu fortis et belli peritus fuit et, id quod in tyranno non facile reperitur, minime libidinosus, non luxu-  
 riosus, non auarus, nullius denique rei cupidus nisi singularis perpetui-  
 que imperii ob eamque rem crudelis: nam dum id studuit munire,  
 25 nullius pepercit uitae, quem eius insidiatorem putaret. hic cum uir- 8  
 tute tyrannidem sibi peperisset, magna retinuit felicitate: maior enim annos sexaginta natus decessit florente regno. neque in tam multis annis cuiusquam ex sua stirpe funus uidit, cum ex tribus uxoribus liberos procreasset multique ei nati essent nepotes.

30 Fuerunt praeterea magni reges ex amicis Alexandri Magni, qui 3  
 post obitum eius imperia ceperunt, in his Antigonus et huius filius Demetrius, Lysimachus, Seleucus, Ptolemaeus. ex his Antigonus in 2  
 proelio, cum aduersus Seleucum et Lysimachum dimicaret, occisus est. pari leto affectus est Lysimachus ab Seleuco: namque societate dis-  
 35 soluta bellum inter se gesserunt. at Demetrius, cum filiam suam Se- 3

- leuco in matrimonium dedisset neque eo magis fida inter eos amicitia manere potuisset, captus bello in custodia socer generi periit a morbo.
- 4 neque ita multo post Seleucus a Ptolemaeo Cerauno dolo interfectus est, quem ille a patre expulsum Alexandria alienarum opum indigentem receperat. ipse autem Ptolemaeus, cum uiuus filio regnum tradi-
- 5 disset, ab illo eodem uita priuatus dicitur.
- 5 De quibus quoniam satis dictum putamus, non incommodum uideatur non praeterire Hamilcarem et Hannibalem, quos et animi magnitudine et calliditate omnes in Africa natos praestitisse constat.

## HAMILCAR

- 1 Hamilcar, Hannibalis filius, cognomine Barca, Karthaginiensis, primo Poenico bello, sed temporibus extremis, admodum adulescens
- 2 tulus in Sicilia praeesse coepit exercitui. cum ante eius aduentum et mari et terra male res gererentur Karthaginensium, ipse ubi adfuit, numquam hosti cessit neque locum nocendi dedit, saepeque e con-
- 3 trario occasione data lacessiuit semperque superior discessit. quo facto, cum paene omnia in Sicilia Poeni amisissent, ille Erycem sic defendit,
- 4 ut bellum eo loco gestum non uideretur. interim Karthaginenses classe apud insulas Aegatis a C. Lutatio, consule Romanorum, superati statuerunt belli facere finem eamque rem arbitrio permiserunt Hamil-
- 5 caris. ille etsi flagrabat bellandi cupiditate, tamen paci seruiundum putauit, quod patriam exhaustam sumptibus diutius calamitates belli
- 4 ferre non posse intellegebat, sed ita ut statim mente agitaret, si paulum modo res essent reffectae, bellum renouare Romanosque armis
- 5 hoc consilio pacem conciliauit, in quo tanta fuit ferocia, cum Catulus negaret bellum compositurum, nisi ille cum suis, qui Erycem tenuerunt, armis relictis Sicilia decederent, ut succumbente patria ipse perituum se potius dixerit, quam cum tanto flagitio domum rediret: non enim suae esse uirtutis arma a patria accepta aduersus hostis aduersariis tradere. huius pertinaciae cessit Catulus.

At ille ut Karthaginem uenit, multo aliter ac sperarat rem publicam 2  
 se habentem cognouit. namque diuturnitate externi mali tantum ex-  
 arsit intestinum bellum, ut numquam pari periculo fuerit Karthago  
 nisi cum deleta est. primo mercennarii milites, qui<bus usi> aduersus 2  
 Romanos fuerant, descuerunt, puorum numerus erat uiginti milium.  
 hi totam abalienarunt Africam, ipsam Karthaginem oppugnarunt. qui- 3  
 bus malis adeo sunt Poeni perterriti, ut etiam auxilia ab Romanis  
 petierint eaque impetrarint. sed extremo, cum prope iam ad despera-  
 tionem peruenissent, Hamilcarem imperatorem fecerunt. is non solum 4  
 hostis a muris Karthaginis remouit, cum amplius centum milia facta  
 essent armatorum, sed etiam eo compulit, ut locorum angustiis clausi  
 plures fame quam ferro interirent. omnia oppida abalienata, in his  
 Vticam atque Hipponem, ualentissima totius Africae, restituit pa-  
 triae. neque eo fuit contentus, sed etiam finis imperii propagauit, tota 5  
 Africa tantum otium reddidit, ut nullum in ea bellum uideretur mul-  
 tis annis fuisse.

Rebus his ex sententia peractis fidenti animo atque infesto Roma- 3  
 nis, quo facilius causam bellandi reperiret, effecit ut imperator cum  
 exercitu in Hispaniam mitteretur, eoque secum duxit filium Hanni-  
 balem annorum nouem. erat praeterea cum eo adulescens illustris, for- 2  
 mosus, Hasdrubal, quem nonnulli diligi turpius, quam par erat, ab  
 Hamilcare loquebantur: non enim maledici tanto uiro deesse pot-  
 erant. quo factum est ut a praefecto morum Hasdrubal cum eo ueta-  
 retur esse. huic ille filiam suam in matrimonium dedit, quod moribus  
 eorum non poterat interdici socero genero. de hoc ideo mentionem 3  
 fecimus, quod Hamilcare occiso ille exercitui praefuit resque magnas  
 gessit et princeps largitione uetustos peruertit mores Karthaginien-  
 sium eiusdemque post mortem Hannibal ab exercitu accepit imperium.

At Hamilcar, posteaquam mare transiit in Hispaniamque uenit, 4  
 magnas res secunda gessit fortuna: maximas bellicosissimasque gentes  
 subegit, equis, armis, uiris, pecunia totam locupletauit Africam. hic 2  
 cum in Italiam bellum inferre meditaretur, nono anno postquam in  
 Hispaniam uenerat, in proelio pugnans aduersus Vettones occisus est.

- 3 huius perpetuum odium erga Romanos maxime concitasse uidetur secundum bellum Poenicum. namque Hannibal, filius eius, assiduis patris obtestationibus eo est perductus, ut interire quam Romanos non experiri mallet.

## HANNIBAL

- 1 Hannibal, Hamilcaris filius, Karthaginiensis. si uerum est, quod nemo dubitat, ut populus Romanus omnes gentes uirtute superarit, non est infitiandum Hannibalem tanto praestitisse ceteros imperatores prudentia, quanto populus Romanus antecedit fortitudine cunctas nationes. nam quotienscumque cum eo congressus est in Italia, 10  
semper discessit superior. quod nisi domi ciuium suorum inuidia debilitatus esset, Romanos uidetur superare potuisse. sed multorum obtrectatio deuicit unius uirtutem.
- 3 Hic autem uelut hereditate relictum odium paternum erga Romanos sic conseruauit, ut prius animam quam id deposuerit, qui quidem, cum 15  
patria pulsus esset et alienarum opum indigeret, numquam destiterit  
2 animo bellare cum Romanis. nam ut omittam Philippum, quem absens hostem reddidit Romanis, omnium iis temporibus potentissimus rex Antiochus fuit. hunc tanta cupiditate incendit bellandi, ut usque a  
2 rubro mari arma conatus sit inferre Italiae. ad quem cum legati uenis- 20  
sent Romani, qui de eius uoluntate explorarent darentque operam consiliis clandestinis ut Hannibalem in suspicionem regi adducerent, tamquam ab ipsis corruptum alia atque antea sentire, neque id frustra fecissent idque Hannibal comperisset seque ab interioribus consiliis  
3 segregari uidisset, tempore dato adiit ad regem, eique cum multa de 25  
fide sua et odio in Romanos commemorasset, hoc adiunxit: 'pater meus' inquit 'Hamilcar puerulo me, utpote non amplius nouem annos nato, in Hispaniam imperator proficiscens Karthagine Ioui optimo  
4 maximo hostias immolauit. quae diuina res dum conficiebatur, quae- 30  
siuit a me uellemne secum in castra proficisci. id cum libenter accepissem atque ab eo petere coepissem ne dubitaret ducere, tum ille „faciam“ inquit, „si mihi fidem quam postulo dederis.“ simul me ad aram adduxit, apud quam sacrificare instituerat, eamque ceteris re-



motis tenentem iurare iussit numquam me in amicitia cum Romanis fore. id ego iusiurandum patri datum usque ad hanc aetatem ita 5 conseruauit, ut nemini dubium esse debeat, quin reliquo tempore eadem mente sim futurus. quare si quid amice de Romanis cogitabis, non 6 imprudenter feceris, si me celaris; cum quidem bellum parabis, te ipsum frustraberis, si non me in eo principem posueris.'

Hac ergo qua diximus aetate cum patre in Hispaniam profectus est, 3 cuius post obitum, Hasdrubale imperatore suffecto, equitatu omni praefuit. hoc quoque interfecto exercitus summam imperii ad eum 10 detulit. id Karthaginem delatum publice comprobatum est. sic Hannibal minor quinque et uiginti annis natus imperator factus proximo triennio omnes gentes Hispaniae bello subegit, Saguntum, foederatam ciuitatem, ui expugnauit, tres exercitus maximos comparauit. ex his 3 unum in Africam misit, alterum cum Hasdrubale fratre in Hispania 15 reliquit, tertium in Italiam secum duxit. saltum Pyrenaeum transiit. quacumque iter fecit, cum omnibus incolis conflixit: neminem nisi uictum dimisit. ad Alpes posteaquam uenit, quae Italiam ab Gallia 4 seiungunt, quas nemo umquam cum exercitu ante eum praeter Herculem Graium transierat (quo facto is hodie saltus Graius appellatur), Alpico 20 conantes prohibere transitu concidit, loca patefecit, itinera muniit, effecit ut ea elephantus ornatus ire posset, qua antea unus homo inermis uix poterat repere. hac copias traduxit in Italiamque peruenit.

Conflixerat apud Rhodanum cum P. Cornelio Scipione consule eum- 4 que pepulerat. cum hoc eodem Clastidii apud Padum decernit sauciumque inde ac fugatum dimittit. tertio idem Scipio cum collega 25 Tiberio Longo apud Trebiam aduersus eum uenit. cum his manum conseruit, utrosque profligauit. inde per Ligures Appenninum transiit, petens Etruriam. hoc itinere adeo graui morbo adficitur oculorum, ut 3 postea numquam dextro aeque bene usus sit. qua ualetudine cum etiamnum premeretur lecticaque ferretur, C. Flaminium consulem 30 apud Trasumenum cum exercitu insidiis circumuentum occidit, neque multo post C. Centenium praetorem cum delecta manu saltus occupantem. hinc in Apuliam peruenit. ibi obuiam ei uenerunt duo con- 4

- sules, C. Terentius et L. Aemilius. utriusque exercitus uno proelio fugauit, Paulum consulem occidit et aliquot praeterea consulares, in his Cn. Seruilius Geminus, qui superiore anno fuerat consul.
- 5 Hac pugna pugnata Romam profectus est nullo resistente. in propinquis urbi montibus moratus est. cum aliquot ibi dies castra habuis- 5  
set et Capuam reuerteretur, Q. Fabius Maximus, dictator Romanus,  
2 in agro Falerno ei se obiecit. hic clausus locorum angustiis noctu sine  
ullo detrimento exercitus se expediuit Fabioque, callidissimo impera-  
tori, dedit uerba. namque obducta nocte sarmenta in cornibus iuuen-  
corum deligata incendit eiusque generis multitudinem magnam dis- 10  
palatam immisit. quo repentino obiecto uisu tantum terrorem iniecit  
3 exercitui Romanorum, ut egredi extra uallum nemo sit ausus. hanc  
post rem gestam non ita multis diebus M. Minucium Rufum, magi-  
strum equitum pari ac dictatorem imperio, dolo productum in proelium  
fugauit. Tiberium Sempronium Gracchum, iterum consulem, in Lu- 15  
canis absens in insidias inductum sustulit. M. Claudium Marcellum,  
4 quinquies consulem, apud Venusiam pari modo interfecit. longum est  
omnia enumerare proelia. quare unum hoc satis erit dictum, ex quo  
intellegi possit, quantus ille fuerit: quamdiu in Italia fuit, nemo ei in  
acie restitit, nemo aduersus eum post Cannensem pugnam in campo 20  
castra posuit.
- 6 Hinc inuictus patriam defensum reuocatus bellum gessit aduersus  
P. Scipionem <filium eius Scipionis>, quem ipse primo apud Rhoda-  
2 num, iterum apud Padum, tertio apud Trebiam fugarat. cum hoc  
exhaustis iam patriae facultatibus cupiuit impraesentiarum bellum 25  
componere, quo ualentior postea congredetur. in colloquium conue-  
nit, condiciones non conuenerunt. post id factum paucis diebus apud  
3 Zamam cum eodem conflixit; pulsus (incredibile dictu) biduo et dua-  
bus noctibus Hadrumetum peruenit, quod abest ab Zama circiter milia  
4 passuum trecenta. in hac fuga Numidae, qui simul cum eo ex acie 30  
excesserant, insidiati sunt ei, quos non solum effugit, sed etiam ipsos  
oppressit. Hadrumeti reliquos e fuga collegit, nouis dilectibus paucis  
diebus multos contraxit.

Cum in apparando acerrime esset occupatus, Karthaginienses bel- 7  
 lum cum Romanis composuerunt. ille nihilo setius exercitui postea  
 praefuit resque in Africa gessit usque ad P. Sulpicium C. Aurelium  
 consules. his enim magistratibus legati Karthaginienses Romam uene- 2  
 5 runt, qui senatui populoque Romano gratias agerent, quod cum iis  
 pacem fecissent, ob eamque rem corona aurea eos donarent simulque  
 peterent, ut obsides eorum Fregellis essent captiuique redderentur.  
 his ex senatus consulto responsum est: munus eorum gratum accep- 3  
 tumque esse; obsides, quo loco rogarent, futuros; captiuos non re-  
 10 missuros, quod Hannibalem, cuius opera susceptum bellum foret,  
 inimicissimum nomini Romano, etiamnunc cum imperio apud exer-  
 citum haberent itemque fratrem eius Magonem. hoc responso Kartha- 4  
 ginienses cognito Hannibalem domum et Magonem reuocarunt. huc  
 ut rediit, rex factus est, postquam praetor fuerat, anno secundo et  
 15 uicesimo: ut enim Romae consules, sic Karthagine quotannis annui  
 bini reges creabantur. in eo magistratu pari diligentia se Hannibal 5  
 praebuit, ac fuerat in bello. namque effecit ex nouis uectigalibus non  
 solum ut esset pecunia, quae Romanis ex foedere penderetur, sed  
 etiam superesset, quae in aerario reponeretur. deinde anno post M. Clau- 6  
 20 dio L. Furio consulibus Roma legati Karthaginem uenerunt. hos Han-  
 nibal ratus sui exposcendi gratia missos, priusquam iis senatus daretur,  
 nauem ascendit clam atque in Syriam ad Antiochum profugit. hac 7  
 re palam facta Poeni naues duas, quae eum comprehenderent, si pos-  
 sent consequi, miserunt, bona eius publicarunt, domum a fundamen-  
 25 tis disiecerunt, ipsum exulem iudicarunt.

At Hannibal anno tertio, postquam domo profugerat, L. Cornelio 8  
 Q. Minucio consulibus, cum quinque nauibus Africam accessit in fini-  
 bus Cyrenaeorum, si forte Karthaginienses ad bellum Antiochi spe  
 fiduciaque <incitarentur>, cui iam persuaserat ut cum exercitibus in  
 30 Italiam proficisceretur. huc Magonem fratrem exciuit. id ubi Poeni re- 2  
 sciuerunt, Magonem eadem, qua fratrem, absentem adfecerunt poena.

- illi desperatis rebus cum soluissent naues ac uela uentis dedissent, Hannibal ad Antiochum peruenit. de Magonis interitu duplex memoria prodita est: namque alii naufragio, alii a seruulis ipsius interfectum  
 3 eum scriptum reliquerunt. Antiochus autem si tam in agendo bello consiliis eius parere uoluisset, quam in suscipiendo instituerat, pro- 5  
 pius Tiberi quam Thermopylis de summa imperii dimicasset. quem  
 4 etsi multa stulte conari uidebat, tamen nulla deseruit in re. praefuit paucis nauibus, quas ex Syria iussus erat in Asiam ducere, iisque aduersus Rhodiorum classem in Pamphylio mari confluxit. cum multi-  
 tudine aduersariorum sui superarentur, ipse quo cornu rem gessit fuit 10  
 superior.
- 9 Antiocho fugato uerens ne dederetur, quod sine dubio accidisset, si  
 sui fecisset potestatem, Cretam ad Gortynios uenit, ut ibi, quo se con-  
 2 ferret, consideraret. uidit autem uir omnium callidissimus magno se fore periculo, nisi quid prouidisset, propter auaritiam Cretensium: 15  
 magnam enim secum pecuniam portabat, de qua sciebat exisse fa-  
 3 mam. itaque capit tale consilium. amphoras complures complet plumbo, summas operit auro et argento. has praesentibus principibus deponit in templo Dianae, simulans se suas fortunas illorum fidei cre-  
 dere. his in errorem inductis statuas aeneas, quas secum portabat, 20  
 4 omnes sua pecunia complet easque in propatulo domi abicit. Gortynii templum magna cura custodiunt, non tam a ceteris quam ab Hanni-  
 bale, ne ille inscientibus iis tolleret secumque duceret.
- 10 Sic conseruatis suis rebus Poenus illis Cretensibus omnibus ad  
 Prusiam in Pontum peruenit. apud quem eodem animo fuit erga Ita- 25  
 liam neque aliud quicquam egit quam regem armauit et exercuit  
 2 aduersus Romanos. quem cum uideret domesticis opibus minus esse robustum, conciliabat ceteros reges, adiungebat bellicosas nationes. dissidebat ab eo Pergamenus rex Eumenes, Romanis amicissimus,  
 3 bellumque inter eos gerebatur et mari et terra. sed utrobique Eumenes 30  
 plus ualebat propter Romanorum societatem; quo magis cupiebat eum Hannibal opprimi. quem si remouisset, faciliora sibi cetera fore

arbitrabatur. ad hunc interficiendum talem iniit rationem. classe pau- 4  
 cis diebus erant decreturi. superabatur nauium multitudine: dolo erat  
 pugnandum, cum par non esset armis. imperauit quam plurimas uene-  
 natas serpentes uiuas colligi easque in uasa fictilia conici. harum cum 5  
 5 effecisset magnam multitudinem, die ipso, quo facturus erat nauale  
 proelium, classiarios conuocat iisque praecipit, omnes ut in unam Eu-  
 menis regis concurrant nauem, a ceteris tantum satis habeant se de-  
 fendere. id illos facile serpentium multitudine consecuturos. rex autem 6  
 in qua naue ueheretur, ut scirent, se facturum: quem si aut cepissent  
 10 aut interfecissent, magno iis pollicetur praemio fore. tali cohortatione 11  
 militum facta classis ab utrisque in proelium deducitur. quarum acie  
 constituta, priusquam signum pugnae daretur, Hannibal, ut palam  
 faceret suis, quo loco Eumenes esset, tabellarium in scapha cum ca-  
 duceo mittit. qui ubi ad naues aduersariorum peruenit epistulamque 2  
 15 ostendens se regem professus est quaerere, statim ad Eumenem de-  
 ductus est, quod nemo dubitabat quin aliquid de pace esset scriptum.  
 tabellarius ducis naue declarata suis eodem, unde erat egressus, se  
 recepit. at Eumenes soluta epistula nihil in ea repperit nisi quae ad 3  
 irridendum eum pertinerent. cuius etsi causam mirabatur neque re-  
 20 periebat, tamen proelium statim committere non dubitauit. horum 4  
 in concursu Bithynii Hannibalis praecepto uniuersi nauem Eumenis  
 adoriuntur. quorum uim rex cum sustinere non posset, fuga salutem  
 petit, quam consecutus non esset, nisi intra sua praesidia se recepisset,  
 quae in proximo litore erant collocata. reliquae Pergamenae naues cum 5  
 25 aduersarios premerent acrius, repente in eas uasa fictilia, de quibus  
 supra mentionem fecimus, conici coepta sunt. quae iacta initio risum  
 pugnantis concitarunt, neque quare id fieret poterat intellegi. post- 6  
 quam autem naues suas oppletas conspexerunt serpentibus, noua re  
 perterriti, cum, quid potissimum uitarent, non uiderent, puppes  
 30 auerterunt seque ad sua castra nautica rettulerunt. sic Hannibal con- 7  
 silio arma Pergamenorum superauit, neque tum solum, sed saepe alias  
 pedestribus copiis pari prudentia pepulit aduersarios.

Quae dum in Asia geruntur, accidit casu ut legati Prusiae Romae 12

- apud T. Quintium Flamininum consularem cenarent, atque ibi de Hannibale mentione facta ex iis unus diceret eum in Prusiae regno  
 2 esse. id postero die Flamininus senatui detulit. patres conscripti, qui Hannibale uiuo numquam se sine insidiis futuros existimarent, legatos in Bithyniam miserunt, in his Flamininum, qui ab rege peterent, 5  
 3 ne inimicissimum suum secum haberet sibi que dederet. his Prusia negare ausus non est; illud recusauit, ne id a se fieri postularent, quod aduersus ius hospitii esset: ipsi, si possent, comprehenderent: locum, ubi esset, facile inuenturos. Hannibal enim uno loco se tenebat, in castello quod ei a rege datum erat muneri, idque sic aedificarat, ut 10  
 in omnibus partibus aedificii exitus haberet, scilicet uerens ne usu  
 4 ueniret, quod accidit. huc cum legati Romanorum uenissent ac multitudine domum eius circumdedissent, puer ab ianua prospiciens Hannibali dixit plures praeter consuetudinem armatos apparere. qui imperauit ei, ut omnes fores aedificii circumiret ac propere sibi nuntiaret, 15  
 5 num eodem modo undique obsideretur. puer cum celeriter, quid esset, renuntiasset omnisque exitus occupatos ostendisset, sensit id non fortuito factum, sed se peti neque sibi diutius uitam esse retinendam. quam ne alieno arbitrio dimitteret, memor pristinarum uirtutum uenenum, quod semper secum habere consuerat, sumpsit. 20
- 13 Sic uir fortissimus, multis uariisque perfunctus laboribus, anno acquieuit septuagesimo. quibus consulibus interierit, non conuenit. namque Atticus M. Claudio Marcello Q. Fabio Labeone consulibus mortuum in annali suo scriptum reliquit, at Polybius L. Aemilio Paulo Cn. Baebio Tamphilo, Sulpicius autem Blitho P. Cornelio Cethego 25  
 2 M. Baebio Tamphilo. atque hic tantus uir tantisque bellis districtus nonnihil temporis tribuit litteris. namque aliquot eius libri sunt, Graeco sermone confecti, in eis ad Rhodios de Cn. Manlii Volsonis in  
 3 Asia rebus gestis. huius belli gesta multi memoriae prodiderunt, sed ex his duo, qui cum eo in castris fuerunt simulque uixerunt, quamdiu 30  
 fortuna passa est, Silenus et Sosylus Lacedaemonius. atque hoc Sosylo Hannibal litterarum Graecarum usus est doctore.

Sed nos tempus est huius libri facere finem et Romanorum explicare 4  
imperatores, quo facilius collatis utrorumque factis, qui uiri prae-  
ferendi sint, possit iudicari.

## EXCERPTVM E LIBRO CORNELII NEPOTIS

5

## DE LATINIS HISTORICIS

## M. CATO

M. Cato, ortus municipio Tusculo, adulescentulus, priusquam hono- 1  
ribus operam daret, uersatus est in Sabinis, quod ibi heredum a patre  
relictum habebat. inde hortatu L. Valerii Flacci, quem in consulatu  
10 censuraque habuit collegam, ut M. Perpenna censorius narrare solitus  
est, Romam demigrauit in foroque esse coepit. primum stipendium 2  
meruit annorum decem septemque. Q. Fabio M. Claudio consulibus  
tribunus militum in Sicilia fuit. inde ut rediit, castra secutus est  
C. Claudii Neronis, magnique opera eius existimata est in proelio  
15 apud Senam, quo cecidit Hasdrubal, frater Hannibalis. quaestor ob- 3  
tigit P. Africano consuli, cum quo non pro sortis necessitudine uixit:  
namque ab eo perpetua dissensit uita. aedilis plebi factus est cum  
C. Heluio. praetor prouinciam obtinuit Sardiniam, ex qua quaestor 4

superiore tempore ex Africa decedens Q. Ennium poetam deduxerat, quod non minoris aestimamus quam quemlibet amplissimum Sardiniensem triumphum.

- 2 Consulatum gessit cum L. Valerio Flacco, sorte prouinciam nactus  
 2 Hispaniam citeriorem, exque ea triumphum deportauit. ibi cum di- 5  
 utius moraretur, P. Scipio Africanus consul iterum, cuius in priori  
 consulatu quaestor fuerat, uoluit eum de prouincia depellere et ipse  
 ei succedere, neque hoc per senatum efficere potuit, cum quidem  
 Scipio principatum in ciuitate obtineret, quod tum non potentia, sed  
 iure res publica administrabatur. qua ex re iratus senatui <consulatu> 10  
 3 peracto priuatus in urbe mansit. at Cato, censor cum eodem Flacco  
 factus, seuerè praefuit ei potestati. nam et in complures nobiles anim-  
 aduertit et multas res nouas in edictum addidit, qua re luxuria  
 4 reprimeretur, quae iam tum incipiebat pullulare. circiter annos octo-  
 ginta, usque ad extremam aetatem ab adulescentia, rei publicae causa 15  
 suscipere inimicitias non destitit. a multis tentatus non modo nullum  
 detrimentum existimationis fecit, sed, quoad uixit, uirtutum laude  
 creuit.
- 3 In omnibus rebus singulari fuit industria: nam et agricola sollers  
 et peritus iuris consultus et magnus imperator et probabilis orator et 20  
 2 cupidissimus litterarum fuit. quarum studium etsi senior arripuerat,  
 tamen tantum progressum fecit, ut non facile reperiri possit neque de  
 Graecis neque de Italicis rebus, quod ei fuerit incognitum. ab adules-  
 3 centia confecit orationes. senex historias scribere instituit. earum sunt  
 libri septem. primus continet res gestas regum populi Romani, secun- 25  
 dus et tertius unde quaeque ciuitas orta sit Italica, ob quam rem omnes  
 Origines uidetur appellasse. in quarto autem bellum Poenicum est  
 4 primum, in quinto secundum. atque haec omnia capitulatim sunt  
 dicta. reliquaque bella pari modo persecutus est usque ad praeturam  
 Seruii Galbae, qui diripuit Lusitanos: atque horum bellorum duces 30  
 non nominauit, sed sine nominibus res notauit. in eisdem exposuit,  
 quae in Italia Hispanisque aut fierent aut uiderentur admi-  
 randa: in quibus multa industria et diligentia comparet, nulla  
 doctrina.



Huius de uita et moribus plura in eo libro persecuti sumus, quem 5  
separatim de eo fecimus rogatu T. Pomponii Attici. quare studiosos  
Catonis ad illud uolumen delegamus.

## ATTICVS

5 T. Pomponius Atticus, ab origine ultima stirpis Romanae generatus, 1  
perpetuo a maioribus acceptam equestrem obtinuit dignitatem. patre 2  
usus est diligente et, ut tum erant tempora, diti inprimisque studioso  
litterarum. hic, prout ipse amabat litteras, omnibus doctrinis, quibus  
puerilis aetas impertiri debet, filium erudiuit. erat autem in puero 3  
10 praeter docilitatem ingenii summa suauitas oris atque uocis, ut non  
solum celeriter acciperet quae tradebantur, sed etiam excellenter pro-  
nuntiaret. qua ex re in pueritia nobilis inter aequales ferebatur clarius-  
que exsplendescebat, quam generosi condiscipuli animo aequo ferre  
possent. itaque incitabat omnes studio suo, quo in numero fuerunt 4  
15 L. Torquatus, C. Marius filius, M. Cicero: quos consuetudine sua sic  
deuinxit, ut nemo iis perpetua <uita> fuerit carior.

Pater mature decessit. ipse adulescentulus propter affinitatem P. 2  
Sulpicii, qui tribunus pl. interfectus est, non expers fuit illius periculi:  
namque Anicia, Pomponii consobrina, nupserat Seruio, fratri Sulpicii.  
20 itaque interfecto Sulpicio posteaquam uidit Cinnano tumultu ciuita- 2  
tem esse perturbatam neque sibi dari facultatem pro dignitate uiuendi,  
quin alterutram partem offenderet, dissociatis animis ciuium, cum  
alii Sullanis, alii Cinnanis fauerent partibus, idoneum tempus ratus  
studiis obsequendi suis Athenas se contulit. neque eo setius adulescen-  
25 tem Marium hostem iudicatum iuuit opibus suis, cuius fugam pecu-  
nia subleuauit. ac ne illa peregrinatio detrimentum aliquod afferret 3  
rei familiari, eodem magnam partem fortunarum traiecit suarum. hic  
ita uixit, ut uniuersis Atheniensibus merito esset carissimus. nam 4  
praeter gratiam, quae iam in adulescentulo magna erat, saepe suis  
30 opibus inopiam eorum publicam leuauit. cum enim uersuram facere

publice necesse esset neque eius condicionem aequam haberent, semper se interposuit, atque ita ut neque usuram umquam ab iis acceperit  
 5 neque longius, quam dictum esset, debere passus sit. quod utrumque  
 erat iis salutare: nam neque indulgendo inueterascere eorum aes alie-  
 6 num patiebatur neque multiplicandis usuris crescere. auxit hoc offi- 5  
 cium alia quoque liberalitate: nam uniuersos frumento donauit, ita  
 ut singulis seni modii tritici darentur, qui modus mensurae medim-  
 nus Athenis appellatur.

3 Hic autem sic se gerebat, ut communis infimis, par principibus uide-  
 retur. quo factum est ut huic omnes honores, quos possent, publice 10  
 2 haberent ciuemque facere studerent: quo beneficio ille uti noluit. quam-  
 diu adfuit, ne qua sibi statua poneretur, restitit, absens prohibere non  
 potuit. itaque aliquot ipsi effigies locis sanctissimis posuerunt: hunc  
 enim in omni procuratione rei publicae actorem auctoremque habe-  
 3 bant: qui primum illud munus fortunae <\*\*\*> quod in ea potissimum 15  
 urbe natus esset, in qua domicilium orbis terrarum esset imperii, ut  
 eandem et patriam haberet et domum; hoc specimen prudentiae,  
 quod, cum in eam se ciuitatem contulisset, quae antiquitate, humani-  
 tate doctrinaque praestaret omnes, unus ei fuerit carissimus.

4 Huc ex Asia Sulla decedens cum uenisset, quamdiu ibi fuit, secum 20  
 habuit Pomponium, captus adulescentis et humanitate et doctrina.  
 sic enim Graece loquebatur, ut Athenis natus uideretur; tanta autem  
 suauitas erat sermonis Latini, ut appareret in eo natiuum quendam  
 leporem esse, non ascitum. idem poemata pronuntiabat et Graece et  
 2 Latine sic, ut supra nihil posset addi. quibus rebus factum est ut Sulla 25  
 nusquam ab se dimitteret cuperetque secum deducere. qui cum persua-  
 dere tentaret, 'noli, oro te,' inquit Pomponius 'aduersum eos me uelle  
 ducere, cum quibus ne contra te arma ferrem, Italiam reliqui.' at  
 Sulla adulescentis officio collaudato omnia munera ei, quae Athenis  
 acceperat, proficiscens iussit deferri. 30

3 Hic complures annos moratus, cum et rei familiari tantum operae  
 daret, quantum non indiligens deberet pater familias, et omnia reli-  
 qua tempora aut litteris aut Atheniensium rei publicae tribueret, ni-

hilo minus amicis urbana officia praestitit. nam et ad comitia eorum 4  
 uentitauit et, si qua res maior acta est, non defuit. sicut Ciceroni in  
 omnibus eius periculis singularem fidem praebuit: cui ex patria fu-  
 gienti HS ducenta et quinquaginta milia donauit. tranquillatis autem 5  
 5 rebus Romanis remigrauit Romam, ut opinor L. Cotta et L. Torquato  
 consulibus: quem digredientem sic uniuersa ciuitas Atheniensium pro-  
 secuta est, ut lacrimis desiderii futuri dolorem indicaret.

Habebat auunculum Q. Caecilium, equitem Romanum, familiarem 5  
 L. Luculli, diuitem, difficillima natura: cuius sic asperitatem ueritus  
 10 est, ut, quem nemo ferre posset, huius sine offensione ad summam  
 senectutem retinuerit beneuolentiam. quo facto tulit pietatis fructum.  
 Caecilium enim in oriens testamento adoptauit eum heredemque fecit 2  
 ex dodrante: ex qua hereditate accepit circiter centies sestertium.  
 erat nupta soror Attici Q. Tullio Ciceroni, easque nuptias M. Cicero 3  
 15 conciliarat, cum quo a condiscipulatu uiuebat coniunctissime, multo  
 etiam familiarius quam cum Quinto, ut iudicari possit plus in ami-  
 citia ualere similitudinem morum quam affinitatem. utebatur autem 4  
 intime Q. Hortensio, qui iis temporibus principatum eloquentiae tene-  
 bat, ut intellegi non posset, uter eum plus diligeret, Cicero an Hor-  
 20 tensius: et, id quod erat difficillimum, efficiebat ut, inter quos tanta  
 laudis esset aemulatio, nulla intercederet obtrectatio essetque talium  
 uirorum copula.

In re publica ita est uersatus, ut semper optimarum partium et esset 6  
 et existimaretur, neque tamen se ciuilibus fluctibus committeret, quod  
 25 non magis eos in sua potestate existimabat esse, qui se his dedissent,  
 quam qui maritimis iactarentur. honores non petiit, cum ei paterent 2  
 propter uel gratiam uel dignitatem: quod neque peti more maiorum  
 neque capi possent conseruatis legibus in tam effusi ambitus largitio-  
 nibus neque <geri> e re publica sine periculo corruptis ciuitatis mori-  
 30 bus. ad hastam publicam numquam accessit. nullius rei neque praes 3  
 neque manceps factus est. neminem neque suo nomine neque sub-  
 scribens accusauit, in ius de sua re numquam iit, iudicium nullum  
 habuit. multorum consulum praetorumque praefecturas delatas sic 4  
 accepit, ut neminem in prouinciam sit secutus, honore fuerit conten-

- tus, rei familiaris despexerit fructum: qui ne cum Quinto quidem Cicerone uoluerit ire in Asiam, cum apud eum legati locum obtinere posset. non enim decere se arbitrabatur, cum praeturam gerere noluisset, 5 asseclam esse praetoris. qua in re non solum dignitati seruiabat, sed etiam tranquillitati, cum suspiciones quoque uitaret criminum. quo 5 fiebat ut eius obseruantia omnibus esset carior, cum eam officio, non timori neque spei attribui uiderent.
- 7 Incidit Caesarianum ciuile bellum, cum haberet annos circiter sexaginta. usus est aetatis uacatione neque se quoquam mouit ex urbe. quae amicis suis opus fuerant ad Pompeium proficiscentibus, omnia 10 ex sua re familiari dedit, ipsum Pompeium coniunctum non offendit. 2 nullum ab eo habebat ornamentum, ut ceteri, qui per eum aut honores aut diuitias ceperant: quorum partim inuitissimi castra sunt secuti, 3 partim summa cum eius offensione domi remanserunt. Attici autem quies tantopere Caesari fuit grata, ut uictor, cum priuatis pecunias 15 per epistulas imperaret, huic non solum molestus non fuerit, sed etiam sororis filium et Q. Ciceronem ex Pompeii castris concesserit. sic uetere instituto uitae effugit noua pericula.
- 8 Occiso Caesare cum res publica penes Brutos uideretur esse et Cas- 2 sium ac tota ciuitas se ad eos conuertisse, sic M. Bruto usus est, ut 20 nullo ille adulescens aequali familiarius quam hoc sene, neque solum 3 eum principem consilii haberet, sed etiam in conuictu. excogitatum est a quibusdam, ut priuatum aerarium Caesaris interfecto- 3 ribus ab equitibus Romanis constitueretur. id facile effici posse arbitrati sunt, si principes eius ordinis pecunias contulissent. itaque appellatus est 25 a C. Flauio, Bruti familiari, Atticus ut eius rei princeps esse uellet. 4 at ille, qui officia amicis praestanda sine factione existimaret semper- que a talibus se consiliis remouisset, respondit: si quid Brutus de suis facultatibus uti uoluisset, usurum, quantum eae paterentur, se neque cum quoquam de ea re collocuturum neque coiturum. sic ille consen- 30 5 sionis globus huius unius dissensione disiectus est. neque multo post

superior esse coepit Antonius, ita ut Brutus et Cassius <destituta tutela> prouinciarum, quae iis dicis causa datae erant a consule, desperatis rebus in exilium proficiscerentur. Atticus, qui pecuniam simul cum 6 ceteris conferre noluerat florenti illi parti, abiecto Bruto Italiaque cedi 5 denti HS centum milia muneri misit. eidem in Epiro absens trecenta iussit dari, neque eo magis potenti adulatus est Antonio neque desperatos reliquit.

Secutum est bellum gestum apud Mutinam. in quo si tantum eum 9 prudentem dicam, minus quam debeam praedicem, cum ille potius 10 diuinus fuerit, si diuinitio appellanda est perpetua naturalis bonitas, quae nullis casibus agitur neque minuitur. hostis Antonius iudicatus 2 Italia cesserat: spes restituendi nulla erat. non solum inimici, qui tum erant potentissimi et plurimi, sed etiam qui aduersariis eius se dabant et in eo laedendo aliquam consecuturos sperabant commoditatem, 15 Antonii familiares insequiebantur, uxorem Fuluiam omnibus rebus spoliare cupiebant, liberos etiam exstinguere parabant. Atticus, cum 3 Ciceronis intima familiaritate uteretur, amicissimus esset Bruto, non modo nihil iis indulisit ad Antonium uiolandum, sed e contrario familiares eius ex urbe profugientes, quantum potuit, texit, quibus rebus 20 indiguerunt, adiuuit. P. vero Volumnio ea tribuit, ut plura a parente 4 proficisci non potuerint. ipsi autem Fulviae, cum litibus distineretur magnisque terroribus uexaretur, tanta diligentia officium suum praestitit, ut nullum illa stiterit uadimonium sine Attico, <Atticus> sponsor omnium rerum fuerit. quin etiam, cum illa fundum secunda fortuna 25 emisset in diem neque post calamitatem uersuram facere potuisset, ille se interposuit pecuniamque sine faenore sineque ulla stipulatione credidit, maximum existimans quaestum, memorem gratumque cognosci, simulque aperire se non fortunae, sed hominibus solere esse amicum. quae cum faciebat, nemo eum temporis causa facere poterat 6 30 existimare; nemini enim in opinionem ueniebat Antonium rerum potiturum. sed saeuissime a nonnullis optimatibus reprehendebatur, quod 7

parum odisse malos ciues uideretur. ille autem, sui iudicii, potius quid se facere par esset intuebatur quam quid alii laudaturi forent.

- 10 Conuersa subito fortuna est. ut Antonius rediit in Italiam, nemo non magno in periculo Atticum putarat propter intimam familiaritatem 5  
 2 Ciceronis et Bruti. itaque ad aduentum imperatorum de foro decesserat, timens proscriptionem, latebatque apud P. Volumnium, cui, sicut ostendimus, paulo ante opem tulerat (tanta uarietas iis temporibus fuit fortunae, ut modo hi, modo illi in summo essent aut fastigio aut periculo), habebatque secum Q. Gellium Canum, aequalem similli- 10  
 3 mumque sui. hoc quoque sit Attici bonitatis exemplum, quod cum eo, quem puerum in ludo cognorat, adeo coniuncte uixit, ut ad ex-  
 4 tremam aetatem amicitia eorum creuerit. Antonius autem, etsi tanto odio ferebatur in Ciceronem, ut non solum ei, sed etiam omnibus eius amicis esset inimicus eosque uellet proscribere multis hortantibus, 15  
 5 tamen Attici memor fuit officii et ei, cum requisisset, ubinam esset, sua manu scripsit, ne timeret statimque ad se ueniret: se eum et illius <causa> Canum de proscriptorum numero exemisse. ac ne quod  
 6 periculum incideret, quod noctu fiebat, praesidium ei misit. sic Atticus in summo timore non solum sibi, sed etiam ei, quem carissimum 20  
 7 habebat, praesidio fuit. neque enim suae solum a quoquam auxilium petit salutis, sed coniuncti, ut appareret nullam seiunctam sibi ab  
 8 eo uelle fortunam. quodsi gubernator praecipua laude fertur, qui nauem ex hieme marique scopuloso seruat, cur non singularis eius existimetur prudentia, qui ex tot tamque grauibus procellis ciuilibus 25  
 9 ad incolumitatem peruenit?
- 11 Quibus ex malis ut se emersit, nihil aliud egit quam ut plurimis, quibus rebus posset, esset auxilio. cum proscriptos praemiis imperatorum uulgus conquireret, nemo in Epirum uenit, cui res ulla defuerit:  
 2 nemini non ibi perpetuo manendi potestas facta est; quin etiam post 30  
 3 proelium Philippense interitumque C. Cassi et M. Bruti L. Iulium

Mocillam praetorium et filium eius Aulumque Torquatum ceterosque pari fortuna percussos instituit tueri atque ex Epiro iis omnia Samothraciam supportari iussit. difficile est omnia persequi et non necessarium. illud unum intellegi uolumus, illius liberalitatem neque temporariam neque callidam fuisse. id ex ipsis rebus ac temporibus iudicari potest, quod non florentibus se uenditauit, sed afflictis semper succurrit: qui quidem Seruiliam, Bruti matrem, non minus post mortem eius quam florentem coluerit. sic liberalitate utens nullas inimicitias gessit, quod neque laedebat quemquam neque, si quam iniuriam acceperat, non malebat obliuisci quam ulcisci. idem immortalis memoria percepta retinebat beneficia; quae autem ipse tribuerat, tam diu meminerat, quoad ille gratus erat, qui acceperat. itaque hic fecit ut uere dictum uideatur:

sui cuique mores fingunt fortunam hominibus.

neque tamen ille prius fortunam quam se ipse finxit, qui cauit ne qua in re iure plecteretur.

His ergo rebus effecit ut M. Vipsanius Agrippa, intima familiaritate coniunctus adulescenti Caesari, cum propter suam gratiam et Caesaris potentiam nullius condicionis non haberet potestatem, potissimum eius deligeret affinitatem praeoptaretque equitis Romani filiam generosarum nuptiis. atque harum nuptiarum conciliator fuit (non est enim celandum) M. Antonius, triumuir rei publicae <constituendae>, cuius gratia cum augere possessiones posset suas, tantum a cupiditate pecuniae, ut nulla in re usus sit ea nisi in deprecandis amicorum aut periculis aut incommodis. quod quidem sub ipsa proscriptione perillustre fuit. nam cum L. Saufei equitis Romani, aequalis sui, qui complures annos studio ductus philosophiae habitabat <Athenis> habebatque in Italia pretiosas possessiones, triumuii bona uendidissent consuetudine ea, qua tum res gerebantur, Attici labore atque industria factum est ut eodem nuntio Saufei fieret certior se patrimonium amisisse et recuperasse. idem L. Iulium Calidum, quem post

- Lucreti Catullique mortem multo elegantissimum poetam nostram tullisse aetatem uere uideor posse contendere, neque minus uirum bonum optimisque artibus eruditum, post proscriptionem equitum propter magnas eius Africanas possessiones in proscriptorum numerum a P. Volumnio, praefecto fabrum Antonii, absentem relatum expediuit. 5
- 5 quod in praesenti utrum ei laboriosius an gloriosius fuerit, difficile est iudicare, quod in eorum periculis non secus absentes quam praesentes amicos Attico esse curae cognitum est.
- 13 Neque uero ille minus bonus pater familias habitus est quam ciuis. nam cum esset pecuniosus, nemo illo minus fuit emax, minus aedificator. neque tamen non in primis bene habitauit omnibusque optimis rebus usus est. nam domum habuit in colle Quirinali Tamphilianam, ab auunculo hereditate relictam, cuius amoenitas non aedificio, sed silua constabat: ipsum enim tectum antiquitus constitutum plus salis quam sumptus habebat: in quo nihil commutauit, nisi si quid 15
- 3 uetustate coactus est. usus est familia, si utilitate iudicandum est, optima, si forma, uix mediocri. namque in ea erant pueri litteratissimi, anagnostae optimi et plurimi librarii, ut ne pedisequus quidem quisquam esset, qui non utrumque horum pulchre facere posset, pari modo
- 4 artifices ceteri, quos cultus domesticus desiderat, adprime boni. neque 20 tamen horum quemquam nisi domi natum domique factum habuit: quod est signum non solum continentiae, sed etiam diligentiae. nam et non intemperanter concupiscere, quod a plurimis uideas, continentis debet duci, et potius diligentia quam pretio parare non mediocris
- 5 est industriae. elegans, non magnificus, splendidus, non sumptuosus: 25 omnique diligentia munditiam, non affluentiam affectabat. supellex
- 6 modica, non multa, ut in neutram partem conspici posset. nec praeteribo, quamquam nonnullis leue uisum iri putem, cum in primis lautus esset eques Romanus et non parum liberaliter domum suam omnium ordinum homines inuitaret, non amplius quam terna milia 30
- 7 peraeque in singulos menses ex ephemeride eum expensum sumptui ferre solitum. atque hoc non auditum, sed cognitum praedica-



mus: saepe enim propter familiaritatem domesticis rebus interfuimus.

Nemo in conuiuio eius aliud acroama audiuit quam anagnosten, 14  
quod nos quidem iucundissimum arbitramur; neque umquam sine  
5 aliqua lectione apud eum cenatum est, ut non minus animo quam  
uentre conuiuiae delectarentur: namque eos uocabat, quorum mores 2  
a suis non abhorrerent. cum tanta pecuniae facta esset accessio, nihil  
de cotidiano cultu mutauit, nihil de uitae consuetudine, tantaque usus  
est moderatione, ut neque in sestertio uicies, quod a patre acceperat,  
10 parum se splendide gesserit neque in sestertio centies affluentius  
uixerit, quam instituerat, parique fastigio steterit in utraque fortuna.  
nullos habuit hortos, nullam suburbanam aut maritimam sumptuo- 3  
sam uillam, neque in Italia, praeter Arretinum et Nomentanum, rusti-  
cum praedium, omnisque eius pecuniae reditus constabat in Epiro-  
15 ticis et urbanis possessionibus. ex quo cognosci potest usum eum pecu-  
niae non magnitudine, sed ratione metiri solitum.

Mendacium neque dicebat neque pati poterat. itaque eius comitas 15  
non sine seueritate erat neque grauitas sine facilitate, ut difficile esset  
intellectu, utrum eum amici magis uererentur an amarent. quidquid  
20 rogabatur, religiose promittebat, quod non liberalis, sed leuis arbi-  
trabatur polliceri quod praestare non posset. idem in tuendo, quod 2  
semel annuisset, tanta erat cura, ut non mandatam, sed suam rem  
uideretur agere. numquam suscepti negotii eum pertaesum est: suam  
enim existimationem in ea re agi putabat, qua nihil habebat carius.  
25 quo fiebat ut omnia Ciceronum, M. Catonis, Q. Hortensii, Auli Tor- 3  
quati, multorum praeterea equitum Romanorum negotia procuraret.  
ex quo iudicari poterat non inertia, sed iudicio fugisse rei publicae pro-  
curationem.

Humanitatis uero nullum adferre maius testimonium possum, quam 16  
30 quod adulescens idem seni Sullae fuit iucundissimus, senex adules-  
centi M. Bruto, cum aequalibus autem suis Q. Hortensio et M. Cice-  
rone sic uixit, ut iudicare difficile sit, cui aetati fuerit aptissimus.  
quamquam eum praecipue dilexit Cicero, ut ne frater quidem ei 2  
Quintus carior fuerit aut familiarior. ei rei sunt indicio praeter eos 3  
35 libros, in quibus de eo facit mentionem, qui in uulgas sunt editi, unde-  
cim uolumina epistularum, ab consulatu eius usque ad extremum

- tempus ad Atticum missarum: quae qui legat, non multum desideret  
 4 historiam contextam eorum temporum. sic enim omnia de studiis  
 principum, uitiis ducum, mutationibus rei publicae perscripta sunt,  
 ut nihil in eis non appareat et facile existimari possit, prudentiam  
 quodam modo esse diuinationem. non enim Cicero ea solum, quae uiuo 5  
 se acciderunt, futura praedixit, sed etiam, quae nunc usu ueniunt,  
 cecinit ut uates.
- 17 De pietate autem Attici quid plura commemorem? cum hoc ipsum  
 uere gloriantem audierim in funere matris suae, quam extulit anno-  
 rum nonaginta, cum ipse <esset> septem et sexaginta, se numquam 10  
 cum matre in gratiam redisse, numquam cum sorore fuisse in simul-  
 2 tate, quam prope aequalem habebat. quod est signum aut nullam um-  
 quam inter eos querimoniam intercessisse, aut hunc ea fuisse in suos  
 3 indulgentia, ut, quos amare deberet, irasci eis nefas duceret. neque id  
 fecit natura solum, quamquam omnes ei paremus, sed etiam doctrina: 15  
 nam principum philosophorum ita percepta habuit praecepta, ut iis  
 ad uitam agendam, non ad ostentationem uteretur.
- 18 Moris etiam maiorum summus imitator fuit antiquitatisque ama-  
 tor, quam adeo diligenter habuit cognitam, ut eam totam in eo uolu-  
 mine exposuerit, quo magistratus ordinauit. nulla enim lex neque pax 20  
 neque bellum neque res illustris est populi Romani, quae non in eo  
 suo tempore sit notata, et, quod difficillimum fuit, sic familiarum  
 originem subtexit, ut ex eo clarorum uirorum propagines possimus  
 3 cognoscere. fecit hoc idem separatim in aliis libris, ut M. Bruti ro-  
 gatu Iuniam familiam a stirpe ad hanc aetatem ordine enumerauerit, 25  
 notans, qui a quo ortus quos honores quibusque temporibus cepisset:  
 4 pari modo Marcelli Claudii de Marcellorum, Scipionis Cornelii et Fabii  
 Maximi Fabiorum et Aemiliorum. quibus libris nihil potest esse dul-  
 cius iis, qui aliquam cupiditatem habent notitiae clarorum uirorum.  
 5 attigit poeticen quoque, credimus, ne eius expers esset suauitatis. 30  
 namque uersibus, qui honore rerumque gestarum amplitudine ceteros  
 6 Romani populi praestiterunt, exposuit ita, ut sub singulorum imagi-  
 nibus facta magistratusque eorum non amplius quaternis quinisque

uersibus descripserit: quod uix credendum sit tantas res tam breuiter potuisse declarari. est etiam unus liber Graece confectus, de consulatu Ciceronis.

<Haec> hactenus Attico uiuo edita a nobis sunt. nunc, quoniam 19  
 5 fortuna nos superstitēs ei esse uoluit, reliqua persequemur et, quan-  
 tum poterimus, rerum exemplis lectores docebimus, sicut supra signi-  
 ficauimus, suos cuique mores plerumque conciliare fortunam. nam- 2  
 que hic contentus ordine equestri, quo erat ortus, in adfinitatem perue-  
 nit imperatoris Diui filii, cum iam ante familiaritatem eius esset con-  
 10 secutus nulla alia re quam elegantia uitae, qua ceteros ceperat prin-  
 cipes ciuitatis dignitate pari, fortuna humiliores. tanta enim prospe- 3  
 ritas Caesarem est consecuta, ut nihil ei non tribuerit fortuna, quod  
 cuiquam ante detulerit, et conciliarit, quod nemo adhuc ciuis Romanus  
 quiuit consequi. nata est autem Attico neptis ex Agrippa, cui uirgi- 4  
 15 nem filiam collocarat. hanc Caesar uix anniculam Ti. Claudio Neroni,  
 Drusilla nato, priuigno suo, despondit: quae coniunctio necessitudi-  
 nem eorum sanxit, familiaritatem reddidit frequentiore. quamuis 20  
 ante haec sponsalia non solum, cum ab urbe abesset, numquam ad  
 suorum quemquam litteras misit, quin Attico mitteret, quid ageret,  
 20 in primis quid legeret quibusque in locis et quamdiu esset moraturus,  
 sed etiam, cum esset in urbe et propter infinitas suas occupationes 2  
 minus saepe, quam uellet, Attico frueretur, nullus dies temere inter-  
 cessit, quo non ad eum scriberet, cum modo aliquid de antiquitate ab  
 eo requireret, modo aliquam quaestionem poeticam ei proponeret,  
 25 interdum iocans eius uerbosiores eliceret epistulas. ex quo accidit, 3  
 cum aedis Iouis Feretrii in Capitolio, ab Romulo constituta, uetustate  
 atque incuria detecta prolaberetur, ut Attici admonitu Caesar eam  
 reficiendam curaret. neque uero a M. Antonio minus absens litteris 4  
 colebatur, adeo ut accurate ille ex ultimis terris, quid ageret, curae

- 5 sibi habēret certiozem facere Atticum. hoc quale sit, facilius existi-  
mabit is, qui iudicare poterit, quantae sit sapientiae eorum retinere  
usum beniuolentiamque, inter quos maximarum rerum non solum  
aemulatio, sed etiam obtrectatio tanta intercedebat, quantam fuit  
incidere necesse inter Caesarem atque Antonium, cum se uterque prin- 5  
cipem non solum urbis Romae, sed orbis terrarum esse cuperet.
- 21 Tali modo cum septem et septuaginta annos complisset atque ad  
extremam senectutem non minus dignitate quam gratia fortunaque  
creuisset (multas enim hereditates nulla alia re quam bonitate conse-  
cutus <est>) tantaque prosperitate usus esset uoletudinis, ut annis 10  
2 triginta medicina non indiguisset, nactus est morbum, quem initio  
et ipse et medici contempserunt: nam putarunt esse tenesmon, cui re-  
3 media celeria faciliaque proponebantur. in hoc cum tres menses sine  
ullis doloribus, praeterquam quos ex curatione capiebat, consumpsis-  
set, subito tanta uis morbi in imum intestinum prorupit, ut extremo 15  
4 tempore per lumbos fistulae puris eruperint. atque hoc priusquam ei  
accideret, postquam in dies dolores accrescere febresque accessisse  
sensit, Agrippam generum ad se accersi iussit et cum eo L. Cornelium  
5 Balbum Sextumque Peducaeam. hos ut uenisse uidit, in cubitum  
innixus 'quantam' inquit 'curam diligentiamque in uoletudine mea 20  
tuenda hoc tempore adhibuerim, cum uos testes habeam, nihil necesse  
est pluribus uerbis commemorare. quibus quoniam, ut spero, satis-  
feci, me nihil reliqui fecisse, quod ad sanandum me pertineret, reli-  
quum est ut egomet mihi consulam. id uos ignorare nolui: nam mihi  
6 stat alere morbum desinere. namque his diebus quidquid cibi sumpsi, 25  
ita produxi uitam, ut auxerim dolores sine spe salutis. quare a uobis  
peto, primum ut consilium probetis meum, deinde ne frustra dehortan-  
do impedire conemini.'
- 22 Hac oratione habita tanta constantia uocis atque uultus, ut non ex  
2 uita, sed ex domo in domum uideretur migrare, cum quidem Agrippa 30  
eum flens atque osculans oraret atque obsecraret, ne ad id quod natura  
cogeret ipse quoque sibi acceleraret letum, et, quoniam tum quoque  
posset temporibus superesse, se sibi suisque reseruaret, preces eius  
3 taciturna sua obstinatione depressit. sic cum biduum cibo se abstinuisset

set, subito febris decessit leuiorque morbus esse coepit. tamen propositum nihilo setius peregit itaque die quinto, postquam id consilium inierat, pridie kal. Aprilis Cn. Domitio C. Sosio consulibus decessit. elatus est in lecticula, ut ipse praescripserat, sine ulla pompa 4  
5 funeris, comitantibus omnibus bonis, maxima uulgi frequentia. sepultus est iuxta uiam Appiam ad quintum lapidem in monumento Q. Caecilii, auunculi sui.

## FRAGMENTA

## I. CHRONICA

1 Apologos Titiani et Nepotis chronica quasi alios apologos (nam et ipsa instar sunt fabularum) ad nobilitatem tuam misi, gaudens atque etiam glorians fore aliquid, quod ad institutionem tuorum sedulitatis meae studio conferatur. *Auson. epist. 12. 1 (ed. R. Peiper)*

2 Cui dono lepidum nouum libellum  
arido modo pumice expoliturum?  
Corneli, tibi: namque tu solebas  
meas esse aliquid putare nugas  
iam tum, cum ausus es unus Italorum  
omne aeuum tribus explicare cartis  
doctis, Iuppiter, et laboriosis.  
*Catull. 1. 1-7*

3 Saturnum itaque, si quantum litterae docent, neque Diodorus Graecus aut Thallus, neque Cassius Seuerus aut Cornelius Nepos, neque ullus commentator eiusmodi antiquitatum aliud quam hominem promulgauerunt. *Tertull. apol. 10.7 (CSEL 69.29 ed. H. Hoppe); uide etiam ad nat. 2. 12; Minuc. Fel. Octau. 21.4; Lact. diu. inst. 1. 13. 8*

4 ... de Homero et Hesiodo inter omnes fere scriptores constitit aetatem eos egisse uel isdem fere temporibus uel Homerum aliquanto antiquiorem, utrumque tamen ante Romam conditam uixisse Siluiis Albae regnantibus annis post bellum Troianum, ut Cassius in primo annalium de Homero atque Hesiodo scriptum reliquit, plus centum atque sexaginta, ante Romam autem conditam, ut Cornelius Nepos in primo chronicorum de Homero dixit, annis circiter centum et sexaginta. *Gell. 17. 21. 3; u. etiam Hieron. chron. ad a. Abr. 1104 (p. 69 Schöne)*

- 5 Cincio Romam duodecima olympiade placet conditam, Pictori octaua, Nepoti et Lutatio opiniones Eratosthenis et Apollodori comprobantibus olympiadis septimae anno secundo. *Solin. 1. 27*
- 6 Milo Crotoniensis, athleta inlustris, quem in chronicis scriptum est olympiade <LXII> primum coronatum esse, exitum habuit e uita miserandum et mirandum. *Gell. 15. 16. 1* (*Nepoti uindicauit Münzer, Beiträge, p. 336*)
- 7 Archilochum autem Nepos Cornelius tradit Tullo Hostilio Romae regnante iam tunc fuisse poematis clarum et nobilem. *Gell. 17. 21. 8*
- 8 Neque multo postea ... M. Manlius Romae, qui Gallos in obsidione Capitolii obrepentis per ardua depulerat, conuictus est consilium de regno occupando inisse damnatusque capitis e saxo Tarpeio, ut M. Varro ait, praeceps datus, ut Cornelius autem Nepos scriptum reliquit, uerberando necatus est. *Gell. 17. 21. 23*
- 9 Notatur ergo eadem die conflagrauisse templum Ephesi, qua Alexander Magnus Pellae natus est, qui oritur, ut Nepos edit, M. Fabio Ambusto T. Quintio Capitolino cos., post Romam conditam anno trecentesimo octogesimo quinto. *Solin. 40. 4, p. 220 Mommsen*

## II. EXEMPLA

- 10 Vestale: Nepos exemplorum II 'a uirgine Vestale' inquit pro Vestali, quia non personam sed rem significat. *Charis. 1 p. 185.24 Barwick*
- 11 Scipio Africanus antiquior quanta uirtutum gloria praestiterit et quam fuerit altus animi atque magnificus et qua sui conscientia subnixus, plurimis rebus, quae dixit quaeque fecit, declaratum est. ex quibus sunt haec duo exempla eius fiduciae atque exuperantiae ingentis: cum M. Naeuius tribunus plebis accusaret eum ad populum diceretque accepisse a rege Antiocho pecuniam, ut condicionibus gratiosis et mollibus pax cum eo populi Romani nomine fieret et quaedam item alia crimini daret indigna tali uiro, tum Scipio pauca praefatus, quae dignitas uitae suae atque gloria postulabat, 'memoria' inquit, 'Quirites, repeto diem esse hodiernum, quo Hannibalem Poenum imperio uestro inimicissimum magno proelio uici in terra Africa pacemque et uictoriam uobis peperit inspectabilem. non igitur simus aduersum deos ingrati et, censeo, relinquamus nebulonem hunc, eamus hinc protinus Ioui optimo maximo gratulatum' id cum dixisset, auertit et ire in Capitolium coepit. tum contio uniuersa, quae ad sententiam

de Scipione ferendam conuenerat, relicto tribuno Scipionem in Capitolium comitata atque inde ad aedes eius cum laetitia et gratulatione sollemni prosecuta est. fertur etiam oratio, quae uidetur habita eo die a Scipione, et qui dicunt eam non ueram, non eunt infitias, quin haec quidem uerba fuerint, quae dixi, Scipionis.

Item aliud est factum eius praeclarum. Petilii quidam tribuni plebis a M., ut aiunt, Catone, inimico Scipionis, comparati in eum atque inmissi desiderabant in senatu instantissime, ut pecuniae Antiochiae praedaeque in eo bello captae rationem redderet; fuerat enim L. Scipioni Asiatico, fratri suo, imperatori in ea prouincia legatus. ibi Scipio exsurgit et prolato e sinu togae libro rationes in eo scriptas esse dixit omnis pecuniae omnisque praedae; illatum, ut palam recitaretur et ad aerarium deferretur. 'sed enim id iam non faciam' inquit 'nec me ipse afficiam contumelia', eumque librum statim coram discidit suis manibus et concerpsit, aegre passus, quod, cui salus imperii ac reipublicae accepta ferri deberet, rationem pecuniae praedaticiae posceretur. *Gell. 4. 18 (e multis qui haec uerba ad Nepotem rettulerunt u. auctores laudatos in Malcovati ORF<sup>2</sup> p. 7)*

**12** <Post> proelium Cannense Hannibal, Carthaginensium imperator, ex captiuis nostris electos decem Romam misit mandauitque eis pactusque est, ut, si populo Romano uideretur, permutatio fieret captiuorum et pro his, quos alteri plures acciperent, darent argenti pondo libram et selibram. hoc, priusquam proficiscerentur, iusiurandum eos adegit redituros esse in castra Poenica, si Romani captiuos non permutarent.

Veniunt Romam decem captiui. mandatum Poeni imperatoris in senatu exponunt. permutatio senatui non placita. parentes cognati adfinesque captiuorum amplexi eos postliminio in patriam redisse dicebant statumque eorum integrum incolumemque esse ac, ne ad hostes redire uellent, orabant. tum octo ex his postliminium iustum non esse sibi responderunt, quoniam deiurio uincti forent, statimque, uti iurati erant, ad Hannibalem profecti sunt. duo reliqui Romae manserunt solutosque esse se ac liberatos religione dicebant, quoniam, cum egressi castra hostium fuissent, commenticio consilio regressi eodem, tamquam si ob aliquam fortuitam causam, issent atque ita iureiurando satisfacto rursus iniurati abissent. haec eorum fraudulenta calliditas tam esse turpis existimata est, ut contempti uulgo discerptique sint censoresque eos postea omnium notarum et damnis et ignominiiis adfecerint, quoniam, quod facturos deierauerant, non fecissent.

Cornelius autem Nepos in libro exemplorum quinto id quoque litteris

mandauit, multis in senatu placuisse, ut hi, qui redire nollent, datis custodibus ad Hannibalem deducerentur, sed eam sententiam numero plurium, quibus id non uideretur, superatam; eos tamen, qui ad Hannibalem non redissent, usque adeo intestabiles inuisosque fuisse, ut taedium uitae ceperint necemque sibi consciuerint. *Gell. 6. 18. 2sqq.*

**13** Pulcrum atque liberale atque magnanimum factum Tiberii Sempronii Gracchi in exemplis repositum est. id exemplum huiusmodi est: L. Scipioni Asiatico, P. Scipionis Africani superioris fratri, C. Minucius Augurinus tribunus plebi multam irrogauit eumque ob eam causam praedes poscebat. Scipio Africanus fratris nomine ad collegium tribunorum prouocabat petebatque, ut uirum consularem triumphalemque a collegae ui defenderent. octo tribuni cognita causa decreuerunt.

Eius decreti uerba, quae posui, ex annalium monumentis exscripta sunt: 'Quod P. Scipio Africanus postulauit pro L. Scipione Asiatico fratre, cum contra leges contraque morem maiorum tribunus pl. hominibus accitis per uim inauspicato sententiam de eo tulerit multamque nullo exemplo irrogauerit praedesque eum ob eam rem dare cogat aut, si non det, in uincula duci iubeat, ut eum a collegae ui prohibeamus; et quod contra collega postulauit, ne sibi intercedamus, quominus suapte potestate uti liceat, de ea re nostrum sententia omnium ea est: si L. Cornelius Scipio Asiaticus collegae arbitrato praedes dabit, collegae, ne eum in uincula ducat, intercedemus; si eius arbitrato praedes non dabit, quominus collega sua potestate utatur, non intercedemus.'

Post hoc decretum cum Augurinus tribunus L. Scipionem praedes non dantem prendi et in carcerem duci iussisset, tunc Tiberius Sempronius Gracchus tr. pl., pater Tiberi atque C. Gracchorum, cum P. Scipioni Africano inimicus grauis ob plerasque in republica dissensiones esset, iurauit palam in amicitiam inque gratiam se cum P. Africano non redisse, atque ita decretum ex tabula recitauit.

Eius decreti uerba haec sunt: 'Cum L. Cornelius Scipio Asiaticus triumphans hostium duces in carcerem coniectarit, alienum uidetur esse dignitate reipublicae in eum locum imperatorem populi Romani duci, in quem locum ab eo coniecti sunt duces hostium; itaque L. Cornelium Scipionem Asiaticum a collegae ui prohibeo.' *Gell. 6. 19 (u. auct. ad fr. 11 citatos)*

**14** Amplexare factum illud Cratae Thebani, hominis locupletis et nobilis, cui adeo fuit cordi secta Cynicorum, ut relinquens paternas opes Athenas cum uxore migrauerit Hipparchia [*sic Wölfflin; Hypar-*



cide *Migne*], pari animo istius philosophiae sectatrice, cum qua cum concumbere in publico uellet, ut refert Cornelius Nepos, et illa occultandi gratia pallii uelamen obduceret, uerberata est a marito: 'tuis sensibus nimirum' inquit 'parum adhuc docta es, quae, quod te recte facere noueris, id aliis praesentibus exercere non audeas.' *Augustin. op. imperf. contra Iulianum 4. 43 (PL 45.1362 Migne)*

**15** Ultra Caspium sinum quidnam esset ambiguum aliquamdiu fuit, idemne oceanus an tellus infesta frigoribus sine ambitu ac sine fine proiecta. sed praeter physicos Homerumque uniuersum orbem mari circumfusum esse disserit Cornelius Nepos, ut recentior, auctoritate sic certior; testem autem rei Quintum Metellum Celerem adicit, eumque ita rettulisse commemorat: cum Galliae pro consule praeesset, Indos quosdam a rege Botorum dono sibi datos; unde in eas terras deuenissent requirendo cognosse, ui tempestatum ex Indicis aequoribus abreptos, emensosque quae intererant, tandem in Germaniae litora exisse. *Pomp. Mela 3. 5. 44 (u. etiam Plin. N.H. 2. 170)*

**16** Eudoxus quidam auorum nostrorum temporibus cum Lathyrum regem Alexandriae profugeret, Arabico sinu egressus per hoc pelagus [*sc. Aethiopicum*], ut Nepos adfirmat, Gades usque peruectus est: ideo eius orae notae sunt aliqua. *Pomp. Mela 3. 9. 90 (u. etiam Plin. N.H. 2. 169)*

**17** T. Liuius ac Nepos Cornelius latitudinis [*sc. freti Gaditani*] traderunt minus VII milia passuum, ubi uero plurimum, X milia. *Plin. N.H. 3. 4 (u. etiam Pomp. Mel. 1. 1. 6)*

**18** Interiere et Caturiges, Insubrum exules, et Spina supra dicta, item Melpum opulentia praecipuum, quod ab Insubribus et Bois et Senonibus deletum eo die, quo Camillus Veios ceperit, Nepos Cornelius tradidit. *Plin. N.H. 3. 125*

**19** Ultra quam [*sc. Aquileiam*] sex milia passuum Formio amnis, ab Rauenna CLXXXVIII milia, anticus Italiae terminus, nunc uero Histriae. quam cognominatam a flumine Histro, in Hadriam effluente e Danuio amne eodemque Histro exaduersum Padi fauces, contrario eorum percussu mari interiecto dulcescente, plerique dixere falso, et Nepos etiam Padi accola. *Plin. N.H. 3. 127 (u. etiam Pomp. Mel. 2. 4. 63)*

**20** Alpibus ... patere ... tradit ... in latitudinem ... Cornelius Nepos C milia, T. Liuius III milia stadiorum, uterque diuersis in locis. *Plin. N.H. 3. 132*

- 21** Inter duos Bosphoros Thracium et Cimmerium directo cursu, ut auctor est Polybius, D milia intersunt. circuitus uero totius Ponti uiciens semel <L>, ut auctor est Varro et fere ueteres. Nepos Cornelius CCCL milia adicit. *Plin. N. H. 4. 77*
- 22** Minus profecto mirentur portentosa Graeciae mendacia de his [*sc. oleastris auriferi nemoris*] et amne Lixo prodita, qui cogitent nostros nuperque paulo minus monstrifica quaedam de iisdem tradidisse, praeualidam hanc urbem [*sc. Lixon*] maioremque Magna Carthagine, praeterea ex aduerso eius sitam et prope immenso tractu ab Tingi, quaeque alia Cornelius Nepos audissime credidit. *Plin. N. H. 5. 4*
- 23** Ultra quem [*sc. fluuium Billim*] gens Paphlagonia, quam Pylaemianiam aliqui dixerunt, inclusam a tergo Galatia, oppidum Mastya Milesiorum, dein Cromna, quo loco Enetos adicit Nepos Cornelius, a quibus in Italia ortos cognomines eorum Venetos credi debere putat. *Plin. N. H. 6. 5 (u. etiam Solinum 44. 1 et Mart. Cap. 6. 689)*
- 24** Aliqui inter Pontum et Caspium mare CCCLXXV milia passuum non amplius interesse tradiderunt, Cornelius Nepos CCL milia: tantis iterum angustiis infestatur Asia. *Plin. N. H. 6.31*
- 25** Polybius in extrema Mauretania contra montem Atlantem a terra stadia VIII abesse prodidit Cernen, Nepos Cornelius ex aduerso maxime Carthaginis a continente passus M, non ampliorem circuito II milibus. *Plin. N. H. 6. 199*
- 26** Apud antiquos piscium nobilissimus habitus acipenser ... postea praecipuam auctoritatem fuisse lupo et asellis Nepos Cornelius et Laberius poeta mimorum tradidere. *Plin. N. H. 9. 60*
- 27** Nepos Cornelius, qui diui Augusti principatu obiit, 'Me' inquit 'iuuene uiolacea purpura uigebat, cuius libra denariis centum uenibat, nec multo post rubra Tarentina. huic successit dibapha Tyria, quae in libras denariis mille non poterat emi. hac P. Lentulus Spinther aedilis curulis primus in praetexta usus inprobabatur. qua purpura quis non iam' inquit 'tricliniaria facit?' Spinther aedilis fuit urbis conditae anno DCXCI Cicerone consule. *Plin. N. H. 9. 137*
- 28** Cornelius Nepos, qui diui Augusti principatu obiit, cum scriberet turdos paulo ante coeptos saginari, addidit ciconias magis placere quam grues, cum haec nunc ales inter primas expetatur, illam nemo uelit attigisse. *Plin. N. H. 10. 60*
- 29** Eadem Africa, qua uergit ad nos, insignem arborem loton gignit, quam uocat celthim, et ipsam Italiae familiarem, sed terra mutatam.

praecipua est circa Syrtis atque Nasamonas. magnitudo quae piro, quamquam Nepos Cornelius breuem tradit. incisurae folio crebriores, alioqui ilicis uiderentur. differentiae plures, eaeque maxime fructibus fiunt. magnitudo huic fabae, color croci, sed ante maturitatem alius atque alius, sicut uuis. nascitur densus in ramis myrti modo, non ut in Italia cerasis, tam dulcis ibi cibo, ut nomen etiam genti terraeque dederit nimis hospitali aduenarum obliuione patriae. ferunt uentris non sentire morbos qui eum mandant. melior sine interiore nucleo, qui in altero genere osseus uidetur. uinum quoque exprimitur illi simile mulso, quod ultra denos dies negat durare idem Nepos bacasque concisas cum alica ad cibos doliis condi. quin et exercitus pastos eo accipimus ultro citroque commeantes per Africam. *Plin. N. H. 13. 104*

**30** Scandula e robore aptissima, mox e glandiferis aliis fagoque, facilissima ex omnibus quae resinam ferunt, sed minime durans praeterquam e pino. scandula contectam fuisse Romam ad Pyrrhi usque bellum annis CCCCLXX Cornelius Nepos auctor est. *Plin. N. H. 16. 36*

**31** Cornelius Nepos tradit ante Sullae uictoriam duo tantum triclinia Romae fuisse argentea. *Plin. N. H. 33. 146* (*uerba sequentia repositoriis argentum addi sua memoria coeptum non Nepoti sed Fenestellae attribuenda esse demonstrauit Münzer, Beiträge, pp. 345 sqq.*)

**32** Primus inleuit eas [*sc. linias*] colore testae, ut ferunt, tritae Ephantus Corinthius. hunc eodem nomine alium fuisse quam tradit Cornelius Nepos secutum in Italiam Damaratum, Tarquini Prisci regis Romani patrem, fugientem a Corintho tyranni iniurias Cypseli, mox docebimus. *Plin. N. H. 35. 16*

**33** Primum Romae parietes crusta marmoris operuisse totos domus suae in Caelio monte Cornelius Nepos tradit Mamurram, Formiis natum, equitem Romanum, praefectum fabrum C. Caesaris in Gallia, ne quid indignitati desit, tali auctore inuenta re. hic namque est Mamurra Catulli Veronensis carminibus proscissus, quem, ut res est, domus ipsius clarius quam Catullus dixit habere quidquid habuisset Comata Gallia. namque adicit idem Nepos primum totis aedibus nullam nisi e marmore columnam habuisse et omnes solidas e Carystio aut Luniensi. *Plin. N. H. 36. 48* (*latius patere uerba Nepotis in hoc capitulo censuit Münzer, Beiträge, pp. 330 sqq.*)

**34** Onychem in Arabiae tantum montibus nec usquam aliubi nasci putauere nostri ueteres, Sudines in Carmania. potoriis primum uasis inde factis, dein pedibus lectorum sellisque, Nepos Cornelius tradit magno fuisse miraculo, cum P. Lentulus Spinther amphoras ex eo

Chiorum magnitudine cadorum ostendisset, post quinquennium deinde XXXII pedum longitudinis columnas uidisse se. *Plin. N. H. 36. 59*

**35** Nepos: 'Aedis Martis est in circo Flaminio architectata ab Hermodoro Salaminio.' 'architectata' passiuè posuit, ἀρχιτεκτονενθείσα. *Prisc. 8. 17 (GLK 2. 383.4)*

### III. DE VITA ET MORIBVS M. CATONIS

**36** Huius de uita et moribus plura in eo libro persecuti sumus, quem separatim de eo fecimus rogatu T. Pomponii Attici. quare studiosos Catonis ad illud uolumen delegamus. *Corn. Nep. Cat. 3. 5*

### IV. DE VITA M. TVLLII CICERONIS

**37** Cornelius Nepos et rerum memoriae non indiligens et M. Ciceronis ut qui maxime amicus familiaris fuit. atque is tamen in primo librorum, quos de uita illius composuit, errasse uidetur, cum eum scripsit tres et uiginti annos natum primam causam iudicii publici egisse Sextumque Roscium parricidii reum defendisse. *Gell. 15. 28. 1 sq.*

**38** Refert enim Cornelius Nepos se praesente iisdem paene uerbis, quibus edita est, eam pro Cornelio, seditioso tribuno, defensionem peroratam. *Hieron. contra Ioann. Ierosol. 12 (PL 23. 381 Migne)*

### V. EPISTVLAE

**39** Nepos quoque Cornelius ad eundem Ciceronem ita scribit: Tantum abest ut ego magistram putem esse uitae philosophiam beataeque uitae perfectricem, ut nullis magis existimem opus esse magistros uiuendi quam plerisque qui in ea disputanda uersantur. uideo enim magnam partem eorum, qui in schola de pudore <et> continentia praecipiant argutissime, eosdem in omnium libidinum cupiditatibus uiuere. *Lactant. diu. inst. 3. 15. 10*

### VI. DE VIRIS ILLUSTRIBVS

**40** Apud Latinos autem [*sc. de uiris illustribus scripserunt*] Varro, Santra, Nepos, Hyginus et, ad cuius nos exemplum prouocas, Tranquillus. *Hieron. de uir. ill. praef.*

**41** 'Subinde' Nepos de inlustribus uiris libro II. *Charis. II (p. 284.21 Barwick)*

**42** Partum. Caesar in analogicis 'harum partum', Cornelius Nepos inlustrium XV <\*\*\*>. *Charis. I (p. 179.5 Barwick)*

43 Patruale, ab hoc patruale. Cornelius Nepos inlustrium uirorum libro XVI 'a fratre patruale' inquit. *Charis. I* (p. 178.20 Barwick)

44 Prope, prope me est ... sed et datiuo casui idem Cicero dixit ad Atticum 'Propius grammatico accessi'; Nepos inlustri <\*\*\*>; Sallustius 'Proxima Carthagini loca'. *Diomed. I* (GLK 1.410.7)

45 Hic autem, sicut ante saepe dictum est, quam inuisa sit singularis potentia et miseranda uita, qui se metui quam amari malunt, cuiuis facile intellectu fuit. *Corn. Nep. Dion. 9. 5*

46 Eos [sc. reges] attingere nolimus, quod omnium res gestae separatim sunt relatae. *Corn. Nep. Reg. 1. 1*

47 Sed nos tempus est huius libri facere finem et Romanorum explicare imperatores. *Corn. Nep. Hann. 13. 4*

48 Ἀννίβαν δὲ Μάρκελλος, ὡς μὲν οἱ περὶ Πολύβιον λέγουσιν, οὐδ' ἅπαξ ἐνίκησεν, ἀλλ' ἀήττητος ἀνὴρ δοκεῖ διαγενέσθαι μέχρι Σκιπίωνος· ἡμεῖς δὲ Λιβίῳ <καὶ> Καίσαρι καὶ Νέπωτι καὶ τῶν Ἑλληνικῶν Ἰόβα τῷ βασιλεῖ πιστεύομεν ἦττας τινὰς καὶ τροπὰς ὑπὸ Μαρκέλλου τῶν σὺν Ἀννίβα γενέσθαι· μεγάλην δ' αὐταὶ ῥοπὴν οὐδεμίαν ἐποίησαν, ἀλλ' ἔοικε ψευδό(πτω)μά τι γενέσθαι περὶ τὸν Λίβον ἐν ταῖς συμπλοκαῖς ἐκείναις. *Plut. Pelop. et Marc. comp. 1*

49 Ἀννίβα δὲ τῶν μὲν ἄλλων ἐλάχιστος ἦν λόγος, Μάρκελλον δὲ πεπτωκέναι πνυθόμενος, αὐτὸς ἐξέδραμεν ἐπὶ τὸν τόπον, καὶ τῷ νεκρῷ παραστάς, καὶ πολὺν χρόνον τὴν τε ῥώμην τοῦ σώματος καταμαθὼν καὶ τὸ εἶδος, οὔτε φωνὴν ἀφῆκεν ὑπερήφανον, οὔτ' ἀπ' ὄψεως τὸ χαῖρον, ὡς ἂν τις ἐργώδη πολέμιον καὶ βαρὺν ἀπεκτονῶς, ἐξέφηγεν, ἀλλ' ἐπιθανμάσας τὸ παράλογον τῆς τελευτῆς, τὸν μὲν δακτύλιον ἀφείλετο, τὸ δὲ σῶμα κοσμήσας πρέποντι κόσμῳ καὶ περιστείλας ἐντίμως ἔκαυσε, καὶ τὰ λείψανα συνθεις εἰς κάλπιν ἀργυρᾶν καὶ χρυσοῦν ἐμβαλὼν στέφανον, ἀπέστειλε πρὸς τὸν υἱόν. τῶν δὲ Νομάδων τινὲς περιτυχόντες τοῖς κομίζουσιν ὤρμησαν ἀφαιρεῖσθαι τὸ τεῦχος, ἀντιλαμβανομένων δ' ἐκείνων ἐκβιαζόμενοι καὶ μαχόμενοι, διέρριψαν τὰ ὄστα. πνυθόμενος δ' Ἀννίβας καὶ πρὸς τοὺς παρόντας εἰπὼν 'οὐδὲν ἄρα δυνατὸν γενέσθαι ἄκοντος θεοῦ', τοῖς μὲν Νομάσιν ἐπέθηκε δίκην, οὐκέτι δὲ κομιδῆς ἢ συλλογῆς τῶν λειψάνων ἐφρόντισεν, ὡς δὴ κατὰ θεόν τινα καὶ τῆς τελευτῆς καὶ τῆς ἀταφίας παραλόγως οὕτω τῷ Μαρκέλλῳ γενομένης. ταῦτα μὲν οὖν οἱ περὶ Κορνήλιον Νέπωτα καὶ Οὐαλέριον Μάξιμον ἱστορήκασιν· Λίβιος δὲ καὶ Καῖσαρ ὁ Σεβαστὸς κομισθῆναι τὴν ὑδρίαν πρὸς τὸν υἱὸν εἰρήκασιν καὶ ταφῆναι λαμπρῶς. *Plut. Marc. 30*

50 Carthago enim antea speciem habuit duplicis oppidi, quasi aliud alterum amplecteretur; cuius interior pars Byrsa dicebatur, exterior Magalia. huius rei testis est Cornelius Nepos in eo libro qui uita illustrium inscribitur. *Seru. ad Verg. Aen. 1. 368 (tantum in codd. σ secundum ed. Harvardensem)*

51 Λαβόντες δὲ τὰς ψήφους εἶλοντο Πόπλιον Κράσσον, οἰκεῖον ὄντα Γράγχῳ· θυγάτηρ γὰρ αὐτοῦ Λικιννία Γαίῳ Γράγχῳ συνώκει. καίτοι Νέπως ὁ Κορνήλιός φησιν οὐ Κράσσον, Βρούτου δὲ τοῦ θριαμβεύσαντος ἀπὸ Λυσιτανῶν θυγατέρα γῆμαι Γάιον· ἀλλ' οἱ πλείους ὡς ἡμεῖς γράφομεν ἱστοροῦσιν. *Plut. Tib. Gracch. 21*

52 Καὶ πρό γε τῆς τελευτῆς λέγεται νοσῆσαι τὴν διάνοιαν αὐτῶ, κατὰ μικρὸν ἀπομαραινομένην. Νέπως δὲ Κορνήλιος οὐχ ὑπὸ γήρωσ φησὶν οὐδὲ νόσου παραλλάξει τὸν Λεύκολλον, ἀλλὰ φαρμάκοις ὑπὸ τινος τῶν ἀπελευθέρων Καλλισθένους διαφθαρέντα· τὰ δὲ φάρμακα δοθῆναι μὲν ὡς ἀγαπῶτο μᾶλλον ὁ Καλλισθένης ὑπ' αὐτοῦ, τοιαύτην ἔχειν δοκοῦντα τὴν δύναμιν, ἐκστῆσαι δὲ καὶ κατακλύσαι τὸν λογισμὸν, ὥστ' ἔτι ζῶντος αὐτοῦ τὴν οὐσίαν διοικεῖν τὸν ἀδελφόν. *Plut. Luc. 43*

53 Hic [sc. Terentius] cum multis nobilibus familiariter uixit, sed maxime cum Scipione Africano et C. Laelio. quibus etiam corporis gratia conciliatus existimatur, quod et ipsum Fenestella arguit, contendens utroque maiorem natu fuisse, quamuis et Nepos aequales omnes fuisse tradat. *Suet. de poetis 6. 1 (p. 27.2 Reiff.)*

54 Nepos auctore certo comperisse se ait C. Laelium quondam in Puteolano Kalendis Martiis admonitum ab uxore temperius ut discumberet, petisse ab ea ne <se> interpellaret, seroque tandem ingressum triclinium dixisse non saepe in scribendo magis sibi successisse; deinde rogatum, ut scripta illa proferret, pronuntiasse uersus qui sunt in Heautontimorumeno (*u. 723*):

satis pol proterue me Syri promissa huc induxerunt.

*Suet. de poetis 6. 3 (p. 31.2 Reiff.)*

55 Eodemque tempore Philistum historicum Syracusas reduxit [sc. Dionysius], hominem amicum non magis tyranno quam tyrannis. sed de hoc in eo libro plura sunt exposita qui de historicis Graecis conscriptus est. *Corn. Nep. Dion. 3. 2*

56 Iuste uenusteque admodum reprehendisse dicitur Aulum Albinum M. Cato. Albinus, qui cum L. Lucullo consul fuit, res Romanas ora-

tione Graeca scriptitavit. in eius historiae principio scriptum est ad hanc sententiam: neminem suscensere sibi conuenire, si quid in his libris parum compositae aut minus eleganter scriptum foret; 'nam sum' inquit 'homo Romanus natus in Latio, Graeca oratio a nobis alienissima est', ideoque ueniam gratiamque malae existimationis, si quid esset erratum, postulauit. ea cum legisset M. Cato 'ne tu' inquit, 'Aule, nimium nugator es, cum maluisti culpam deprecari, quam culpa uacare. nam petere ueniam solemus, aut cum imprudentes errauimus aut cum compulsi peccauimus. tibi', inquit, 'oro te, quis perpulit, ut id committeres, quod, priusquam faceres, peteres ut ignosceretur?' scriptum hoc est in libro Corneli Nepotis de inlustribus uiris XIII. *Gell. 11. 8; u. etiam Macrob. Sat. praef. 14*

**57** Cn. Pompeium Magnum docuit [*sc. L. Voltacilius Pitholaus*], patrisque eius res gestas, nec minus ipsius, compluribus libris exposuit; primus omnium libertinorum, ut Cornelius Nepos opinatur, scribere historiam orsus, non nisi ab honestissimo quoque scribi solitam ad id tempus. *Suet. de rhet. 27*

**58** Cornelius Nepos in libro de historicis Latinis de laude Ciceronis: Non ignorare debes unum hoc genus Latinarum litterarum adhuc non modo non respondere Graeciae, sed omnino rude atque inchoatum morte Ciceronis relictum. ille enim fuit unus qui potuerit et etiam debuerit historiam digna uoce pronuntiare, quippe qui oratoriam eloquentiam rudem a maioribus acceptam perpoliuerit, philosophiam ante eum incomptam Latinam sua conformarit oratione. ex quo dubito, interitu eius utrum res publica an historia magis doleat. 5

Idem: Locuples ac diuina natura, quo maiorem sui pareret admirationem ponderatioraque sua essent beneficia, neque uni omnia dare nec rursus cuiquam omnia uoluit negare. *cod. Guelf. Gud. lat. 278 (saec. 13)* 10

**59** Verba ex epistula Corneliae Gracchorum matris ex libro Corneli Nepotis de Latinis historicis excerpta: Dices pulchrum esse inimicos ulcisci. id neque maius neque pulchrius cuiquam atque mihi esse uideatur, sed si liceat re publica salua ea persequi. sed quatenus id fieri non

potest, multo tempore multisque partibus inimici nostri non peribunt atque, uti nunc sunt, erunt potius quam res publica profligetur atque pereat.

Eadem alio loco: Verbis conceptis deierare ausim, praeterquam qui Tiberium Gracchum necarunt, neminem inimicum tantum molestiae 5 tantumque laboris, quantum te ob has res, mihi tradidisse; quem oportebat omnium eorum, quos antehac habui liberos, partis eorum tolerare atque curare, ut quam minimum sollicitudinis in senecta haberem, utique quaecumque ageres, ea uelles maxime mihi placere, atque uti nefas haberes rerum maiorum aduersum meam sententiam quicquam 10 facere, praesertim mihi, cui parua pars uitae restat. ne id quidem tam breue spatium potest opitulari, quin et mihi aduersere et rem publicam profliges? denique quae pausa erit? ecquando desinet familia nostra insanire? ecquando modus ei rei haberi poterit? ecquando desinemus et habentes et praebentes molestiis desistere? ecquando per- 15 pudeset miscenda atque perturbanda re publica? sed si omnino id fieri non potest, ubi ego mortua ero, petito tribunatum; per me facito quod lubebit, cum ego non sentiam. ubi mortua ero, parentabis mihi et inuocabis deum parentem. in eo tempore non pudebit te eorum deum preces expetere, quos uiuos atque praesentes relictos atque de- 20 sertos habueris? ne ille sirit Iuppiter te ea perseuerare, nec tibi tantam dementiam uenire in animum. et si perseueras, uereor ne in omnem uitam tantum laboris culpa tua recipias, uti in nullo tempore tute tibi placere possis. *Codices Corn. Nep. ad finem*

**60** Nonne oratione huiusmodi explicarei uis, ut Nepos de re Numantina id epistula eo minore de bello innectit: 'undique uiri e nationibus adducti Hispaniae aderant operam gestantes <\*\*\*>' *Fronto ad Verum 2. 1 (p. 120 van den Hout)*

**61** Appellatio grammaticorum Graeca consuetudine inualuit, sed initio litterati uocabantur. Cornelius quoque Nepos libello quo distin-



guit litteratum ab erudito, litteratos uulgo quidem appellari ait eos, qui aliquid diligenter et acute scienterque possint aut dicere aut scribere, ceterum proprie sic appellandos poetarum interpretes, qui a Graecis grammatici nominentur. *Suet. de gramm. 4*

**62** Vini quoque natura parcissimus erat [*sc. Octavianus*]. non amplius ter bibere eum solitum super cenam in castris apud Mutinam Cornelius Nepos tradit. *Suet. Aug. 77*

## VII. CARMINA

**63** Inter quos [*sc. bonos poetas*] uel praecipue numerandus est P. Vergilius, Cornelius Nepos et prius Accius Enniusque. *Plin. ep. 5. 3. 6*

## VIII. EX LIBRIS INCERTIS

**64** Largitudo nusquam inuenitur nisi apud Nepotem. *Charis. I (p. 128.9 Barwick)*

**65** Culmum generis neutri, ut Nepos uult. *Auct. de dub. nom. (GLK 5.576.12)*



